

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN IZHAR BIN AHMAD (LARKIN)
SOALAN B1**

Apakah langkah proaktif kerajaan bagi menangani isu yang melibatkan sentimen perkauman dan agama yang semakin berleluasa dan kronik?

JAWAPAN YB TUAN DR. RAMAKRISHNAN A/L SUPPIAH

Kerana pulut santan binasa, kerana mulut badan binasa. Itulah yang berlaku pada masa sekarang kerana tindakan mengeluarkan kenyataan provokasi dan penghinaan terutama berkaitan sentimen kaum dan agama ini boleh menggugat perpaduan masyarakat dan ketenteraman awam.

Isu perkauman dan agama terutama di media sosial semakin berleluasa dan kronik akibat perbuatan segelintir individu dan kemudiannya mencetuskan perbalahan antara satu sama lain. Malah ada tindakan yang tidak bertanggungjawab menggunakan akaun palsu dan menyebarkan berita yang tidak betul seolah-olah seperti menangguk di air keruh.

Perkembangan teknologi terkini yang membolehkan semua pihak menularkan sesuatu berita dengan pantas menjadi satu cabaran yang sedaya upaya ditangani oleh agensi yang berkaitan. Kesan media sosial mampu mewujudkan keadaan genting di alam maya dan boleh menimbulkan rasa kurang senang di antara kaum yang akhirnya mencetus persengketaan di seluruh negara.

Penyebaran isu-isu perkauman dan agama ini telah diambil perhatian serius dan ditangani segera oleh pihak Polis Di Raja Malaysia (PDRM) dan Suruhanjaya Komunikasi dan Multimedia (SKMM) dalam menangani gejala di media sosial dan media maya. Penyiasatan, semakan menyeluruh dan tindakan tegas dikenakan terhadap mereka yang bertanggungjawab menyebarkan berita/cerita yang melibatkan sentimen perkauman dan agama. Tindakan undang-undang yang diambil ini merupakan satu bentuk amaran dan pengajaran kepada mereka yang tidak bertanggungjawab demi menjamin kesejahteraan dan kemakmuran rakyat di negara ini.

Sifat keterbukaan yang diamalkan oleh kerajaan tidak seharusnya disalahgunakan dan diambil kesempatan. Adalah diharapkan rakyat yang cintakan perpaduan tampil memberikan kerjasama dan melaporkan kandungan berbau perkauman di media sosial kepada SKMM agar tindakan penguatkuasaan dapat diambil. Janganlah disalah gunakan kebebasan bersuara dengan melakukan perkara-perkara yang boleh menimbulkan perasaan kebencian dan menggugat ketenteraman awam. Terapkan kembali nilai-nilai murni seperti hormat menghormati, bertolak ansur antara satu sama lain dan bekerjasama yang menjadi asas kepada Malaysia sebagai sebuah negara yang aman dan damai walaupun didiami oleh pelbagai kaum.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN IZHAR BIN AHMAD (LARKIN)
SOALAN B2**

Apakah tindakan pragmatik kerajaan bagi menghadapi kesan kemelesetan ekonomi serantau khususnya mengenai sekatan dan pemberhentian tenaga kerja tempatan oleh negara jiran Singapura?

JAWAPAN YB TUAN HAJI AMINOLHUDA BIN HAJI HASSAN

Merujuk kepada Data Statistik Utama Tenaga Buruh Johor yang dikeluarkan oleh Jabatan Perangkaan Malaysia, kadar pengangguran di Johor pada tahun 2018 bertambah baik daripada 3.4 peratus (2017) kepada 3.0 peratus (2018). Ini menunjukkan ekonomi negara masih dapat dikekalkan dalam keadaan guna tenaga penuh iaitu kadar pengangguran di bawah 4.0 peratus.

Namun begitu, langkah-langkah proaktif juga telah diambil oleh Unit Strategik Modal Insan Johor dengan mengadakan inisiatif untuk menangani isu ini iaitu:

1. Karnival Kerjaya Johor Bestari

Menerusi Unit Strategik Modal Insan Melalui Program Karnival Kerjaya Johor Bestari peringkat negeri yang telah diadakan pada 20 & 21 April 2019 di Galleria@ Kotaraya yang lalu, lebih dari 5,000 peluang pekerjaan telah ditawarkan dengan penglibatan majikan sebanyak 80. Manakala pada 3 Ogos 2019 juga telah diadakan Karnival Kerjaya Johor Bestari di Tangkak dengan menawarkan lebih daripada 1,000 kekosongan jawatan. Seterusnya pada 20 Oktober 2019 ini, Karnival Kerjaya ini akan berlangsung di Batu Pahat dengan sasaran lebih daripada 1,000 kekosongan yang terbuka kepada semua pencari kerja. Jumlah keseluruhan kekosongan jawatan menerusi karnival kerjaya ialah lebih daripada 7,000.

Tambahan lagi, Jabatan Tenaga Kerja Negeri Johor menerusi Pusat JobsMalaysia Johor turut mengadakan karnival kerjaya di pelbagai lokasi yang antaranya di Pasir Gudang, Kulai dan akan datang di Kluang.

2. Inisiatif Pensijilan Tenaga Mahir Johor melalui Program Pengiktirafan Pencapaian Terdahulu (PPT)

Program ini menyasarkan penglibatan di kalangan pekerja yang mempunyai pengalaman melebihi dua tahun dan tidak mempunyai kelulusan formal mendapat Sijil Kemahiran Malaysia (SKM) bagi tujuan pembangunan kerjaya dan mengelakkan pengangguran dalam tempoh masa yang lama sekiranya diberhentikan kerja oleh majikan. Pekerja-pekerja mahir ini perlu membuktikan keterampilan yang boleh dimiliki atau diperolehi untuk dinilai dan disahkan di samping syarat-syarat lain yang telah ditetapkan. Sehubungan itu, Unit SMI mensasarkan sekurang-kurangnya 200 orang pekerja mendapat pensijilan kemahiran pada tahun 2019 melalui program ini.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN IZHAR BIN AHMAD (LARKIN)
SOALAN B3**

Apakah pendekatan atau tindakan kerajaan dalam menangani permasalahan lokasi atau penawaran tanah perkuburan Islam yang semakin berkurangan dan kritikal di daerah Johor Bahru?

JAWAPAN YB TUAN HAJI TOSRIN BIN JARVANTHI

Untuk makluman, Majlis Agama Islam Negeri Johor sedang dalam proses untuk membeli sebidang tanah di Seelong, mukim Tebrau, Johor Bahru, Johor untuk dijadikan tapak perkuburan Islam berpusat.

Tapak seluas 26.997 hektar (66.710 ekar) mempunyai sebanyak 21 lot tanah. Purata keluasan bagi setiap lot tanah ialah 1.285 hektar (3.176 ekar).

Lot tanah ini terletak dalam zon perindustrian. Ia merupakan tanah lot bebas dan hak milik pegangan pajakan selama 99 tahun yang tempoh berakhirnya pada 6 Februari 2089 (**baki 70 tahun**).

Jumlah yang ditawarkan kepada Majlis Agama Islam Negeri Johor (MAINJ) adalah **RM52,306,792,20 (lima puluh dua juta tiga ratus enam ribu tujuh ratus sembilan puluh dua dan dua puluh sen sahaja)**.

Selain itu, pihak Jabatan Agama Islam Negeri Johor (JAINJ) juga akan menubuhkan tabung pengurusan tanah kubur negeri Johor bagi mengumpulkan dana untuk membeli, menyelenggara dan menguruskan tanah perkuburan Islam di negeri Johor. Oleh itu, pada kesempatan ini saya ingin menyeru dan mengajak semua Ahli-Ahli Yang Berhormat yang beragama Islam untuk sama-sama menyumbang ke dalam tabung ini kelak.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

YB TUAN IZHAR BIN AHMAD (LARKIN)
SOALAN B4

Apakah status pengiktirafan dan penerimaan sijil pendidikan agama (Darjah Khas) dalam pasaran tenaga kerja semasa?

JAWAPAN YB TUAN HAJI AMINOLHUDA BIN HAJI HASSAN

Suruhanjaya Perkhidmatan Awam Johor (SPAJ) menimbang guna pekeliling dan peraturan yang ditetapkan oleh kerajaan Persekutuan dari masa ke semasa. Pada masa ini SPAJ mengguna pakai Pekeliling Perkhidmatan Bilangan 1 Tahun 2016: Rasionalisasi Skim Perkhidmatan bagi Perkhidmatan Awam Persekutuan di Bawah Sistem Saraan Malaysia bagi tujuan pelantikan ke perkhidmatan awam negeri Johor.

Merujuk kepada pekeliling tersebut tiada pengiktirafan bagi sijil Pendidikan agama (Darjah Khas) melainkan bagi Sijil Tinggi Agama Malaysia (STAM) yang merupakan salah satu syarat kelayakan pelantikan bagi beberapa jawatan.

**SOALAN-SOALAN BERTULIS BAGI MESYUARAT KEDUA
PENGGAJAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN IZHAR BIN AHMAD (LARKIN)
SOALAN B5**

Apakah status dan kriteria bagi permohonan lesen perniagaan khususnya dalam bidang e-Sport dan perkhidmatan digital?

JAWAPAN YB TUAN TAN CHEN CHOON

Bagi lesen premis perniagaan ini (e-Sport dan perkhidmatan digital) peniaga perlu mendapatkan Lesen Hiburan Raya Awam-Permainan Kanak-kanak (Simulator dan Mesin Hi-Tech) dari Pejabat-pejabat Daerah terlebih dahulu sebelum Lesen Premis Perniagaan dan Iklan dikeluarkan oleh pihak PBT. Ini kerana Lesen Hiburan Raya Awam-Permainan Kanak-kanak (Simulator dan Mesin Hi-Tech) tertakluk dibawah Enakmen Hiburan dan Tempat-tempat Hiburan 1998 yang diwartakan pada 01 Oktober 1998.

Untuk makluman pihak Jabatan Kerajaan Tempatan, Kementerian Perumahan dan Kerajaan Tempatan masih dalam peringkat penyediaan garis panduan pelesenan aktiviti esport di pihak berkuasa tempatan (PBT).

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB DATUK IR. HAJI HASNI BIN MOHAMMAD (BENUT)
SOALAN B6**

Minta dinyatakan apakah produk-produk pelancongan agro-tourism baru di daerah-daerah yang boleh disenaraikan dan kaedah mempromosikannya?

JAWAPAN YB CIK LIOW CAI TUNG

Kerajaan negeri menerusi Tourism Johor sentiasa mengenal pasti lokasi-lokasi pelancongan baharu di negeri Johor terutama produk berasaskan agro-pelancongan agar dapat menjadi kawasan tumpuan kedatangan pelancong sempena Tahun Melawat Johor 2020. Terdapat banyak lagi lokasi pelancongan di negeri ini yang belum diterokai dan berpotensi untuk diketengahkan malah berpotensi untuk tarikan pelancong dan bukannya lokasi-lokasi sedia ada yang telah matang dan dikenali. Sebagai contoh, di Simpang Renggam dalam Daerah Kluang terdapat lading jagung yang diusahakan di Parit Ghani yang difahamkan telah berjaya menarik kira-kira hampir 60,000 pelancong atau pengunjung datang ke ladang ini.

Selain daripada itu, produk agro-pelancongan ladang nenas yang terletak di Kampung Isnin Maarof, Simpang Renggam juga dilihat telah pun berjaya mencuri tumpuan pelancong untuk datang berkunjung ke destinasi agropelancongan ini. Manakala di Daerah Pontian, di fahamkan projek ternakan kelulut Uncle Tan Stingless Bee Farm yang terletak di Rambah, Pontian dan projek Tanaman Jagung Honey Gene yang diusahakan oleh penduduk Kg. Parit Haji Arip di Parit Sikom, Mukim Api-Api, Pontian. Ini secara tidak langsung mampu menambahkan lagi aktiviti pelancongan berkonsepkan agro pelancongan yang boleh diketengahkan untuk dijadikan salah satu lokasi agro-pelancongan di Daerah Pontian khasnya dan Negeri Johor amnya.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB DATUK IR. HAJI HASNI BIN MOHAMMAD (BENUT)
SOALAN B7**

Minta dinyatakan inisiatif-inisiatif agensi-agensi persekutuan dan negeri dalam mempromosikan lagi Tahun Melawat Johor 2020?

JAWAPAN YB CIK LIOW CAI TUNG

Tahun 2020 telah diumumkan sebagai Tahun Melawat Johor oleh kerajaan memandangkan industri pelancongan berpotensi untuk dimajukan di negeri kita. Sektor pelancongan juga perlu dimantapkan kerana sektor ini mampu memantapkan ekonomi negeri kita. Banyak tempat menarik yang terdapat di negara kita boleh dikunjungi oleh pelancong-pelancong asing dan tempatan seperti di Legoland, Shopping, Desaru dan sebagainya.

Oleh itu pelbagai usaha boleh dilaksanakan untuk memajukan industri pelancongan tersebut sama ada oleh pihak kerajaan sendiri mahupun agensi yang berkaitan. Antara inisiatif yang perlu dilaksanakan oleh pihak kerajaan ialah menambah kemudahan pengangkutan dan perhubungan ke destinasi-destinasi yang menarik di negara kita. Kemudahan pengangkutan ini dapat memberi peluang yang lebih banyak kepada pelancong untuk pergi ke destinasi yang mereka sukai. Sebagai contohnya, kerajaan membina kemudahan di CIQ, Second Link agar pusat pelancongan ini mudah dikunjungi pelancong. Jadual penerbangan ke negeri Johor juga perlu ditambah terutama dengan mengadakan promosi tambang murah kepada pelancong asing yang ingin melawat ke Malaysia. Dengan cara ini, para pelancong akan berasa selesa apabila berkunjung ke Negeri Johor.

Selain itu, usaha untuk meningkatkan jumlah tempat-tempat penginapan seperti hotel dan chalet perlu ditingkatkan. Usaha ini boleh dilaksanakan dengan memperbanyakkan pembinaan hotel lima bintang yang mengenakan kadar bayaran berpatutan diiringi dengan bilik yang selesa untuk menarik minat pelancong. Sebagai contohnya, MyBAH atau MAH memperkenalkan pakej penginapan murah berserta makanan tradisional tempatan akan meningkatkan jumlah pelancong menginap di hotel tersebut. Justeru, sekiranya usaha seperti ini dilaksanakan secara berterusan, jumlah pelancong asing yang akan kembali semula ke negeri Johor akan bertambah di samping menggalakkan kedatangan pelancong baru.

Pada masa yang sama, kerajaan juga perlu mengadakan lebih banyak promosi untuk menjelaskan aktiviti pelancongan yang diadakan di negara kita. Promosi tentang destinasi pelancongan yang menarik, kebudayaan dan karnival jualan boleh dilaksanakan dengan giat sama ada di dalam mahupun di luar negara. Sebagai contohnya, Tourism Johor telah mengadakan promosi ke Negara Vietnam, Halong Bay bagi menarik pelancong dari Asia .

Usaha mempromosikan negara ini juga boleh dijalankan melalui penggunaan teknologi maklumat seperti Internet bagi menyebarkan maklumat tentang pelancongan di negeri ini. Penggunaan Internet dapat memastikan semua pelancong memperoleh maklumat berguna mengenai destinasi pelancongan menarik dan aktiviti pelancongan di negeri Johor. Jelasnya, promosi yang giat dapat memastikan semua maklumat pelancongan disebarkan secara berkesan bagi menarik kunjungan pelancong.

Salah satu aspek penting yang ditekankan oleh pelancong terutama pelancong asing ialah aspek kebersihan dan kemudahan prasarana. Kawasan pelancongan mestilah sentiasa

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

bersih dan diselenggarakan dengan baik. Petugas-petugas di kawasan pelancongan perlu ditambah bagi memastikan kebersihan sentiasa terkawal. Begitu juga halnya dengan kemudahan prasarana bagi membolehkan pelancong membeli-belah dengan selesa. Sebagai contohnya, kemudahan seperti bank, insurans serta pusat membeli belah perlu dibina di kawasan pelancongan. Langkah-langkah seperti ini mampu menjadi daya tarikan pelancong untuk terus menjadikan negeri Johor sebagai destinasi pelancongan yang diminati.

Selain usaha tersebut, usaha menarik pelancong ini turut dipikul oleh rakyat negara ini. Sikap ramah dan suka membantu pelancong harus diutamakan oleh rakyat negeri Johor. Keramahan rakyat negara ini harus dibuktikan melalui sikap ikhlas melayan tetamu kita itu. Umpamanya, pemandu teksi yang dianggap “duta pelancongan negara” haruslah bersikap ramah, mesra dan menjauhi amalan ingin mengambil kesempatan atas kehadiran pelancong asing bagi mengaut keuntungan mudah. Rakyat perlulah menunjukkan nilai sopan santun dan lembut bahasa kerana “bahasa menunjukkan bangsa”. Jadi, rakyat negeri ini harus mengubah sikap mereka dengan melayan pelancong tempatan atau asing ini dengan lebih baik agar kunjungan mereka ke negeri Johor sentiasa memberi kenangan manis di sepanjang hidup mereka.

Memandangkan persaingan dalam industri pelancongan semakin sengit, agensi-agensi pelancongan perlu bersikap lebih kreatif bagi menerokai bidang pelancongan baru. Konsep pelancongan perlu diperluaskan dengan memperkenalkan pelbagai jenis pelancongan seperti “ekopelancongan”, pelancongan alam sekitar, pelancongan pendidikan, pelancongan perubatan dan sebagainya. Hal ini sesuai dengan pepatah Melayu, “tak kenal maka tak cinta”. Jika pelancongan versi baru ini tidak dicuba di negeri kita, kita tidak akan mengetahui potensi yang dapat diperolehi daripada industri pelancongan tersebut. Pada masa yang sama, pelbagai aktiviti sukan seperti Le Tour De Johor serta persidangan antarabangsa perlu diadakan di MICE Persada. Ia mampu menarik jumlah pelancong berkunjung ke negeri Johor.

Segala tindakan yang dirancang dan direncanakan memerlukan bantuan dan kerjasama daripada semua pihak. Semoga melalui keprihatinan dan rasa bertanggungjawab dan cinta akan negeri kita, nama Johor akan menjadi sebutan dan tumpuan utama seluruh penduduk dunia untuk berkunjung sambil merehatkan minda mereka.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB DATUK IR. HAJI HASNI BIN MOHAMMAD (BENUT)
SOALAN B8**

Minta dinyatakan program-program mega atau berimpak tinggi yang baru sama ada bertaraf domestik atau antarabangsa yang bakal dianjurkan oleh kerajaan negeri bagi merencanakan Tahun Melawat Johor 2020?

JAWAPAN YB CIK LIOW CAI TUNG

Sempena Visit Johor 2020, Tourism Johor sedang rancang membuat promosi dengan menganjurkan beberapa acara. Kerajaan Negeri juga telah melancarkan 20 acara 20 destinasi pada pra pelancaran Visit Johor 2020. 20 acara yang akan dianjurkan bagi merencanakan lagi Visit Johor 2020 adalah sebagaimana berikut:

1. Majlis Tahun Melawat Johor 2020
2. Festival Chingay
3. Festival Layang-Layang
4. Pesta Warna Warni Darul Ta'zim @ Pengerang 2020
5. Karnival Ledang
6. Karnival Jambatan Sultan Ismail
7. Festival Pantai Mersing
8. Discovery Darul Ta'zim
9. Kembara Mahkota Johor 2020
10. Festival Durian
11. Sawit Art & Culture
12. Ledang Climbathon
13. Festival Orchid 2020
14. Festival Bendang
15. KOODA
16. Parade UTHM (Town and Gown Parade)
17. Johor Food Festival 2020
18. Festival Cahaya (Holi Festival)
19. Festival Hujung Benua 2020
20. Muar Art Festival

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB DATUK IR. HAJI HASNI BIN MOHAMMAD (BENUT)
SOALAN B10**

Minta dinyatakan jumlah terkini pekerja asing yang berdaftar di dalam negeri Johor dan bidang yang mereka ceburi dan sebagai rumusan adakah jumlah ini satu peningkatan atau penurunan dalam tempoh 5 tahun sebelumnya?

JAWAPAN YB TUAN HAJI AMINOLHUDA BIN HAJI HASSAN

Jumlah terkini pekerja asing yang berdaftar di Daerah Johor Bahru dan bidang yang mereka ceburi bagi tahun **2015 hingga 2019 (sehingga Ogos)** adalah seperti berikut :

Bil.	Sektor	Tahun				
		2015	2016	2017	2018	2019 (Sehingga Ogos)
1.	Pembantu Rumah	3,784	3,250	1,851	26	2,223
2.	Pembinaan	23,635	15,858	8,686	16,998	3,948
3.	Pembuatan	9,567	600	487	577	31
4.	Perkhidmatan	17,484	11,562	6,415	17,288	6,158
5.	Perkilangan	49,099	31,250	18,801	62,609	19,938
6.	Perladangan	7,312	4,131	2,455	7,608	3,076
7.	Pertanian	13,270	6,239	3,219	12,950	5,368
Jumlah		124,151	72,890	41,922	118,056	40,742

Sebagai rumusan, terdapat penurunan jumlah pekerja asing pada tahun 2016 dan 2017 kerana pengurusan pekerja asing diuruskan oleh syarikat yang dilantik oleh kerajaan.

Manakala terdapat peningkatan pada tahun 2018 disebabkan oleh pelaksanaan Program *Rehiring* yang berakhir pada 31.12. 2018.

Nota : Jabatan tiada data mengikut pecahan daerah.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN HAJI RASMAN BIN ITHNAIN (SEDILI)
SOALAN B11**

Apakah cadangan kerajaan bagi mengatasi isu air di kawasan DUN Sedili?

JAWAPAN YB TUAN JIMMY PUAH WEE TSE

Untuk menyelesaikan masalah bekalan air di DUN Sedii, kerajaan Johor telah memohon peruntukan daripada kerajaan persekutuan bagi membina penyaluran air mentah dari muka sauk di Sungai Sedili Besar berhampiran Kg. Mawai ke LRA Sg. Gembut berkapasiti 20 JLH di mana anggaran panjang paip adalah 25KM. Manakala kos projek tersebut dianggarkan RM42.0 juta. Selain itu, pihak BAKAJ telah menjalankan projek menaik taraf muka sauk untuk LRA Bukit Batu, Kulai dan juga LRA FELDA Lok Heng. Objektif projek ini adalah untuk menambah kadar pengambilan air dari muka sauk yang telah dilebarkan storannya. Selain itu, pihak BAKAJ telah menyiapkan pembinaan 3 buah *tube well* berhampiran Loji Rawatan Air Lok Heng. Jumlah kapasiti pengeluaran dari 3 buah *tube well* adalah sebanyak 0.9 MLD yang melibatkan kos sebanyak RM800 ribu.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN HAJI RASMAN BIN ITHNAIN (SEDILI)
SOALAN B12**

Berapa peratuskah pendapatan YPJ dan berapa peratuskah daripada jumlah pendapatan ini disalurkan untuk pendidikan?

JAWAPAN YB TUAN HAJI AMINOLHUDA BIN HAJI HASSAN

Tahun	2017 (RM)	2018 (RM)	2019 (RM) Sehingga Ogos 2019
Dana daripada YPJ Holdings Sdn. Bhd	9,500,000.00	12,500,000.00	-
Dana daripada Kerajaan Negeri	1,988,575.35	1,286,166.25	-
Bayaran balik pinjaman pelajaran	14,148,748.06	8,300,202.02	6,634,457.99
Hibah daripada simpanan/A/k semasa	571,855.58	908,055.64	30,487.78
Pendapatan lain-lain	9,631,184.41	17,041,753.69	4,520,412.12
Jumlah	35,840,363.40	40,036,177.60	11,185,357.89
Sasaran ditetapkan	52,206,000.00	42,730,000.00	34,820,000.00
Peratusan dicapai	69%	94%	32%

Jumlah yang digunakan untuk pendidikan	2017 (RM)	2018 (RM)	2019 (RM) Sehingga Ogos 2019
Pinjaman Pelajaran	18,826,476.67	18,120,539.97	14,931,433.35
Biasiswa Pelajaran	766,613.08	865,665.00	627,165.00
Bantuan Pelajaran & Sumbangan	6,896,421.31	6,701,600.00	295,950.00
Program Mahasiswa	2,917,942.81	1,642,883.91	359,941.00
Program Kecemerlangan	2,146,693.05	1,154,030.00	197,674.67
Jumlah	31,554,146.92	28,484,718.88	16,412,164.02
Peratusan digunakan	88%	71%	147%

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN HAJI RASMAN BIN ITHNAIN (SEDILI)
SOALAN B13**

Apakah rancangan kerajaan untuk pembangunan di Jason Bay, Tanjung Sedili di masa akan datang?

JAWAPAN YAB MENTERI BESAR

Negeri Johor adalah sebuah kerajaan yang sentiasa merancang untuk membina seluruh ceruk rantaunya bagi nikmat pembangunan itu dapat dikecapi bersama-sama dan pembangunan kerajaan hari ini bukan hanya memfokuskan pembangunan di sesetengah kawasan bandar semata-mata. Adalah menjadi matlamat utama Kerajaan Johor kini untuk membangunkan seluruh daerah dan wilayah dengan mengikut keistimewaan serta kepakaran lingkungan tersebut. Ianya, akan lebih menitikberatkan faktor kemapanan kawasan sekitarnya.

Merujuk kepada Rancangan Tempatan Daerah Kota Tinggi (RTD) 2020, Jason Bay terletak dalam Blok Perancangan (BP) 5 Sedili Besar dan Blok Perancangan Kecil (BPK 5.3) Teluk Mahkota di bawah pentadbiran Majlis Daerah Kota Tinggi (MDKT).

Selaras dengan itu, kawasan ini terlibat dengan hierarki Pusat Petempatan Kecil yang berfungsi sebagai **Bandar Perikanan, Pelancongan Marin** dan **Pusat Perkhidmatan serta Perdagangan Bertaraf Sederhana dan Tinggi**. Kawasan ini juga telah dikenal pasti sebagai zon persisiran pantai kerana kedudukannya yang terletak di sepanjang pesisir pantai Daerah Kota Tinggi.

Antara strategi pembangunan yang telah dicadangkan dalam RTD Kota Tinggi 2020 bagi kawasan ini adalah menyediakan pelbagai kemudahan dan pakej bagi meningkatkan potensi pelancongan dengan menumpukan kepada **Pelancongan Pesisiran Pantai**:

- **Teluk Mahkota – Teluk Punggai**: sebagai pusat makanan laut, kraf tangan, Chalet dan resort.

Selain itu, kawasan ini juga dikenal pasti mempunyai produk pelancongan alam semula jadi serta produk ekopelancongan. Cadangan pembangunan pelancongan semula jadi ini merangkumi produk-produk pelancongan seperti membangunkan produk pelancongan berasaskan hutan paya bakau yang berpotensi menjana taraf ekonomi penduduk tempatan dan menyokong aktiviti pelancongan utama yang lain. Bagi memastikan kawasan ini menjadi tarikan pelancong, terdapat cadangan lawatan pelancongan Eko-Marina di Perkampungan Nelayan yang menyelusuri sepanjang pesisir pantai ini iaitu:

- i. Melakukan aktiviti **"River Cruise"** di Sungai Sedili untuk mengenali hutan paya bakau dengan keunikan tersendiri sebagai tarikan ekopelancongan.
- ii. Memancing di Sungai Sedili atau laut lepas. Potensi untuk aktiviti menyewa bot-bot kecil dan besar.
- iii. Singgah dan menyertai aktiviti nelayan di Perkampungan Nelayan di Sedili Besar.
- iv. Menyertai aktiviti nelayan dan penghasilan produk IKS di Perkampungan Nelayan di Sedili Besar yang mendapat pengiktirafan peringkat kebangsaan bagi hasil kraf tangan laut oleh Kumpulan Isteri-Isteri Nelayan (KUNITA).
- v. Singgah di Teluk Mahkota (Jason Bay) dan menikmati makanan laut.
- vi. Menginap di Mutiara Resort, Sedili Country Resort dan Sri Damai Resort.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

Dalam RTD Kota Tinggi 2020, kawasan ini juga telah dicadangkan untuk penyediaan Rancangan Kawasan Khas Pelancongan Pesisiran Pantai. Ini adalah kerana kawasan di sepanjang persisiran pantai Kota Tinggi:

- Dari Teluk Mahkota –Tanjung Balau – Batu Layar: Dilihat sangat berpotensi bagi tujuan pembangunan pelancongan berasaskan pantai, ekologi, agro dan sebagainya.

Sehubungan itu, kajian RKK ini dilihat boleh memfokuskan kepada perancangan dan penyusunan semula pembangunan pelancongan di sepanjang persisiran tersebut agar berdaya maju, ekonomik dan mengambil kira kepentingan pemeliharaan alam sekitar, kesan kepada penduduk setempat dan lain-lain perkara yang akan diperincikan dalam kajian itu kelak.

Oleh itu, antara usaha yang telah dilakukan bagi memastikan rancangan pembangunan di kawasan tersebut dapat dilaksanakan adalah Pihak MDKT telah mengemukakan permohonan projek pembangunan pelancongan dalam Rancangan Malaysia ke Sebelas (RMK-11) melalui Kementerian Pelancongan Seni dan Budaya (MOTAC) pada Mac 2018 sebanyak RM 8 juta. Namun begitu, permohonan tersebut tidak diluluskan dalam RMK-11.

Sehubungan itu, pihak MDKT telah mengemukakan semula permohonan bagi cadangan menaik taraf landskap Teluk Mahkota, Tanjung Sedili, Mukim Sedili, Kota Tinggi dengan peruntukkan sebanyak RM1.6 juta kepada MOTAC untuk mendapatkan kelulusan peruntukan.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN HAJI RASMAN BIN ITHNAIN (SEDILI)
SOALAN B14**

Apakah kerajaan akan meneruskan rancangan kerajaan terdahulu untuk menaik taraf jalan dari Bandar Penawar ke Mersing melalui Jalan Sedili?

JAWAPAN YB TUAN HAJI MOHD SOLIHAN BIN BADRI

Projek tersebut dibatalkan pelaksanaannya selaras dengan ketetapan MOF dlm surat bertarikh 26 Jun 2018, mana-mana projek yang belum keluar SST semuanya perlu dibatalkan atas sebab rasionalisasi kerajaan.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN NG YAK HOWE (BENTAYAN)
SOALAN B15**

Senaraikan bilangan unit, kategori serta lokasi bagi "Rumah Mampu Biaya" yang sedang dirancang dan akan dilaksanakan di sekitar daerah Muar?

JAWAPAN YB TUAN SR. DZULKEFLY BIN AHMAD

Jadual di bawah menunjukkan bilangan unit Rumah Mampu Biaya Johor yang telah siap pada tahun 2014 hingga tahun 2018 berjumlah 138 unit dan bilangan unit dijangka siap pada tahun 2019 hingga tahun 2023 berjumlah 933 unit.

DAERAH	TAHUN JANGKA SIAP PEMBINAAN								JUMLAH
	2014	2015	2016	2017	2018	2019	2020	2021-2023	
MUAR	3	0	0	135	0	73	58	802	1,071

Manakala jadual di bawah pula menunjukkan pembahagian mengikut projek:

BIL	PEMAJU	PROJEK	PARLIMEN	DUN	KATEGORI	TAHUN JANGKA SIAP	JUMLAH UNIT
1	GOLD LI DEVELOPMENT SDN BHD	TAMAN PUTERA INDAH	MUAR	MAHARANI	RMBJ C	2014	3
2	LEONG HUP INDUSTRIES SDN BHD	TAMAN SETIA UTAMA	BAKRI	BENTAYAN	RMBJ A	2017	90
3	SELOKA TERBIT DEV SDN BHD	PANGSAPURI TAMAN DAMAI	MUAR	MAHARANI	RMBJ A	2017	31
4	SELOKA TERBIT DEV SDN BHD	PANGSAPURI TAMAN DAMAI	MUAR	MAHARANI	RMBJ B	2017	14
5	THIANO LINO DEVELOPMENT	TAMAN UNAS PERMAI	MUAR	MAHARANI	RMBJ A	2019	20
6	THIANO LINO DEVELOPMENT	TAMAN UNAS PERMAI	MUAR	MAHARANI	RMBJ B	2019	15
7	THIANO LINO DEVELOPMENT	TAMAN UNAS PERMAI	MUAR	MAHARANI	RMBJ B	2021-2023	14
8	THIANO LINO DEVELOPMENT	TAMAN UNAS PERMAI	MUAR	MAHARANI	RMBJ C	2021-2023	26
9	PECK SEONG SDN BHD	TAMAN MAHARANI AYU, JALAN ISMAIL	BAKRI	BENTAYAN	RMBJ A	2019	38

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

10	PECK SEONG REALTY SDN BHD	TAMAN MAHARANI AYU, JALAN ISMAIL	BAKRI	BENTAYAN	RMBJ B	2020	58
11	PAGOH JAYA (2000) SDN BHD	PTD 13805 DAN LOT 7412, MUKIM JORAK	PAGOH	BUKIT PASIR	RMBJ B	2021-2023	92
12	PAGOH JAYA (2000) SDN BHD	PTD 13805 DAN LOT 7412, MUKIM JORAK	PAGOH	BUKIT PASIR	RMBJ A	2021-2023	420
13	PAGOH JAYA (2000) SDN BHD	PTD 13805 DAN LOT 7412, MUKIM JORAK	PAGOH	BUKIT PASIR	RMBJ B	2021-2023	52
14	SIME DARBY PAGOH SDN BHD	LOT PTD 14414 -16 & 14428	PAGOH	BUKIT PASIR	RMBJ C	2021-2023	198
JUMLAH UNIT							1,071

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN NG YAK HOWE (BENTAYAN)
SOALAN B16**

Nyatakan statistik bagi kejadian gangguan bekalan air terawat yang berlaku pada setiap bulan bermula Januari 2018 sehingga Julai 2019, mengikut pecahan gangguan operasional dan gangguan teknikal serta apakah langkah-langkah yang akan diambil bagi mengurangkan kadar kekerapan gangguan di daerah Muar?

JAWAPAN YB TUAN JIMMY PUAH WEE TSE

Untuk makluman Yang Berhormat, kejadian gangguan bekalan air terawat adalah disebabkan beberapa punca. Di bawah adalah jadual statistik punca yang telah menyebabkan gangguan bekalan air terawat di Daerah Muar.

No.	Bulan	Paip Pecah	Gangguan TNB	Kerja Bernotis
1	Jan	33	3	1
2	Feb	34	1	1
3	Mac	28	12	1
4	April	43	6	12
5	Mei	26	3	28
6	Jun	25	2	2
7	Julai	24	2	17
8	Ogos	23	0	3
9	Sept	26	2	3
10	Okt	28	11	1
11	Nov	36	0	3
12	Dis	34	0	1
2018		360	41	73
No.	Bulan	Paip Pecah	Gangguan TNB	Kerja Bernotis
1	Jan	23	1	4
2	Feb	26	1	1
3	Mac	48	7	4
4	April	32	8	3
5	Mei	31	1	3
6	Jun	29	0	3
7	Julai	22	5	4
2019		211	23	22

Pihak Ranhill SAJ telah mengenal pasti dan telah mengambil langkah susulan bagi mengurangkan masalah tersebut dalam jangka pendek dan panjang:

1. Kes-kes paip pecah adalah masalah utama yang menyebabkan gangguan bekalan air terawat. Masalah ini adalah disebabkan oleh paip sedia ada jenis Asbestos Cement (AC) yang masih digunakan yang telah berusia dan telah uzur. Bagi meminimumkan gangguan bekalan air, kerja-kerja pembaikan paip pecah mesti dilaksanakan dalam tempoh masa purata kurang daripada 18 jam supaya bekalan air dapat dipulihkan

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

dengan segera. Walau bagaimanapun, kejadian paip pecah yang berlaku biasanya hanya melibatkan gangguan yang tertentu dan tidak melibatkan pengguna yang ramai.

2. Bagi mengatasi kekerapan paip pecah dalam jangka panjang, pihak Ranhill SAJ telah menyenaraikan cadangan penggantian paip-paip lama setiap tahun dan akan dilaksanakan projek tersebut melalui pihak Perbadanan Aset Air Berhad (PAAB) mengikut peruntukan yang telah diluluskan oleh mereka setiap tahun.
3. Kerja penyelenggaraan aset secara berjadual telah dilaksanakan bagi memastikan semua aset bekalan air dalam keadaan berfungsi sepenuhnya. Aset-aset yang rosak dan tidak berfungsi dapat dikenal pasti lebih awal untuk kerja pembaikan dan pertukaran kepada aset yang baru.
4. Sentiasa berhubung rapat dengan pihak TNB bagi memastikan gangguan bekalan TNB dapat diminimumkan di loji-loji rawatan air dan rumah-rumah pam.
5. Bagi gangguan bekalan air berjadual, Notis gangguan bekalan air akan diedarkan lebih awal bagi persediaan pengguna menyimpan air secukupnya.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN NG YAK HOWE (BENTAYAN)
SOALAN B17**

Senaraikan lokasi-lokasi tanah pertanian yang telah terbiar atau tidak diusahakan oleh penyewa berserta jumlah keluasan, serta apakah tindakan susulan yang akan diambil bagi mengatasi permasalahan tanah pertanian yang terbiar di negeri Johor?

JAWAPAN YB TUAN HAJI TOSRIN BIN JARVANTHI

Dalam usaha memanfaatkan tanah yang terbiar untuk tujuan pertanian, Kementerian Pertanian dan Industri Asas Tani (MOA) bersama Jabatan Pertanian menggalakkan usahawan tani dan pemilik tanah untuk mengusahakan tanah dengan aktiviti pertanian menerusi Projek Pembangunan Tanah Terbiar.

Projek Pembangunan Tanah Terbiar ini telah dimulakan sejak Rancangan Malaysia Kesembilan (RMKe-9) lagi bertujuan untuk membangunkan tanah terbiar supaya menjadi tanah yang produktif dan memberi pulangan kepada pengusaha selain dapat meningkatkan pengeluaran tanaman makanan memandangkan tanah baharu bagi tujuan pertanian kini adalah terhad.

Bagi menangani permasalahan tanah terbiar ini, kerajaan negeri melalui Jabatan Pertanian Negeri Johor bahawa Jabatan Pertanian akan terus mempergiatkan lagi program pembangunan tanah terbiar sebagai dasar baru dalam RMK-12t untuk memajukan tanah terbiar milikan mereka melalui Revolusi Hijau Tanah Terbiar di bawah Perintis Keusahawanan Johor, kerajaan negeri memberi galakan dan insentif bantuan dengan memperuntukkan sebanyak RM 20,000.00 untuk membangunkan tanah terbiar di negeri Johor ini.

Ringkasan data tanah terbiar tahun 2019 mengikut kategori daerah :

NEGERI	DAERAH	TANAH DARAT		TANAH SAWAH		JUMLAH	
		Bil. Lot	Luas (Ha.)	Bil. Lot	Luas (Ha.)	Bil. Lot	Luas (Ha.)
JOHOR	BATU PAHAT	681	764.65	55	63.53	736	828.18
	JOHOR BAHRU	156	138.95	46	42.23	202	181.18
	KLUANG	220	688.27	79	144.05	299	832.31
	KOTA TINGGI	669	1,902.21	402	1,036.42	1,071	2,938.63
	KULAI	142	300.20	11	17.01	153	317.20
	TANGKAK	2	1.57	24	17.17	26	18.74
	MERSING	917	2,402.19	225	1,384.37	1,142	3,786.56
	MUAR	146	280.58	86	69.60	232	350.18
	PONTIAN	49	55.53	41	40.39	90	95.93
	SEGAMAT	369	446.44	241	302.43	610	748.87

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN NG YAK HOWE (BENTAYAN)
SOALAN B18**

Nyatakan statistik kekosongan perjawatan baru yang telah dilaporkan sejak dari Januari 2018 sehingga Julai 2019 berdasarkan pecahan sektor-sektor yang berkenaan di seluruh negeri Johor?

JAWAPAN YB TUAN HAJI AMINOLHUDA BIN HAJI HASSAN

Kadar statistik kekosongan perjawatan baru yang berdaftar (sumber daripada JobsMalaysia) dari Januari 2018 sehingga Julai 2019 berdasarkan 3 (tiga) sektor utama Di Negeri Johor mengikut *Malaysia Standard Industrial Classification (MSIC)* ialah:

- Pembuatan: 173, 027 kekosongan jawatan
- Pembinaan: 40,134 kekosongan jawatan
- Perkhidmatan dan lain-lain: 93,512 kekosongan jawatan

Jumlah keseluruhan kekosongan jawatan dari Januari 2018 sehingga Julai 2019 ialah:
306,673 kekosongan jawatan

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN NG YAK HOWE (BENTAYAN)
SOALAN B19**

Nyatakan jumlah guru, murid dan sekolah mengikut pecahan SMK, SK, SJKC dan SJKT bagi setiap daerah di negeri Johor dan adakah terdapat permasalahan kekurangan tenaga pengajar serta apakah tindakan susulan yang akan diambil bagi mengatasinya?

JAWAPAN YB TUAN HAJI AMINOLHUDA BIN HAJI HASSAN

Di negeri Johor, terdapat 234 buah Sekolah Menengah Kebangsaan (SMK), 609 buah Sekolah Kebangsaan (SK), 216 buah Sekolah Jenis Kebangsaan (Cina), 70 buah Sekolah Jenis Kebangsaan (Tamil). Pecahan sekolah mengikut daerah adalah seperti berikut:

SMK :

DAERAH	BIL SEKOLAH	BIL GURU	BIL MURID
BATU PAHAT	25	2,305	27,591
JOHOR BAHRU	41	3,484	46,006
KLUANG	25	1,647	18,201
KOTA TINGGI	17	1,117	12,391
KULAI	17	1,671	21,843
MERSING	8	518	4,893
MUAR	20	1,495	16,640
PASIR GUDANG	34	3,358	45,826
PONTIAN	14	1,087	11,974
SEGAMAT	22	1,239	13,160
TANGKAK	11	841	8,951

SK :

DAERAH	BIL SEKOLAH	BIL GURU	BIL MURID
BATU PAHAT	103	2,694	28,996
JOHOR BAHRU	74	3,186	45,699
KLUANG	50	1,621	18,849
KOTA TINGGI	57	1,583	17,961
KULAI	34	1,662	23,579
MERSING	31	700	7,375
MUAR	61	1,524	15,546
PASIR GUDANG	53	3,148	47,367
PONTIAN	55	1,277	12,864
SEGAMAT	52	1,234	12,173
TANGKAK	39	881	8,851

SJKC :

DAERAH	BIL SEKOLAH	BIL GURU	BIL MURID
BATU PAHAT	36	839	10,274
JOHOR BAHRU	17	1,343	25,907
KLUANG	21	534	6,846

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

KOTA TINGGI	9	163	1,688
KULAI	15	585	9,679
MERSING	4	81	925
MUAR	37	699	7,724
PASIR GUDANG	11	978	19,874
PONTIAN	25	385	3,770
SEGAMAT	20	477	5,668
TANGKAK	21	372	3,772

SJKT :

DAERAH	BIL SEKOLAH	BIL GURU	BIL MURID
BATU PAHAT	3	30	277
JOHOR BAHRU	5	235	3,974
KLUANG	17	195	1307
KOTA TINGGI	7	324	74
KULAI	5	152	1,956
MERSING	1	9	24
MUAR	4	65	298
PASIR GUDANG	9	254	3,346
PONTIAN	1	10	28
SEGAMAT	12	159	1017
TANGKAK	6	70	433

Tidak dinafikan dengan jumlah yang dinyatakan di atas, sememangnya terdapat kekurangan guru di SK dan SMK negeri Johor.

Bagi mengatasi masalah kekurangan guru ini, antara tindakan susulan yang diambil oleh pihak JPN Johor adalah :

- a) Akan melaksanakan arahan penempatan guru baharu dari Kementerian Pendidikan Malaysia (KPM) – status terkini sedang menunggu arahan diturunkan dari KPM.
- b) Mengimbangi agihan guru di semua Pejabat Pendidikan Daerah Negeri Johor.
- c) Melaksanakan pengisian guru ganti bagi mengisi kekosongan guru di sekolah yang disebabkan oleh guru yang bercuti atau tiada di sekolah.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB DATO' IR. SYED SIS BIN SYED A RAHMAN (TANJUNG SURAT)
SOALAN B20**

Apakah masalah yang dihadapi oleh kontraktor Projek Jalan P4 (Kg. Pungai ke Bukit Gelugor) yang sepatutnya siap sepenuhnya pada 19 Julai 2019 tetapi sampai sekarang masih belum dibuka untuk kegunaan awam?

JAWAPAN YB TUAN HAJI MOHD SOLIHAN BIN BADRI

Projek Jalan P4 (Kg. Pungai ke Bukit Gelugor) telah siap pembinaan sepenuhnya pada 30 Ogos 2019. Namun demikian, laluan P4 tersebut masih tidak dibuka kepada awam kerana masih dalam proses pewartaan.

Setelah selesai proses pewartaan jalan ini yang dijangka siap sepenuhnya pada 30 September 2019, laluan tersebut akan dibuka kepada umum.

**SOALAN-SOALAN BERTULIS BAGI MESYUARAT KEDUA
PENGGAJIAN PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN DR. CHONG FAT FULL (PEMANIS)
SOALAN B22**

Apakah status projek agromix di DUN Pemanis?

JAWAPAN YB TUAN HAJI TOSRIN BIN JARVANTHI

Status terkini pembangunan projek Agro Mixed Farm adalah berjalan seperti pelaksanaan awal di mana kesemua plot telah menunjukkan progres aktiviti pertanian dijalankan. Di bawah bimbingan Jabatan Pertanian terdapat 2 plot tanaman durian seluas 4ha, 2 plot tanaman kelapa seluas 4ha, 1plot tanaman limau bali seluas 2ha dan 1 plot fertigasi cili seluas 2ha.

Manakala di bawah bimbingan Jabatan Perikanan terdapat 1 plot ternakan ikan tilapia merah dan di bawah bimbingan Jabatan Veterinar pula terdapat 1 plot ternakan rusa dan 1 plot lagi adalah ternakan lembu tenusu.

Kesemua plot yang dinyatakan di atas telah dilaksanakan dengan aktiviti pertanian. Projek Agro Mixed Farm juga telah dirasmikan oleh YAB Dato Salahuddin bin Ayub, Menteri Pertanian dalam Majlis Perasmian Pelancaran Pertanian Campuran peringkat Kebangsaan pada 30 Jun 2019.

**SOALAN-SOALAN BERTULIS BAGI MESYUARAT KEDUA
PENGGAJ PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB DATUK ONN HAFIZ BIN GHAZI (LAYANG-LAYANG)
SOALAN B23**

Apakah status terkini masalah limpahan air lechete dari tapak buang sampah CEP Renggam, setiap kali berlakunya hujan setelah pusat pelupusan sudah ditutup?

JAWAPAN YB TUAN TAN CHEN CHOON

Untuk makluman, operasi Tapak Pelupusan Sampah (TPS) CEP Renggam telah ditamatkan dan ditutup pada bulan Mei 2019 lalu. Langkah tersebut telah menyaksikan tiada sebarang masalah limpahan air larut resap (*leachate*) yang berlaku.

Sebagai pencerahan, sisa pepejal dari kawasan Majlis Daerah Simpang Renggam (MDSR) telah dilupuskan ke Tapak Pelupusan Sanitari Seelong. Selain itu, proses pemindahan air *leachate* ke tapak pelupusan berkenaan turut dilaksanakan dengan membabitkan tiga (3) buah jentera tangki air dengan kadar kekerapan ulang alik (trip) sebanyak enam (6) kali.

**SOALAN-SOALAN BERTULIS BAGI MESYUARAT KEDUA
PENGAGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB DATUK ONN HAFIZ BIN GHAZI (LAYANG-LAYANG)
SOALAN B24**

Apakah status terkini bantahan penduduk Kg. Paya, Layang-Layang terhadap pembinaan jalan baru dan kilang baru yang akan dibina di Kg. SC Jaya Sepakat?

JAWAPAN YB TUAN TAN CHEN CHOON

Untuk makluman, pihak MDSR telah ke lokasi untuk mengenal pasti status pembinaan jalan baru dan kilang baru di Kg. SC Jaya Sepakat, keadaan semasa di lokasi didapati tiada binaan bangunan kekal / sementara. Juga didapati jalan masuk masih dalam keadaan yang asal iaitu jalan kampung yang masih belum diturap.

Selain itu, terdapat 2 kolam tadahan yang berada di dalam proses menggali lubang dan didapati belum bersimen. Lokasi pembinaan dan pembangunan jalan baru dan industri baru tersebut berada di luar kawasan operasi Majlis Daerah Simpang Renggam dan tiada sebarang bentuk pemajuan di kawasan berkenaan daripada mana-mana pihak.

Berkenaan dengan bantahan penduduk, pihak MDSR telah merujuk penduduk sekeliling dan didapati tiada bantahan yang dibuat.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB DATUK ONN HAFIZ BIN GHAZI (LAYANG-LAYANG)
SOALAN B25**

Berapa jumlah penerima bantuan Jabatan Kebajikan Masyarakat kepada masyarakat DUN Layang-Layang?

JAWAPAN YB CIK LIOW CAI TUNG

Jumlah penerima bantuan JKM di DUN Layang-Layang bagi bulan Ogos 2019 adalah seramai 48 orang. Pecahan mengikut bantuan adalah sebagaimana berikut:

BIL	JENIS BANTUAN	BIL. KES (ORG)
1.	Bantuan Kanak-kanak (BKK) -RM100 – RM450 sebulan	35
2.	Bantuan Orang Tua (BOT) - RM350.00 sebulan	189
3.	Bantuan Penjagaan Pesakit Kronik/OKU Terlantar (BPT) - RM350.00 sebulan	16
4.	Bantuan OKU Tidak Berupaya Bekerja (BTB) - RM250.00 sebulan	94
5.	Elaun Pekerja Cacat (EPC) - RM400.00 sebulan	79
6.	Bantuan Am (BA) Negeri - RM200.00 sebulan	57
7.	Bantuan Latihan Perantis (BLP) - RM200.00 sebulan	0
8.	Bantuan Anak Pelihara (BAP) - RM250.00 – RM500.00	0
	JUMLAH	480

Daripada 480 orang penerima bantuan, 256 adalah Melayu, 152 adalah Cina,, 71 adalah India orang dan 1 kes dari lain-lain. Pecahan seperti jadual berikut :

Bil.	Kaum	Bilangan Kes
1.	Melayu	256
2.	Cina	152
3.	India	71
4.	Lain-lain	1
	Jumlah	480

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB DATUK ONN HAFIZ BIN GHAZI (LAYANG-LAYANG)
SOALAN B26**

Berapa jumlah penerima bantuan Baitulmal kepada masyarakat DUN Layang-Layang?

JAWAPAN YB TUAN HAJI TOSRIN BIN JARVANTHI

Mengikut rekod Majlis Agama Islam Negeri Johor jumlah penerima bantuan zakat kepada asnaf yang berkecayaan di dalam Dewan Undangan Negeri Layang-Layang sehingga 31 Ogos 2019 adalah sebagaimana perincian berikut :

BIL	JENIS BANTUAN	JUMLAH PENERIMA	JUMLAH BANTUAN
1	Bantuan Sara Hidup Bulanan	154	RM 47,200.00 sebulan
2	Bantuan Rawatan Dialisis	21	RM 52,583.70 sebulan
3	Bantuan Pelbagai (sekali)	22	RM 146,225.00
4	Bantuan Perubatan Bulanan	41	RM 12,150.00 sebulan
5	Bantuan Berdikari	11 (sekali)	RM 64,432.00
6	Bantuan Dermasiswa Luar Negara	1	RM 24,000.00 setahun
7	Bantuan Pendaftaran IPT	11 (sekali)	RM 3,400.00
	JUMLAH	261	RM 349,990.70

Bantuan yang disediakan oleh MAINJ adalah mengikut kepada keperluan semasa asnaf terutamanya fakir dan miskin dalam menangani kos sara hidup, tempat tinggal, kesihatan, pendidikan dan bencana alam.

Bagi memudahkan permohonan bantuan zakat, MAINJ menyediakan 18 skim permohonan bantuan kepada golongan kurang berkemampuan iaitu:

1. Bantuan Sara Hidup Bulanan
2. Bantuan Rawatan Bulanan
3. Bantuan Rawatan Hemodialisis
4. Bantuan Pembelian Peralatan Perubatan
5. Bantuan Yuran Sekolah Agama
6. Bantuan Pakaian Sekolah
7. Bantuan Pendaftaran Pengajian Tinggi
8. Bantuan Dermasiswa Luar Negara
9. Pinjaman Pelajaran Pelajar Perubatan Luar negara
10. Bantuan Berdikari & Peningkatan Ekonomi
11. Bantuan Bina Baru Rumah Uzur
12. Bantuan Baik pulih Rumah
13. Bantuan Rumah Transit
14. Bantuan Menjelaskan Hutang

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

15. Bantuan Kursus & Latihan kemahiran Asnaf
16. Bantuan Kursus Tunas Asnaf
17. Bantuan Rumah Kebajikan Islam/Kanak-kanak Istimewa
18. Bantuan Kebajikan Mualaf (Melalui Unit Ukhuwah Bahagian Dakwah Jabatan Agama Islam Negeri Johor)

Permohonan boleh dibuat melalui pejabat MAINJ daerah menggunakan borang yang disediakan. Setiap permohonan akan dinilai kelayakan dari segi pendapatan dan tanggungan keluarga.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN HAJI ABD TAIB BIN ABU BAKAR (MACHAP)
SOALAN B27**

Apakah usaha yang dilakukan oleh kerajaan negeri Johor dalam memastikan keselamatan pelajar dan kebersihan sekolah terjaga di Sekolah Agama Kerajaan Johor?

JAWAPAN YB TUAN HAJI TOSRIN BIN JARVANTHI

Untuk makluman, perkara yang melibatkan keselamatan pelajar dan kebersihan sekolah di Sekolah Agama Kerajaan Johor (SAKJ) telah pun tersedia ada di dalam Buku Panduan yang dinamakan sebagai " STANDARD KUALITI PENGURUSAN SEKOLAH AGATHA KERAJAAN JOHOR (SKP-SAKJ) Edisi Pertama terbitan tahun 2007 dan telah ditambah nilai dengan keluaran Edisi Kedua terbitan tahun 2016, dengan jelas menerangkan berkenaan aspek keselamatan pelajar dan kebersihan di sekolah-sekolah.

Dalam hal ini, pihak pengurusan dan pentadbiran sekolah khususnya yang terdiri daripada Guru Besar dan Guru Penolong Kanan, telah diberikan tanggungjawab dalam memastikan kedua-dua aspek tersebut berjalan dengan sempurna. Sungguhpun begitu, kekangan dalam pengurusan tersebut tetap timbul walaupun ianya telah disenaraikan dalam senarai Yuran Tahunan Sekolah sebanyak RM 3 (setahun). Antaranya ialah perbekalan kerja-kerja pembersihan yang disediakan oleh pihak kerajaan hanya terhad dan tidak meliputi keseluruhan Sekolah Agama Kerajaan Johor. Manakala isu keselamatan pula, ia adalah di bawah tanggungan Badan Kebajikan Sekolah (BKS) yang mana boleh dikatakan hampir keseluruhan Sekolah Agama Kerajaan Johor tidak mempunyai pengawal keselamatan sekolah.

Pihak Badan Kebajikan Sekolah (BKS) juga tidak terkecuali dan berperanan dengan bergabung tenaga dalam usaha mendapatkan tabungan tambahan untuk kedua-dua aspek tersebut sama ada melalui kerjasama ibu bapa / penjaga berupa sumbangan tahunan yang telah diputuskan dalam Mesyuarat Along Tahunan mengikut keperluan semasa. Di samping itu, antara usaha-usaha lain yang telah dilakukan oleh Badan Kebajikan Sekolah (BKS) ialah melalui inisiatif dengan mendapatkan sumbangan daripada pihak-pihak luar bagi menampung keperluan.

Sungguhpun begitu, ucapan setinggi-tinggi penghargaan dan terima kasih yang tidak terhingga kepada pihak Pejabat YAB Menteri Besar Johor dan Majlis Agama Islam Negeri Johor (MAINJ) di atas keprihatinan dan sokongan dalam menyalurkan sumbangan berupa bantuan kewangan, di mana pihak MAINJ telah menghulurkan bantuan sebanyak RM3,000 hingga RM5,000 mengikut kategori gred sekolah, yang mana sumbangan tersebut telah pun dimasukkan ke dalam akaun Badan Kebajikan Sekolah (BKS) bermula sejak tahun 2017. Sementara Bantuan Khas Pejabat YAB Menteri Besar Johor bagi tahun 2019 ini, dengan menyalurkan sumbangan sebanyak RM5,000 bagi setiap Sekolah Agama Kerajaan Johor.

Inilah di antara usaha dan dasar dalam membangunkan Institusi Pendidikan Islam Negeri Johor yang mana telah berusia 100 tahun dan sewajarnya diberikan keutamaan dan perhatian secara berterusan dalam hal-hal pendidikan agama yang menjadi tunjang perpaduan di Negeri Johor Darul Takzim.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN HAJI ABD TAIB BIN ABU BAKAR (MACHAP)
SOALAN B28**

Apakah peranan yang dimainkan oleh penggerak masjid dan surau di kawasan-kawasan Dewan Negeri Johor dalam memperkasa pengurusan institusi itu?

JAWAPAN YB TUAN HAJI TOSRIN BIN JARVANTHI

Peranan yang dimainkan oleh penggerak masjid dan surau DUN dalam memperkasa pengurusan institusi itu iaitu :

- 1) Bertanggungjawab kepada ketua penolong pengarah pengurusan masjid (peringkat ibu pejabat) dan kepada kadi daerah (peringkat daerah) mengenai pelaksanaan program dan aktiviti pengimarahkan dan pembangunan masjid, hal ehwal yang berkaitan dengan pengurusan masjid dan surau serta program penghayatan al-Quran dan as-sunnah di negeri Johor Darul Ta'zim.
- 2) Menjadi penggerak kepada program dan aktiviti pengimarahkan masjid dan surau yang dirancang dan digerakkan oleh bahagian pengurusan masjid, jabatan agama johor.
- 3) Membantu mendapatkan apa juga maklumat, data dan statistik yang diperlukan oleh bahagian pengurusan masjid, khasnya maklumat mengenai pelaksanaan program membudayakan al-Quran dan program membudayakan as-sunnah setiap 3 bulan sekali.
- 4) Membuat lawatan kerja ke masjid dan surau di kawasannya sama ada dibuat dalam bentuk berkumpul atau berasingan tidak kurang 15 kali setiap bulan dan menyediakan laporan bulanan mengenainya.
- 5) Menjadi penasihat, penyelarasan dan pembimbing kepada jawatankuasa dan biro-biro jawatankuasa masjid dan surau mengenai aktiviti yang sesuai dijalankan.
- 6) Memantau tugas harian imam masjid dan surau serta menyediakan laporan setiap masa yang diperlukan serta memastikan masjid dan surau diimarahkan setiap waktu.
- 7) Membantu jawatankuasa masjid dan surau mengenai permohonan mendapatkan peruntukan dan mendapatkan pelan tapak bagi membina baru, membaik pulih atau bina semula masjid dan surau.
- 8) Bekerjasama dengan ahli dewan undangan negeri dan parlimen di kawasan masing-masing sebagai ahli dalam jawatankuasa penyelarasan mukim-mukim (JPMM).
- 9) Bekerjasama dengan penghulu mukim mengenai pembangunan agama setempat dan pelantikan jawatankuasa masjid dan surau setiap sesi pelantikan.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

- 10) Bertanggungjawab menyelaras dan menggerakkan kaunter bergerak tabung pembangunan masjid johor.
- 11) Mengawasi dan memastikan setiap penceramah di kawasannya mempunyai tauliah atau kebenaran berceramah sebelum sesuatu ceramah diadakan.
- 12) Menyediakan laporan setiap 3 bulan sekali untuk dibincangkan dalam mesyuarat pelaksanaan program dan aktiviti bagi memastikan semua program dan aktiviti yang dirancang dapat dilaksanakan, dinilai dan ditingkatkan dari semasa ke semasa dengan baik dan berkesan.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN HAJI ABD TAIB BIN ABU BAKAR (MACHAP)
SOALAN B29**

Mohon penjelasan daripada Pihak Berkuasa Tempatan tentang prosedur yang membenarkan sesebuah taman perumahan di pagar dan menyediakan perkhidmatan pengawal keselamatan oleh taman tersebut?

JAWAPAN YB TUAN TAN CHEN CHOON

Konsep 'Gated & Guarded Community' telah lama diamalkan di Malaysia khususnya bagi pembangunan perumahan berbilang tingkat seperti servis apartment, apartment dan kondominium di mana semua kemudahan seperti jalan, parit dan kawasan lapang di dalam kawasan ini dimiliki secara bersama oleh pembeli dan di selenggara oleh satu badan pengurusan yang dilantik. Konsep ini semakin popular di kalangan pemaju di Bandaraya Johor Bahru dan mendapat perhatian di kalangan pembeli kerana faktor keselamatan dan ciri-ciri yang eksklusif.

Bagaimanapun, konsep "Gated & Guarded Community" yang dilaksanakan ketika ini terutamanya bagi pembangunan sedia ada adalah bercanggah dengan konsep sebenar di mana ianya telah menyekat laluan dan hak awam. Konsep yang diamalkan juga tidak selaras dengan konsep Bandar Selamat yang lebih menggalakkan interaksi sosial dan keselamatan di bawah Jawatankuasa Penduduk.

Justeru, pihak PlanMalaysia telah mengambil langkah menyediakan garis panduan 'Gated & Guarded' sebagai panduan kepada pemaju dan Pihak Berkuasa Tempatan dalam perlaksanaan konsep ini. Garis panduan tersebut telah diterima pakai oleh Majlis Mesyuarat Kerajaan (MMK) Johor pada 17 Ogos 2011 (R/M Bil. 1309/2011) dan seterusnya diedarkan untuk diterima pakai di peringkat Pihak Berkuasa Tempatan (PBT).

Selaras dengan keputusan MMK tersebut, sehingga kini pihak PBT hanya mempertimbangkan permohonan "Gated & Guarded Community" bagi pembangunan berstrata termasuk 'landed strata'.

Manakala, bagi kawasan perumahan sedia ada pula hanya dibenarkan "Guarded Neighbourhood" dengan syarat antaranya:

1. Tidak dibenarkan pagar keselamatan dibina mengelilingi sempadan kejiranan;
2. Tidak mempunyai halangan fizikal di atas jalan awam serta tiada sekatan keluar/masuk kepada penghuni dan orang ramai;
3. Halangan berbentuk sekatan fizikal sementara seperti 'manual boom gate', kon dan papan tanda keselamatan adalah dibenarkan dengan syarat terdapat pengawal keselamatan bertugas mengawal sekatan tersebut 24 jam.

Bagi mendapatkan kelulusan ke atas pembinaan pondok pengawal tersebut, pemohon perlu mematuhi prosedur yang telah ditetapkan iaitu:

1. Saiz pondok pengawal hendaklah tidak melebihi 2.5 meter x 5.0 meter;
2. Pondok pengawal hanya dibenarkan dibina di kawasan bahu jalan (*road shoulder*) dan perlu dipastikan tiada halangan lalu lintas;

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

3. Jika cadangan pondok pengawal di kawasan bahu jalan adalah berstruktur kekal (*permanent structure*), pemohon (persatuan penduduk) perlu memohon kelulusan Lesen Pendudukan Sementara (TOL) daripada Pentadbir Tanah Daerah (PTD);
4. Cadangan lokasi pondok pengawal perlu di tanda di dalam pelan yang sesuai dan dikemukakan kepada PTD semasa permohonan TOL dan kepada PBT bagi permohonan permit atau kelulusan pembinaan sementara; dan
5. Cadangan reka bentuk pondok pengawal perlu dikemukakan kepada PBT (Bahagian Bangunan) untuk mendapat permit atau kelulusan pembinaan sementara bagi pembinaan pondok pengawal. Pondok pengawal hanya boleh dibina setelah mendapat permit atau kelulusan pembinaan sementara daripada PBT.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN HAJI ABD TAIB BIN ABU BAKAR (MACHAP)
SOALAN B30**

Apakah yang dilakukan oleh kerajaan negeri Johor dalam memastikan lebih banyak tempat rekreasi atau pelancongan baru dibuka kepada orang awam?

JAWAPAN YB CIK LIOW CAI TUNG

Sektor pelancongan di negeri Johor berkembang maju dan menjadi sumber pendapatan negeri yang penting. Hal ini menyebabkan tempat pelancongan di negeri ini dibuka dengan banyak seperti cendawan selepas hujan. Kerajaan negeri telah menggerakkan semua agensinya untuk memastikan sektor pelancongan berkembang pesat sejajar dengan negeri ke arah menjadi tuan rumah Tahun Melawat Johor 2020.

Antara langkah yang dapat diambil ialah pihak kerajaan memperkenalkan produk pelancongan baru yang dapat menarik minat pengunjung atau pelawat dating berkunjung ke sesuatu daerah atau mukim di negeri Johor. Misalnya, di Simpang Renggam terdapat ladang jagung yang terletak di Parit Ghani sesuai untuk program agro-pelancongan yang difahamkan berjaya menarik lebih 55,000 pelawat/pelancong datang ke ladang ini. Selain daripada itu, pembukaan Pusat Kecemerlangan Realiti Maya (V) – VRinity di Iskandar Puteri, Johor yang merupakan pusat berteknologi pertama seumpamanya di Asean, dan mampu menyasarkan kehadiran 40,000 pengunjung bagi tahun pertama pembukaan Vrinity ini.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN HAJI ABD TAIB BIN ABU BAKAR (MACHAP)
SOALAN B31**

Apakah yang dilakukan oleh kerajaan negeri Johor dalam memastikan lebih banyak belia mendapat latihan kemahiran setelah mereka tidak dapat menyambung pelajaran di IPTA / IPTS?

JAWAPAN YB TUAN HAJI AMINOLHUDA BIN HAJI HASSAN

Terdapat beberapa program yang telah diusahakan oleh kerajaan negeri Johor dalam membuka peluang kepada rakyat negeri Johor khususnya belia mendapatkan latihan kemahiran seperti :

1. Program Johor *Upskilling and Reskilling*

lanya merupakan program yang berbentuk latihan kemahiran yang berteraskan keperluan industri kepada peserta khususnya golongan belia yang dijalankan dalam tempoh 1 bulan sehingga 3 bulan di pusat-pusat latihan yang bertauliah. Setelah peserta tamat mengikuti program ini, peserta akan ditawarkan penempatan pekerjaan dalam industri yang berkaitan.

Program ini dirancang berdasarkan kehendak dan keperluan semasa industri yang seterusnya akan membolehkan peserta keberolehan pekerjaan sebaik sahaja tamat latihan dan meningkatkan peluang pekerjaan seterusnya mengurangkan kadar pengangguran di negeri Johor.

Program ini juga mendapat kerjasama antara kerajaan negeri melalui Unit Strategik Modal Insan Johor bersama Jabatan Pembangunan Kemahiran dan Badan-Badan Profesional dari segi penyelarasan modul dan pensijilan dan Jabatan Tenaga Kerja melalui JobsMalaysia dari segi peluang-peluang pekerjaan dan keperluan industri.

Latihan Kemahiran yang akan dilaksanakan di bawah *Johor Upskilling and Reskilling* ini menumpukan industri daripada sektor-sektor tumpuan Negeri Johor seperti Sektor Pembuatan, Minyak dan Gas, Hospitaliti dan Pelancongan serta Sektor Kesihatan di mana program ini akan bermula pada bulan Ogos sehingga Oktober tahun ini yang mensasarkan latihan dalam tempoh 2 minggu hingga 3 bulan dan seterusnya mendapat penempatan pekerjaan.

2. Program Perantisan melalui Sistem Latihan Dual Nasional (SLDN)

lanya merupakan program kerjasama Unit Strategik Modal Insan Johor bersama Jabatan Pembangunan Kemahiran (JPK). Melalui program ini, peserta-peserta akan memperolehi Sijil Kemahiran Malaysia (SKM) oleh Jabatan Pembangunan Kemahiran dan juga ditawarkan penempatan pekerjaan di dalam industri yang berkaitan. Bagi golongan lepasan sekolah atau belia yang belum mempunyai sebarang kemahiran dan pensijilan kemahiran, Sistem Latihan Dual Nasional (SLDN) yang diperkenalkan oleh JPK adalah merupakan bentuk sistem latihan yang turut memfokuskan kepada golongan yang dinyatakan.

SLDN adalah satu konsep latihan sedia ada yang melibatkan latihan yang dijalankan di dua tempat iaitu di industri yang meliputi 70% hingga 80% dan di institusi latihan yang meliputi 20% hingga 30%. Kumpulan sasaran latihannya sama ada lepasan sekolah atau belia yang tidak mempunyai sebarang sijil kemahiran atau pekerja di industri.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

Golongan yang tidak mempunyai sebarang kemahiran khususnya golongan belia dan pensijilan kemahiran ditumpukan dan dioptimumkan dalam usaha kerajaan negeri Johor untuk meningkatkan tenaga mahir di kalangan rakyat tempatan.

Justeru itu, kerajaan negeri Johor melalui Unit Strategik Modal Insan Johor (SMI) membawakan satu inisiatif yang dikenali sebagai **Program Perantisan melalui Sistem Latihan Dual Nasional (SLDN) Tahun 2019** bagi membantu melatih dan mempersijilkan golongan tersebut dengan memberikan galakan kepada pusat latihan dan industri setempat untuk menyertai program SLDN yang telah diperkenalkan oleh pihak Jabatan Pembangunan Kemahiran (JPK) dengan memberi insentif tambahan kepada Pusat Latihan sebanyak RM125.00 sebulan bagi setiap perantis yang dilatih sepertimana disyorkan oleh Jabatan Pembangunan Kemahiran Wilayah Selatan.

Perantis akan melalui Sistem Latihan Dual Nasional (SLDN) dan tamat dengan jayanya (Terampil) dan layak dianugerahkan Sijil Kemahiran Malaysia (SKM) mengikut tahap (tahap 1 atau 2) oleh Jabatan Pembangunan Kemahiran (JPK) dan ditawarkan pekerjaan dalam bidang yang dipelajari dan sasarannya adalah 90% penempatan pekerjaan kepada perantis-perantis.

1. Program Mempromosikan TVET Negeri Johor

Bagi memenuhi keperluan industri berteknologi tinggi, keupayaan belia di dalam bidang pendidikan teknikal dan latihan vokasional (TVET – *Technical and Vocational Education and Training*) perlu ditingkatkan dan diperkasakan.

Inisiatif kerajaan negeri Johor melalui Unit Strategik Modal Insan Johor bagi memastikan lebih banyak belia mendapat pendedahan dan peluang latihan kemahiran selain daripada peluang pengajian di IPTA/IPTS, Program Jelajah TVET Negeri Johor dengan mempromosikan latihan kemahiran sebagai pendidikan kelas pertama dengan berasaskan industri dan mengukuhkan jalinan kerjasama industri-akademia serta kesedaran di kalangan rakyat berkaitan kepentingan TVET ataupun latihan kemahiran.

Pemahaman berkaitan prospek latihan dan kerjaya di dalam TVET diperkembangkan secara menyeluruh dan berkesan di kalangan rakyat terutamanya generasi muda di sekolah-sekolah. Peningkatan pemahaman di dalam TVET akan menggalakkan peningkatan tenaga mahir yang berorientasikan industri dan secara tidak langsung, dapat mencapai 35 peratus tenaga mahir negara menjelang 2020.

Justeru itu, Program Mempromosikan TVET peringkat negeri Johor melalui Program Jelajah TVET Johor 2019 diadakan di lokasi ditetapkan mengikut Zon Utara, Tengah dan Selatan (Zon Utara : Segamat, Zon Tengah : Kluang dan Zon Selatan: Johor Bahru) yang dicetuskan oleh kerajaan negeri Johor melalui Unit Strategik Modal Insan Johor sebagai inisiatif memperkasakan TVET dan latihan kemahiran di kalangan rakyat Johor terutamanya kepada generasi muda dan belia.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN KAPT (B) HAJI NAJIB BIN LEP (BUKIT PASIR)
SOALAN B32**

Bantuan Tanam Semula Sawit telah dimansuhkan. Perkara ini tidak memberi impak kepada pengusaha kelapa sawit berskala besar. Apakah bantuan alternatif kepada pengusaha kelapa sawit berskala kecil?

JAWAPAN YB TUAN HAJI TOSRIN BIN JARVANTHI

Bagi membantu meringankan beban kewangan pekebun kecil bagi melaksanakan penanaman semula kelapa sawit, kerajaan telah menyediakan Skim Pinjaman Mudah Tanam Semula Pekebun Kecil Sawit (TSPKS). Kadar pinjaman sebanyak RM10,000.00 sehektar dengan kadar faedah 2% setahun. Pinjaman ini mempunyai kelebihan di mana ianya diluluskan dengan kadar segera, tanpa cagaran, ansuran mudah, tanpa penjamin dan ansuran bayaran balik bermula tahun ke 5.

Syarat-syarat permohonan adalah pemohon hendaklah warganegara Malaysia, berumur antara 18 hingga 58 tahun, pekebun kecil persendirian dengan jumlah pemilikan tanah tidak melebihi 40.46 hektar, memiliki kebun sawit berusia melebihi 25 tahun dan memiliki lesen MPOB.

Untuk skim ini, kerajaan telah memperuntukkan dana sebanyak 500 juta yang disalurkan melalui Agrobank. Kerajaan juga telah menyediakan satu lagi skim iaitu Skim Pinjaman Mudah Input Pertanian Pekebun Kecil Kelapa Sawit (IPPKS) sebagai kemudahan pekebun kecil membeli input pertanian seperti anak benih, baja serta bahan kawalan perosak seperti racun rumpai dan racun serangga perosak. Kadar pinjaman sebanyak RM2,500.00 sehektar dengan kadar faedah 2% setahun. Pinjaman ini juga mempunyai kelebihan dimana ianya diluluskan dengan kadar segera, tanpa cagaran, ansuran mudah, tanpa penjamin dan tempoh pinjaman selama 24 bulan.

Syarat-syarat permohonan adalah pemohon hendaklah warganegara Malaysia, berumur antara 18 hingga 58 tahun, pekebun kecil persendirian dengan jumlah pemilikan tanah tidak melebihi 40.46 hektar, memiliki kebun sawit berusia kurang daripada 22 tahun dan memiliki lesen MPOB.

Untuk skim ini, kerajaan telah memperuntukkan dana sebanyak 50 juta yang disalurkan melalui Agrobank. Kedua-dua skim ini telah bermula pada 15 Ogos, 2019.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN KAPT (B) HAJI NAJIB BIN LEP (BUKIT PASIR)
SOALAN B33**

Tuntutan IPG (Insentif Pengeluaran Getah) hanyalah 10% dari jumlah peruntukan yang disediakan. Antara sebabnya kerana proses tuntutan yang tidak mesra kepada pengusaha-pengusaha getah. Bagaimana memudah cara untuk menyalurkan bantuan kepada golongan sasaran (pengusaha getah berskala kecil)?

JAWAPAN YB TUAN HAJI TOSRIN BIN JARVANTHI

Bantuan Kepada Pekebun Kecil Getah

Insentif Pengeluaran Getah (IPG)

Insentif Pengeluaran Getah (IPG) adalah satu insentif dalam bentuk bayaran yang akan diberikan kepada pekebun kecil getah ke atas setiap kilogram getah yang dijual. Ini bertujuan untuk meringankan bebanan pekebun kecil di seluruh negara kesan kejatuhan harga getah di samping memberi galakan kepada pekebun kecil untuk terus menoreh sewaktu harga getah rendah di pasaran. IPG akan diaktifkan apabila purata harga bulanan di ladang (*Farm gate cup lump* 50% KGK berada di paras RM2.20/kg dan ke bawah.

IPG mula dibayar kepada pekebun kecil yang layak dan berdaftar mulai bulan September 2015. Ia memastikan pekebun kecil menerima harga purata bulanan *cup lump* sebanyak RM2.20 se kilogram.

Mulai tahun 2019, paras pengaktifan harga *cup lump* dinaikkan kepada RM2.50 se kilogram. Mekanisme pelaksanaan IPG ini dengan pekebun kecil boleh membuat tuntutan di mana-mana pejabat Wilayah/Negeri LGM dengan mengemukakan borang tuntutan IPG, Salinan PAT-G, resit rasmi jualan getah dan persetujuan pembahagian IPG (jika perlu) antara pemilik dan pengusaha.

Berdasarkan daripada trend tuntutan IPG di kalangan pekebun kecil, satu kajian awal impak telah dilaksanakan di mana jumlah awal responden adalah seramai 50 pekebun kecil (n=50). Kajian ini bertujuan untuk mendapatkan satu dapatan secara ilmiah bagi pelaksanaan IPG khususnya di kalangan pekebun kecil. Kajian ini dilaksanakan secara rawak dengan mengambil pensampelan pekebun kecil dan proses dapatan maklumat melalui kaedah temu bual menggunakan boring bancia yang telah disediakan. Berdasarkan kajian tersebut, didapati 23% daripada responden tidak menuntut tuntutan IPG.

Berdasarkan dapatan kajian tersebut, terdapat 5 faktor utama yang telah dibangkitkan oleh responden, antaranya :

- Perjalanan jauh untuk membuat proses tuntutan IPG
- Kadar IPG yang rendah
- Kos perjalanan yang tinggi untuk membuat tuntutan IPG
- Tidak memahami proses tuntutan IPG
- Pemilik yang menuntut IPG

Faktor utama yang didapati adalah faktor pertama dan kedua, iaitu perjalanan jauh untuk membuat proses tuntutan IPG dan kadar IPG yang rendah di mana masing-masing

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

mencatatkan 30% berbanding faktor kos perjalanan (20%), tidak memahami proses tuntutan IPG (10%) dan pemilik yang menuntut IPG (10%).

Sehubungan dengan itu, LGM Wilayah Selatan (Johor) telah mengambil beberapa langkah inisiatif dan mengambil kaedah yang komited bagi memastikan tuntutan IPG dituntut oleh semua pekebun kecil yang berhak dan layak menuntut, antaranya adalah :

- Tuntutan IPG pekebun kecil individu boleh dihantar ke pejabat-pejabat LGM negeri Johor secara berkumpulan oleh wakil-wakil yang berhasrat untuk menghantar secara sukarela. Kaedah ini telah dipraktikkan oleh sebahagian besar pelesen-pelesen getah di mana mereka telah menghantar borang-borang tuntutan IPG pekebun kecil yang merangkap pelanggan mereka. Secara tidak langsung, kaedah ini dapat menyelesaikan faktor utama iaitu dari segi jarak perjalanan yang jauh dan juga dapat mengurangkan kos perjalanan pekebun kecil untuk ke pejabat-pejabat LGM bagi tujuan tuntutan IPG.
- Bagi faktor kedua iaitu kadar IPG yang rendah, LGM telah berusaha untuk menaikkan kadar IPG sejak ia mula diperkenalkan. Bagi perkara ini, kadar IPG telah berubah dan dinaikkan bermula daripada kadar IPG pada paras RM2.20/kg kepada RM2.50/kg. Kenaikan kadar baru IPG ini bermula pada tahun 2019 dan diyakini bahawa ia mampu memberikan kadar insentif yang lebih baik dan tinggi kepada pekebun kecil getah khususnya di negeri Johor DT.
- Bermula pada bulan Ogos 2019, satu kaedah penerimaan borang tuntutan IPG telah dilaksanakan melalui kerjasama dua buah agensi iaitu LGM negeri Johor dan RISDA negeri Johor. Kaedah ini akan lebih memudahkan dan juga mesra tuntutan oleh para pekebun kecil di mana mereka boleh menghantar boring tuntutan IPG kepada Pejabat RISDA Daerah dan Stesen-stesen RISDA yang berhampiran di seluruh negeri Johor DT. Pengumpulan borang tuntutan ini akan dikumpulkan oleh pegawai RISDA yang dilantik bermula dari tarikh pengaktifan IPG sehingga tarikh tamat penerimaan borang tersebut dan pihak LGM negeri Johor akan mengambil borang-borang tuntutan IPG yang telah dikumpulkan untuk diproses seterusnya.

Bagi menggalakkan lebih ramai lagi pekebun kecil menuntut IPG, pihak LGM telah melaksanakan satu kajian sistem secara atas talian bagi peringkat permulaan, di mana ia dilaksanakan di negeri Melaka (*pilot project*) sebelum diaplikasikan ke semua negeri. Sistem ini akan melibatkan pelesen getah dan juga pekebun kecil getah di mana segala hasil jualan getah akan dikunci masuk oleh pelesen getah sebelum ke peringkat kelulusan oleh pihak LGM serta pembayaran secara terus ke akaun pekebun kecil. Sistem ini akan membuat tuntutan secara automatik (atas talian) dan pekebun kecil tidak perlu lagi untuk membuat tuntutan secara manual seperti sebelum ini. Untuk makluman, sistem atas talian ini akan mula dilaksanakan secara berperingkat di negeri Johor ini pada bulan Oktober 2019 di daerah Muar (bergantung juga kepada pengaktifan IPG pada bulan tersebut).

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN KAPT (B) HAJI NAJIB BIN LEP (BUKIT PASIR)
SOALAN B34**

Pencemaran sungai di negeri Johor terutama di kawasan perindustrian mencapai tahap kritikal. Apakah langkah pencegahan dari kerajaan negeri untuk menangani isu pencemaran sungai dari langkah pencegahan jangka pendek dan jangka panjang?

JAWAPAN YB TUAN TAN CHEN CHOON

Kerajaan Negeri Johor komited dalam memastikan pembangunan di serata negeri dilaksanakan secara mapan dan tidak meminggirkan aspek-aspek kelestarian alam sekitar. Komitmen ini selaraskan dengan Dasar Kelestarian Negeri Johor yang telah dilancarkan bagi mencapai keseimbangan antara kepesatan pembangunan dan pemeliharaan alam sekitar.

Justeru itu, Kerajaan Negeri Johor menerusi Jabatan Alam Sekitar selaku agensi penguatkuasaan akan sentiasa mempergiat tindakan penguatkuasaan undang-undang sebagaimana yang diperuntukkan di bawah Akta Kualiti Alam Sekeliling 1974 di kesemua premis industri di serata negeri ini. Tindakan ini diambil bagi menyekat pencemaran di peringkat punca khususnya dari punca tetap (*point sources*).

Dalam hal ini, efluen dan kumbahan dari industri dan loji-loji pengolahan kumbahan perlulah diolah terlebih dahulu dan mematuhi had yang ditetapkan di bawah akta ini sebelum ianya dilepaskan ke mana-mana sungai. Punca-punca yang didapati tidak mematuhi had-had pelepasan pencemar yang ditetapkan di bawah Akta tersebut akan berhadapan tindakan undang-undang seperti berikut:

- **Tindakan Notis Arahan;**
- **Tindakan Kompaun;**
- **Tindakan Penahanan Operasi Kelengkapan;**
- **Tindakan Mahkamah;** atau
- **Perintah Larangan.**

Di samping itu, pihak industri juga diwajibkan untuk melaksanakan kaedah pematuhan sendiri (*Guided Self Regulation, GSR*) bagi memastikan pematuhan standard pelepasan sumber. Menerusi pelaksanaan kaedah GSR tersebut, pihak industri bertanggungjawab dalam memastikan segala bentuk pelepasan sumber sama ada ke udara, air atau sisa buangan terjadual yang perlu dipatuhi setiap masa.

Pematuhan sendiri kini mengehendaki kilang-kilang untuk mengambil tindakan seperti berikut:

1. Melaporkan segala analisa makmal bagi pelepasan efluen (air buangan) dan kumbahan kepada Jabatan Alam Sekitar secara atas talian melalui Sistem Pelaporan Alam Sekitar Atas talian (*On-line Environmental Reporting, OER*);
2. Menguruskan pelupusan buangan terjadual melalui Sistem Maklumat Buangan Terjadual Elektronik (e-SWIS). Sistem ini mampu mengesan pergerakan buangan terjadual daripada kilang pengeluar kepada kemudahan pelupusan yang dilesenkan oleh Jabatan Alam Sekitar;

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

3. Menetapkan keperluan untuk kilang-kilang mempunyai orang yang berwibawa (*competent person*) yang telah mendapat sijil daripada Jabatan Alam Sekitar untuk mengendalikan alat kawalan pencemaran di dalam premis tersebut; dan
4. Pihak industri diwajibkan untuk menjalankan pemantauan setiap hari terhadap prestasi sistem pengolahan efluen industri serta sistem pengolahan kumbahan supaya ianya berada pada tahap yang terbaik untuk merawat efluen dan juga memastikan kualiti efluen dan kumbahan yang dilepaskan adalah patuh standard setiap masa.

Bagi melengkapkan aspek penguatkuasaan ini, Jabatan Alam Sekitar telah meningkatkan penguatkuasaan secara berkala ke atas kilang-kilang terutama sekali bagi kilang-kilang yang menjana pelepasan sama ada ke udara atau alurair bagi memastikan pematuhan pada setiap masa. Jabatan Alam Sekitar juga akan menjalankan siasatan penguatkuasaan ke atas aduan-aduan orang awam terhadap kilang-kilang yang mencemar dan menjejaskan kehidupan rakyat.

Selain daripada menjalankan program pemantauan dan penguatkuasaan bagi memastikan kualiti air sungai adalah terkawal, JAS juga telah melaksanakan *Program Pollution Source Survey (PSS)* iaitu mengenal pasti kesemua punca yang tertakluk di bawah Akta Kualiti Alam Sekeliling 1974 dan menjalankan program pengawasan kualiti air sungai di seluruh negeri Johor.

Selain itu, Jabatan Alam Sekitar ada menjalankan pemantauan kualiti udara ambien dan sungai-sungai di Negeri Johor. Bagi pemantauan kualiti udara, terdapat lapan (8) buah stesen udara automatik dan tiga (3) buah stesen udara manual. Manakala, bagi pemantauan kualiti air sungai, terdapat 227 stesen manual dan empat (4) stesen automatik yang meliputi 21 lembangan sungai dari 102 batang sungai di Negeri Johor.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN KAPT (B) HAJI NAJIB BIN LEP (BUKIT PASIR)
SOALAN B35**

Kementerian Pendidikan telahewartakan program makanan percuma di sekolah-sekolah merangkumi sekolah kebangsaan dan sekolah menengah. Apakah program ini akan memberi kesan kepada pengusaha-pengusaha kantin yang sedia ada?

JAWAPAN YB TUAN HAJI AMINOLHUDA BIN HAJI HASSAN

1. Murid prasekolah dan sekolah menengah tidak terlibat untuk program ini dan makanan untuk murid prasekolah melibatkan tatacara perolehan yang berlainan.
2. Program ini akan menggunakan kaedah pengurusan Rancangan Makanan Tambahan (RMT) sedia ada dan sarapan ini nanti akan disediakan oleh pengendali kantin di setiap sekolah terlibat.
3. Satu Jawatankuasa Khas akan ditubuhkan bagi membincangkan secara terperinci peruntukan yang bakal digunakan untuk Program Sarapan Percuma ini.

**SOALAN-SOALAN BERTULIS BAGI MESYUARAT KEDUA
PENGGAJ PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN KAPT (B) HAJI NAJIB BIN LEP (BUKIT PASIR)
SOALAN B36**

Pada 27 Ogos 2019, telah diadakan *Showcase Jom Dengo JomFM Merdeka* yang menampilkan artis-artis sensasi di kawasan HUB EDU. Sebagai kawasan hab pendidikan yang juga terdapat Universiti Islam, apakah kesesuaian *showcase* ini diadakan di HUB EDU?

JAWAPAN YB TUAN HAJI AMINOLHUDA BIN HAJI HASSAN

1. Berhubung penganjuran *Showcase Jom Dengo JOHORfm Merdeka* yang diadakan di Hab Pendidikan Tinggi Pagoh pada 27 Ogos lalu, ia merupakan sebahagian daripada atur cara dalam program Aspirasi Merdeka 2019 peringkat Negeri Johor.
2. Untuk makluman, program Aspirasi Merdeka 2019 yang telah masuk tahun ke enam penganjurannya, dianjurkan oleh Jabatan Penyiaran Malaysia (RTM) melibatkan rangkaian 33 stesen radio RTM di seluruh Malaysia termasuk JOHORfm membabitkan 21 lokasi pada tahun ini.
3. Seiring matlamat penganjurannya di negeri-negeri lain, Aspirasi Merdeka 2019 Peringkat Negeri Johor anjuran Jabatan Penyiaran Malaysia Johor (RTM Johor atau JOHORfm) ianya dianjurkan bagi memupuk semangat patriotisme dalam kalangan generasi muda serta menerapkan sifat cintakan negara dalam masyarakat khususnya pelajar-pelajar dan pengunjung yang hadir.
4. Program sepanjang sehari itu telah dirasmikan oleh YAB Dato' Dr Sahrudin bin Jamal, Menteri Besar Johor dengan pelbagai pengisian menarik serta menekankan elemen permainan sambil belajar dengan jaringan kerjasama Politeknik Tun Syed Nasir Syed Ismail, Pagoh yang juga merupakan politeknik angkat kepada JOHORfm.
5. Antaranya aktiviti *Treasure Hunt* Jejak Merdeka, pameran sejarah Tragedi Berdarah Balai Polis Bukit Kepong, Pengkisahan Sejarah dan persembahan nyanyian lagu-lagu Patriotik oleh artis-artis terkenal tanah air menerusi *Showcase Jom Dengo JOHORfm Merdeka*.
6. Peranan RTM menerusi JOHORfm sebagai 'lidah rasmi kerajaan' tidak terkecuali dengan tanggungjawab untuk memberi liputan dan informasi kepada orang ramai bagi menghayati serta peka mengenai kemerdekaan negara.
7. Menerusi penerapan elemen permainan dan hiburan, penganjuran *Showcase Jom Dengo JOHORfm Merdeka* dilihat dapat merapatkan lagi hubungan antara JOHORfm dengan golongan sasar terutamanya generasi muda. Secara tidak langsung, ia akan memudahkan lagi usaha Kerajaan menyubur semangat kecintaan terhadap negara di hati generasi muda.
8. Untuk makluman, penganjuran Aspirasi Merdeka 2019 Peringkat Negeri Johor dan *Showcase Jom Dengo JOHORfm Merdeka* ini hanya melibatkan pelajar-pelajar Politeknik Tun Syed Nasir Ismail, Pagoh selaku institusi jaringan bersama penganjuran yang terlibat. Manakala pelajar-pelajar Universiti Islam Antarabangsa Malaysia (UIAM) dan Universiti Tun Hussein Onn (UTHM) sedang dalam cuti semester dan penganjuran

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

program ini tidak mengganggu sesi kuliah kerana aktiviti ini diadakan secara tertutup di dalam dewan pusat konvensyen di kawasan berkenaan.

9. Selain itu, penganjuran program aspirasi dan *showcase* di Pusat Konvensyen Hab Pendidikan Tinggi Pagoh di bawah pentadbiran Kementerian Pendidikan Malaysia (KPM) adalah melibatkan bayaran sewaan oleh RTM dan telah mendapat kelulusan pihak pengurusan hab pendidikan terbabit.
10. Pihak RTM Johor juga telah mengikut prosedur dan peraturan penganjuran yang ditetapkan oleh KPM seperti etika pemakaian, larangan membawa makanan & minuman serta larangan merokok.
11. Selain itu, RTM Johor turut mematuhi syarat bahawa penganjur perlu memastikan tiada sebarang aktiviti liar atau mengganggu ketenteraman awam dan keselamatan warga hab seperti yang dipersetujui bersama dengan pihak penganjur.
12. KPM sentiasa mengutamakan kebajikan dan kesejahteraan warga hab di samping menggalakkan penganjuran program-program yang positif untuk kebaikan bersama semua pihak.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB PUAN CHEW PECK CHOO (YONG PENG)
SOALAN B37**

Nyatakan apakah langkah-langkah yang diambil supaya aktiviti tanaman dan ternakan sekitar Empangan Bekok tidak mencemarkan sumber air mentah?

JAWAPAN YB TUAN JIMMY PUAH WEE TSE

JAWAPAN BAKAJ

Pada masa ini, Indeks Kualiti Air Mentah di Empangan Bekok adalah berada pada kelas II dan dikategorikan sebagai bersih. Bagi mengekalkan kualiti air mentah tersebut, dicadangkan agar kawasan tadahan air Bekok perlulah diwartakan segera di bawah Kanun Tanah Negara. Oleh itu, penguatkuasaan boleh dilakukan di kawasan tanah kerajaan bagi memastikan tiada pencerobohan yang berlaku. Dicadangkan juga agar sebarang permohonan tanah kerajaan dan permohonan lesen pendudukan sementara di dalam kawasan tadahan Empangan Bekok hendaklah ditolak.

JAWAPAN JPS

Pihak jabatan dari masa ke semasa telah memaklumkan kepada penduduk dan juga kepada Pentadbir Tanah untuk membantu dalam urusan berkaitan pencerobohan di Empangan Bekok. Walau bagaimanapun, memandangkan Empangan Bekok belum lagi dirizabkan, tindakan penguatkuasaan masih sukar diambil.

Kelewatan proses perizaban ialah kerana ia memerlukan kos yang besar untuk menjalankan kerja ukur sempadan dan terperinci oleh Juruukur Berlesen. Setelah peruntukan diperolehi dan kerja ukur selesai, proses permohonan perizaban telah dibuat dan kini dalam peringkat terakhir.

Apabila selesai perizaban, mana-mana kawasan atau pencerobohan dalam rizab empangan akan diambil segera termasuk memusnahkan tanaman atau apa saja aktiviti yang tidak sepatutnya.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB PUAN CHEW PECK CHOO (YONG PENG)
SOALAN B38**

Mengapakah lokasi Tahun Melawat Johor 2020 hanya dimasukkan 1 tempat sahaja di daerah Batu Pahat?

JAWAPAN YB CIK LIOW CAI TUNG

Untuk makluman, Tourism Johor dengan kerjasama Pejabat Daerah telah mengadakan lawatan di setiap daerah bagi mengenal pasti destinasi pelancongan yang berpotensi untuk diketengahkan sempena Tahun Melawat Johor 2020. Semua destinasi yang dipilih adalah cadangan daripada Pejabat Daerah yang dikenal pasti berpotensi untuk menarik lebih ramai pengunjung dan bersedia menerima kunjungan para pelancong menjelang tahun 2020.

20 destinasi yang disenaraikan adalah destinasi utama sempena Tahun 2020. Walau bagaimanapun, destinasi-destinasi lain masih akan di promosi termasuk destinasi pelancongan di Batu Pahat.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB PUAN CHEW PECK CHOO (YONG PENG)
SOALAN B39**

Senaraikan mengikut nama projek, nama kontraktor, kos, tarikh mula dan siap masing-masing untuk setiap projek naik taraf, penyelenggaraan, pembaikan dan pembangunan yang telah atau bakal dijalankan dari bulan Mac 2018 sehingga Disember 2019 oleh Majlis Daerah Yong Peng?

JAWAPAN YB TUAN TAN CHEN CHOON

Nama projek, nama kontraktor, kos, tarikh mula dan siap masing-masing untuk setiap projek naik taraf, penyelenggaraan, pembaikan dan pembangunan yang telah atau bakal dijalankan dari bulan Mac 2018 sehingga Disember 2019 oleh Majlis Daerah Yong Peng adalah sebagaimana **Lampiran B39**.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB PUAN CHEW PECK CHOO (YONG PENG)
SOALAN B40**

Senaraikan tarikh pelaksanaan projek rumah mampu milik yang akan dilaksanakan di kawasan Yong Peng?

JAWAPAN YB TUAN SR. DZULKEFLY BIN AHMAD

Berikut adalah senarai projek pembangunan Rumah Mampu Biaya Johor yang sedang dan akan dilaksanakan di kawasan Yong Peng:

BIL	PEMAJU	PROJEK	PARLIMEN	DUN	KATEGORI	TAHUN JANGKA SIAP	JUMLAH UNIT
1	IMPRESSIVE LAND DEVELOPMENT SDN BHD	TAMAN ORKID	AYER HITAM	YONG PENG	RMBJ A	2019	56
2	SIN SOON REALTY COMPANY (M) SDN BHD	TAMAN SINAR IMPIAN	AYER HITAM	YONG PENG	RMBJ A	2019	9
3	SIN SOON REALTY COMPANY (M) SDN BHD	TAMAN SINAR IMPIAN	AYER HITAM	YONG PENG	RMBJ B	2019	14
4	SIN SOON REALTY COMPANY (M) SDN BHD	TAMAN SINAR IMPIAN	AYER HITAM	YONG PENG	RMBJ C	2019	13
5	MUDI PEMBINAAN SDN BHD	TAMAN SUTERA	AYER HITAM	YONG PENG	RMBJ A	2021-2023	157
6	SAM & KELUARGA HOLDINGS SDN BHD	TAMAN SERI LALANG PERMAI	AYER HITAM	YONG PENG	RMBJ A	2021-2023	35
JUMLAH UNIT							284

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB PUAN CHEW PECK CHOO (YONG PENG)
SOALAN B41**

Mohon penambahan bajet kepada JPS untuk menjalankan penyelenggaraan Sungai Bekok, Sungai Sedi dan Sungai Temehel pada setiap tahun bagi mengelakkan banjir?

JAWAPAN YB TUAN JIMMY PUAH WEE TSE

Pihak Jabatan Pengairan dan Saliran (JPS) mengucapkan terima kasih kepada YB Yong Peng kerana telah mencadangkan agar penambahan bajet kepada JPS untuk menjalankan penyelenggaraan Sg Bekok, Sg Sedi dan Sg Temehel.

Selain daripada sungai-sungai yang dinyatakan tersebut, pihak JPS juga memohon sokongan YB Yong Peng supaya peruntukan penyelenggaraan sama ada dari kerajaan negeri dan persekutuan dapat ditambah supaya kerja penyelenggaraan dapat dijalankan dengan lebih kerap dan lebih panjang sungai dapat dijaga. Sekiranya sungai dapat diselenggara dengan lebih kerap, kemungkinan berlaku banjir akan dapat dikurangkan.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB PUAN HAJAH NOR HAYATI BINTI BACHOK (MAHARANI)
SOALAN B42**

Apakah tindakan yang telah dan bakal dilaksanakan kerajaan negeri bekerjasama dengan Kementerian Kesihatan untuk menambah baik fasiliti dan perkhidmatan kepada pengguna di Hospital Pakar Sultanah Fatimah, Muar seperti kemudahan parkir, mengurangkan tempoh menunggu dan kesesakan pesakit luar?

JAWAPAN YB TUAN MOHD. KHUZZAN BIN ABU BAKAR

Bangunan Hospital Pakar Sultanah Fatimah (HPSF), Muar merupakan bangunan yang mempunyai fasiliti yang terhad kerana ia dibangunkan berdasarkan kepada keperluan pada ketika ia dibina iaitu melebihi usia 32 tahun. Walau bagaimanapun, pihak Kementerian sentiasa menambah baik fasiliti dan perkhidmatan di HPSF Muar antaranya :

- a) Program Pembangunan Pelan Induk Hospital
 - i. Projek Fasa 1 : Penambahbaikan fasiliti Blok 4 tingkat wad O&G, Blok 2 tingkat Diagnostik dan Rawatan, Blok 2 tingkat Balai Pelawat/Kafeteria, Tangki Air 205,000 galen, Blok M&E dan kerja-kerja M&E berkaitan (beroperasi 1999)
 - ii. Projek Fasa 2 : Penambahbaikan fasiliti Wad 4 tingkat yang mempunyai Wad Kelas 1, HDW/CCU dan Padiatrik (beroperasi 2003)

Cadangan Pembinaan Baharu Kompleks Klinik Pakar HPSF Muar yang dilengkapi dengan bilik rawatan dan konsultasi bagi kesemua Klinik Pakar, penambahbaikan perkhidmatan Pusat Rawatan Harian serta penyediaan tempat letak kenderaan bertingkat bagi kemudahan orang awam dan kakitangan telah dikemukakan melalui RP-4 RMK Ke 11. Projek ini dilihat boleh menyelesaikan isu kesesakan pesakit luar dan kesesakan tempat letak kenderaan. Kementerian Kesihatan Malaysia (KKM) telah melaksanakan Inisiatif LEAN di Jabatan Kecemasan dan Trauma (Zon Hijau) sejak tahun 2016.

Bagi mengurangkan tempoh menunggu dan mengurangkan kesesakan, pihak pengurusan HPSF Muar telah melaksanakan "*staggered time*" di klinik pakar, iaitu pesakit diberikan temu janji untuk dilihat doktor di klinik pakar mengikut waktu yang ditetapkan. Pihak KKM juga telah menetapkan *Key Performance Indicator* (KPI) bagi peratusan pesakit dengan waktu menunggu kurang 90 minit untuk dilihat oleh doktor di klinik pakar.

Jadual di bawah menunjukkan peratusan pesakit yang menunggu kurang 90 minit untuk dilihat oleh doktor di Klinik Pakar HPSF Muar dengan pencapaian antara 91.64%-100%, mencapai sasaran yang ditetapkan oleh KKM iaitu melebihi 90%.

	Indicators	Standard	Frequency	Performance
1.	Percentage of patients with waiting time \leq 90 minutes to see doctor in at Skin Specialist Clinic	\geq 90%	6 Monthly	100%
2.	Percentage of patients with waiting time of \leq 90 minutes to see doctor at General Medicine Outpatient Clinic	\geq 90%	6 Monthly	94.65%
3.	Percentage of patients with waiting time of \leq 90 minutes to see doctor at Nephrology	\geq 90%	6 Monthly	94.31%

**SOALAN-SOALAN BERTULIS BAGI MESYUARAT KEDUA
PENGGAJ PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

	Outpatient Clinic			
4.	Percentage of patients with waiting time of ≤ 90 minutes to see doctor at Paediatric Specialist Clinic	$\geq 90\%$	Monthly	99.9%
5.	Percentage of patients with waiting time of ≤ 90 minutes to see doctor at Psychiatry Clinic	$\geq 90\%$	3 Monthly	100%
6.	Percentage of patients with waiting time of ≤ 90 minutes to see doctor at Rheumatology Clinic	$\geq 80\%$	Monthly	96.97%
7.	Percentage of patients with waiting time of ≤ 90 minutes to see doctor in O&G clinic	$\geq 90\%$	Monthly	97.4%
8.	Percentage of patients with waiting time of ≤ 90 minutes to see doctor at Ophtalmology clinic	$\geq 90\%$	3 Monthly	95.96%
9.	Percentage of patients with waiting time of ≤ 90 minutes to see doctor in Orthopaedics Clinic after completion of pre-planned procedure	$\geq 90\%$	Monthly	91.64%
10.	Percentage of patients with waiting time of ≤ 90 minutes to see doctor at Otorhinolaryngology (ORL) clinic	$\geq 90\%$	Monthly	98.64%

Di samping itu, pihak KKM telah memperkenalkan Inisiatif *Lean Healthcare*, merupakan satu inisiatif di mana proses kerja ditambahbaik bagi mengurangkan waktu menunggu pesakit dan kesesakan di klinik-klinik dan Jabatan Kecemasan.

	2018 (min)	2019 (min)
Drop Zone to Bed (Yellow Zone)	160.8	155.7(-5.1)
Drop Zone to Bed (Green Zone)	94.8	86.5(-8.3)
Arrival to Consultation (Yellow Zone)	23.6	19.1(-4.5)
Arrival to Consultation (Green Zone)	26.0	21.9(-4.1)

Jadual di atas menunjukkan perbandingan yang dibuat antara tahun 2018 dan 2019, yang menunjukkan pengurangan waktu menunggu di Jabatan Kecemasan, HPSF Muar. Waktu menunggu dari *Drop Zone to Bed*, iaitu dari ketibaan pesakit hingga masuk ke wad di *Yellow Zone* berkurangan sebanyak 5.1 minit dari 160.8 minit ke 155.7 minit manakala di *Green Zone* sebanyak 8.3 minit dari 94.8 minit ke 86.5 minit. Waktu menunggu pesakit untuk berjumpa doktor dari pendaftaran pesakit di Jabatan Kecemasan pula berkurangan sebanyak 4.1-4.5 minit di kedua-dua zon.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB PUAN HAJAH NOR HAYATI BINTI BACHOK (MAHARANI)
SOALAN B44**

Sila nyatakan tahap kualiti dan paras air di semua empangan seluruh Johor serta sejauh manakah paras air terkini mampu menampung keperluan rakyat sekiranya berlaku kemarau panjang atau sebarang insiden luar jangka.

JAWAPAN YB TUAN JIMMY PUAH WEE TSE

Yang Berhormat, tahap kualiti air di semua empangan dalam keadaan baik dan proses rawatan air berjalan seperti biasa (normal). Maklumat paras semasa empangan, jumlah semasa kapasiti empangan, unjuran ke paras minimum dan pelan tindakan seperti dinyatakan dalam **Lampiran B44**.

Terdapat beberapa empangan yang terjejas dengan fenomena cuaca panas dan kering iaitu **Empangan Upper Layang**, **Empangan Pulau II** dan **Empangan Pontian Kechil** di daerah Johor Bahru, **Empangan Labong** di daerah Mersing, **Empangan Machap** dan **Empangan Sembrong** di daerah Kluang dan **Empangan Lebam** di daerah Kota Tinggi.

Pengiraan unjuran ke paras kritikal dan minimum bagi setiap empangan berdasarkan pengiraan jumlah simpanan semasa empangan dan purata pengeluaran loji rawatan air yang berkaitan dengan tidak mengambil kira faktor penurunan hujan.

Menurut ramalan hujan dari Jabatan Meteorologi Negeri Johor bahawa akan ada pertambahan hujan pada akhir bulan September hingga Disember 2019.

Beberapa langkah pelan tindakan telah diambil bagi memastikan bekalan air sentiasa dapat menampung keperluan rakyat seperti pengepaman air mentah dari Rumah Pam Seluyut ke Empangan Lebam dan Upper Layang, pengepaman air mentah dari Rumah Pam Lenggong ke Empangan Tenglu. Selain itu, pengeluaran air bersih dari Loji Rawatan Air Gunung Pulau akan dikurangkan sebanyak 30% dan akan ditampung oleh Loji Rawatan Air yang lain dalam masa terdekat bagi memberhentikan pengambilan air dari Empangan Pulau II yang kini semakin merosot menghampiri paras minimum.

Untuk makluman pihak puan, Bekalan Air Berjadual (BAB) sedang dilaksanakan di daerah Kluang iaitu di Simpang Renggam yang melibatkan Empangan Machap. BAB akan dilaksanakan di daerah yang lain sekiranya paras empangan di daerah tersebut mengalami penurunan paras air hingga mendekati paras minimum.

NO.	EMPANGAN	TAHAP KUALITI AIR (WQI CLASS)	PARAS AIR TERKINI (%)	BILANGAN HARI SEBELUM PARAS MIN
1	EMPANGAN LOWER LAYANG, JOHOR BAHRU	2	34.67	
2	EMPANGAN UPPER LAYANG, JOHOR BAHRU	2	41.05	70
3	EMPANGAN PULAI 1, JOHOR BAHRU	2	46.53	

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

4	EMPANGAN PULAI 2, JOHOR BAHRU	2	30.24	35
5	EMPANGAN PULAI 3, JOHOR BAHRU	2		
6	EMPANGAN PONTIAN, ULU CHOH	1	57.77	121
7	EMPANGAN LEBAM, KOTA TINGGI	2	18.05	30
8	EMPANGAN CONGOK, MERSING	2	90.45	136
9	EMPANGAN KAHANG, KLUANG	2	50.9	
10	EMPANGAN JUASEH, SEGAMAT	2	95.43	132
11	EMPANGAN GUNUNG LEDANG, MUAR	2	98.48	33
12	EMPANGAN BEKOK, BATU PAHAT	2	24.55	107
13	EMPANGAN SELUYUT, KOTA TINGGI	2		
14	EMPANGAN SEMBRONG, KLUANG	3	28.09	65
15	EMPANGAN MACHAP, KLUANG	2		
16	EMPANGAN LABONG, MERSING	2		38
17	EMPANGAN LINGGIU, KOTA TINGGI	1		

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB PUAN HAJAH NOR HAYATI BINTI BACHOK (MAHARANI)
SOALAN B45**

Apakah tindakan kerajaan negeri untuk memastikan pendaftaran semua rumah kebajikan/pusat jagaan warga emas, OKU dan anak yatim seluruh Johor serta bentuk bantuan kewangan dan bukan kewangan yang boleh disalurkan bagi memastikan kebajikan penghuninya selain membantu meringankan beban kos operasi?

JAWAPAN YB CIK LIOW CAI TUNG

Kerajaan negeri melalui Jabatan Kebajikan Masyarakat telah mengambil tindakan-tindakan untuk mendaftarkan Pusat Jagaan/Rumah Anak Yatim, Warga Emas dan OKU di bawah Akta Pusat Jagaan 1993 ialah dengan mengadakan Mesyuarat *One Stop Centre* (OSC) Pusat Jagaan di peringkat daerah bagi membincangkan prosedur kerja pendaftaran dan penyelesaian masalah bersama agensi-agensi teknikal berkaitan terutamanya Pihak Berkuasa Tempatan (PBT), Jabatan Kesihatan dan Pihak Jabatan Bomba dan Penyelamat. Di samping itu, Program Jom Daftar Pusat Jagaan dan TASKA diadakan di setiap daerah bagi memastikan pengendali yang berhasrat membuka Pusat Jagaan atau yang telah menjalankan operasinya agar dapat mendaftar dengan Jabatan Kebajikan Masyarakat.

Dalam masa yang sama, pihak Jabatan ini mengambil pendekatan dengan melaksanakan beberapa kaedah seperti program advokasi, menyediakan Pameran Kaunter Perkhidmatan, Sesi Taklimat dengan melibatkan bersama agensi teknikal iaitu Pihak Berkuasa Tempatan (PBT), Jabatan Kesihatan dan Pihak Jabatan Bomba dan Penyelamat bagi tujuan menjelaskan kepada pengendali bahawa betapa pentingnya pematuhan kepada pendaftaran Pusat Jagaan sepertimana termaktub di bawah Undang-Undang yang ditetapkan berdasarkan Peruntukan Akta Pusat Jagaan 1993 [AKTA 506] .

Pendaftaran Pusat Jagaan adalah di bawah peranan dan tanggungjawab penuh pengendali/pengusaha Pusat Jagaan. Sekiranya pengendali atau pengusaha tersebut gagal melaksanakan urusan pendaftaran atau berdegil tidak mahu membuat pendaftaran, tindakan penguatkuasaan oleh Jabatan Kebajikan Masyarakat (JKM) akan dibuat sama ada Kompaun, Lak, Penutupan atau Pendakwaan.

Selain itu, pihak Jabatan ini akan membuat pemeriksaan berkala atau berjadual termasuk pemeriksaan mengejut di semua Pusat Jagaan yang belum berdaftar. Surat peringatan akan dikeluarkan kepada Pengendali Pusat Jagaan bagi memastikan urusan pendaftaran dilaksanakan atau menasihatkan agar menghentikan operasi premis tersebut sehingga mendapat perakuan pendaftaran.

Dari segi bantuan kewangan, pihak Jabatan memberi Geran Pertubuhan Sukarela Kebajikan (PSK) kepada Pusat Jagaan di bawah kendalian Pertubuhan Sukarela Kebajikan (PSK) atau NGO yang bukan bermotifkan keuntungan. Tujuan geran adalah bagi menampung sebahagian kos operasi dan pentadbiran pertubuhan. Bagi tahun 2019 sebanyak 24 buah PSK telah menerima bantuan geran persekutuan berjumlah RM1,909,364.00 dan sebanyak 49 buah PSK telah menerima geran negeri berjumlah RM1,170,000.00. Bagi Pusat Jagaan yang berdaftar sebagai premis perniagaan atau swasta serta bermotifkan keuntungan, pihak Jabatan sentiasa memberi bimbingan dan nasihat, serta sokongan agar Pusat Jagaan dapat memberi perkhidmatan yang berkualiti kepada kumpulan sasar Jabatan dari masa ke semasa.

**SOALAN-SOALAN BERTULIS BAGI MESYUARAT KEDUA
PENGGAJIAN PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB PUAN HAJAH NOR HAYATI BINTI BACHOK (MAHARANI)
SOALAN B46**

Berapakah kadar purata penumpang Bas Harapan Johor setiap laluan daerah Muar dan sama ada kerajaan negeri berhasrat menggalakkan penggunaannya di kalangan rakyat dengan hanya menggunakan MyKad, memansuhkan caj RM10 Kad Muafakat Johor serta diluaskan kepada bukan warganegara dengan tambang minimum?

JAWAPAN YB TUAN HAJI MOHD SOLIHAN BIN BADRI

Bas Muafakat Johor telah beroperasi di daerah Muar sejak April 2017 dengan 3 laluan iaitu MU001, MU002 dan MU003. Pada bulan Julai 2018, 1 laluan baru MU004 laluan Pagoh ke Muar telah diperkenalkan menjadikan laluan BMJ di daerah Muar sebanyak 4 laluan. Sepanjang tempoh itu seramai 117,941 orang pengguna telah direkodkan menggunakan perkhidmatan ini. Secara puratanya, seramai lebih kurang 1600 penumpang setiap bulan yang akan menggunakan BMJ di laluan MU001, lebih kurang 850 penumpang di laluan MU002, 1500 penumpang di laluan MU003 dan MU004 merekodkan penumpang tertinggi iaitu lebih kurang 2500 penumpang setiap bulan. Bagi keseluruhan Negeri Johor, Bas Muafakat Johor telah mencatat seramai 7,333,055 penumpang bermula dari tahun 2016 sehingga Julai 2019.

Kerajaan negeri melalui PAJ masih di dalam peringkat kajian bagi menukar penggunaan MyKad di dalam Bas Muafakat Johor kepada pengguna. Setakat ini, penggunaan Kad Muafakat Johor masih diwajibkan bagi tujuan pengumpulan data bagi penggunaan BMJ setiap hari. Untuk makluman, kerajaan Negeri telah bersetuju untuk meluaskan perkhidmatan BMJ kepada Pelajar Antarabangsa buat permulaan ini dengan caj minimum sebanyak RM 30.00 setahun.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN MUHAMAD SAID BIN JONIT (MAHKOTA)
SOALAN B47**

Adakah terdapat tindakan dibuat kepada gerai warga asing sekiranya terdapat tindakan terhadap kedai pemilik warga asing, mohon statistik diberikan untuk makluman ADUN?

JAWAPAN YB TUAN TAN CHEN CHOON

Sehingga Ogos 2019, pihak Jabatan Penguatkuasaan dan Keselamatan Majlis Perbandaran Kluang (MPK) telah merampas 22 lesen perniagaan yang didapati melanggar syarat lesen MPK kerana menggaji pekerja warga asing tanpa permit.

Sebanyak 13 lesen perniagaan telah dibatalkan, manakala terdapat 4 lagi lesen perniagaan dalam proses pembatalan kerana atas pemantauan semula mendapati pemilik premis tersebut masih melanggar syarat lesen MPK. Berikut merupakan laporan hasil siasatan tersebut:

LAPORAN PREMIS /

Bil	Jenis Perniagaan	Jumlah Diperiksa	Tutup Serta Merta
1.	Kedai runcit	32	3
2.	Restoran mamak	21	4
3.	Restoran seafood	32	1
4.	Perabot	16	0

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN MUHAMAD SAID BIN JONIT (MAHKOTA)
SOALAN B48**

Apakah usaha kerajaan negeri untuk memberikan penjelasan mengenai ekonomi kreatif, peluang dan potensinya kepada masyarakat umum?

JAWAPAN YB TUAN HAJI SHEIKH 'UMAR BAGHARIB BIN ALI

Kerajaan Johor akan membangunkan Ekonomi Kreatif (EK) dalam usaha menjadikan industri ini sebagai satu prospek baharu dalam pembangunan ekonomi di negeri Johor. Selepas rombakan portfolio, ekonomi kreatif telah diserap ke dalam portfolio keusahawanan. Di dalam teras keempat Pelan Pembangunan Mampan Johor 2019-2030, keusahawanan dan ekonomi kreatif perlu bergerak seiring bagi memastikan hasrat Kerajaan Negeri untuk mencapai pertumbuhan ekonomi yang mapan dapat dilaksanakan.

Dari aspek pengurusan dan pelaksanaan program-program berkaitan EK ini, kerajaan akan menggerakkannya secara Hibrid atau campuran. Sebagai contoh, program keusahawanan akan dimasukkan dengan elemen EK, begitu juga dengan program Belia, turut dimasukkan elemen EK ini. EK akan menjadi daya penarik baharu kepada masyarakat dan EK juga akan memberi satu pendedahan baharu mengenai kepelbagaian produk dan perkhidmatan. Menerusi kaedah Hibrid ini, ia adalah bertujuan untuk memandu minat para pemain dan masyarakat yang terlibat untuk meneroka dan mengolah perniagaan mereka dalam industri EK ini yang lebih luas prospek pemasarannya. Ia juga sebahagian daripada industri ekonomi digital.

Ekonomi Kreatif bukanlah perkara baharu di negara-negara maju dan membangun. Kerajaan negeri tidak mahu ketinggalan malah mahu bergerak seiring dengan negara maju seperti United Kingdom, Jepun dan Jerman malah, negara jiran Indonesia dan Singapura lebih awal telah bergerak untuk memacu industri ini sebagai salah satu cabang ekonomi baharu Negara mereka. Ekonomi Kreatif atau EK ini disegmenkan oleh *United Nations Educational, Scientific and Cultural Organization* (UNESCO) dalam beberapa kategori iaitu Kraf & Seni Tradisi, *Design* (reka bentuk grafik/seni bina/seni visual), Filem, Gastronomi (seni makanan/kulinari), Sastera (*Literature*), Muzik (seni persembahan), Seni Media & Multimedia (*Media Arts*). Bidang-bidang ini memberi impak (*spill over*) dalam industri pembuatan, perkhidmatan dalam pelancongan dan kebudayaan.

Sebagai contoh, beberapa festival telah menjadi tarikan peminat dari seluruh dunia yang mana ia membawa impak ekonomi kepada rakyat tempatan seperti *Rainforest Music Festival* di Sarawak, Georgetown Festival di Pulau Pinang dan banyak lagi festival-festival yang mengumpulkan pemain industri yang mengeluarkan produk serta perkhidmatan kepada peserta dan pengunjung. Malah, EK boleh menjadi satu kaedah bagaimana Johor dapat dikenali di peringkat antarabangsa menerusi penganjuran seperti itu.

Antara inisiatif yang telah, sedang dan yang akan dilaksanakan adalah seperti berikut.

Bil	PERKARA	ENTITI PELAKSANA	TEMPOH/MASA	OUTCOME
1	Festival Ayer Hitam Putih 2018	PUJB	Oktober 2018 (3 Hari)	Menghimpunkan 50 usahawan dan 10 Usahawan Kreatif.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

				10 Ribu Pengunjung.
2	Kajian Blueprint Usahawan Belia Ekonomi Kreatif	IKMAS, UKM	6 Bulan (sedang berjalan)	Untuk menyediakan pelan tindakan EK negeri 2020-2022
3	Jelajah Usahawan Belia (EK)	PUJB	2 bulan (sedang berjalan)	Untuk mengumpul input dalam belanjawan negeri 2020
4	Geran Orang Lokal (G.O.L 1.0)	PUJB	Dibuka dari 4 – 24 sept 2019	75 – 100 penerima geran berupa bantuan peralatan dan mesin
5	Festival Usahawan Kreatif	PUJB	Bulan November 2019	Untuk mengumpul pemain-pemain industri EK dalam satu festival dan mengangkat minat rakyat dalam EK dalam2
6	Youth Hub Hutan Bandar	IRDA	Januari 2020 (pembangunan 1 tahun)	Menjadi pusat belia EK dan Usahawan Kreatif

Untuk memaju dan meningkatkan lagi industri EK Johor, kerajaan negeri akan meneruskan kerjasama dengan pelbagai agensi seperti Pihak Berkuasa Tempatan (PBT), agensi luar seperti *Think City*, IRDA, MDEC, Balai Seni Negara, KBS dan lain-lain.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN MUHAMAD SAID BIN JONIT (MAHKOTA)
SOALAN B49**

Bola sepak merupakan sukan paling popular di Johor, berapakah jumlah bantuan dana yang diberikan kepada persatuan bola sepak mengikut daerah oleh kerajaan negeri untuk pembangunan sukan bola sepak?

JAWAPAN YB TUAN HAJI SHEIKH 'UMAR BAGHARIB BIN ALI

Sukan bola sepak merupakan sukan nombor satu di negeri Johor. Revolusi yang dibawa oleh DYAM Tunku Mahkota Johor sejak tahun 2013 telah mencapai pelbagai kejayaan bukan sahaja di dalam negara malah pengiktirafan oleh Badan Induk Sukan Dunia (FIFA) yang mengiktiraf pembangunan sukan bola sepak di negeri Johor.

Dalam mengejar kejayaan di peringkat senior, Persatuan Bolasepak Negeri Johor (PBNJ) tidak melupakan pembangunan bola sepak di peringkat akar umbi. PBNJ telah menjalinkan hubungan kerjasama dengan kelab bola sepak Eropah iaitu Valencia FC bagi membangunkan pemain di peringkat akar umbi di negeri Johor. Pembangunan sukan ini bermula dari umur 8 tahun sehingga ke 21 tahun sebelum pemain yang menunjukkan prestasi terbaik akan diserapkan ke pasukan utama iaitu pasukan Johor Darul Ta'zim (JDT).

Penubuhan Akademi Bola sepak JDT di Iskandar Puteri adalah titik permulaan bagi pembangunan sukan bola sepak secara serius di negeri Johor. Program ini bermula sejak tahun 2015 yang mendapat kerjasama yang baik daripada pihak Jabatan Pendidikan Negeri Johor (JPNJ) bagi memberikan pendedahan para pemain yang dipilih seluruh negeri Johor untuk menimba ilmu bola sepak secara profesional sejak di umur yang muda lagi. Semua mereka yang dipilih akan ditempatkan di asrama akademi dan menjalani latihan secara sepenuh masa di bawah kelolaan dan pemantauan oleh jurulatih dari Kelab Valencia FC yang dibawa oleh PBNJ. Alhamdulillah, keberhasilan daripada program yang dijalankan ini telah menampakkan hasil dengan pasukan bola sepak MSSM Johor telah menjadi Juara pada tahun 2018 dan 2019.

Pihak kerajaan negeri Johor memandang serius pembangunan sukan yang dilaksanakan ini dan kerajaan negeri sentiasa menyokong program yang dilaksanakan ini. Pihak kerajaan negeri memberikan bantuan sebanyak RM10 juta ringgit kepada PBNJ dalam melaksanakan program pembangunan bola sepak di negeri Johor. Peruntukan ini melibatkan pembangunan di peringkat daerah yang mana setiap daerah diberikan bantuan sebanyak RM15 ribu setahun serta bantuan peralatan, jurulatih yang bertauliah dan pendedahan pertandingan kepada pasukan-pasukan daerah dalam negeri Johor. Struktur pembangunan sukan yang teratur seperti ini dapat menjamin hasil bakat-bakat yang terbaik untuk pasukan JDT dan Kebangsaan.

**SOALAN-SOALAN BERTULIS BAGI MESYUARAT KEDUA
PENGGAJIAN PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN TAN HONG PIN (SKUDAI)
SOALAN B50**

Senaraikan dengan jelas jadual penyelenggaraan setiap sungai dan parit di negeri Johor bagi tahun 2018 dan 2019 dengan menyatakan dengan jelas perbelanjaan yang terlibat dan skop kerja yang ditetapkan.

JAWAPAN YB TUAN JIMMY PUAH WEE TSE

Negeri Johor mempunyai bilangan sungai dan parit yang banyak dan panjang. Panjang sungai melebihi 6,000km sementara parit pula melebihi 15,000km.

Jadual penyelenggaraan bergantung kepada keadaan sungai dan parit itu sendiri sama ada ia mampu mengalirkan air dengan baik atau sebaliknya. Gangguan pengaliran air berlaku akibat terdapatnya halangan atau tumbuhan air di permukaannya. Selain itu, jumlah peruntukan sama ada dari kerajaan negeri dan persekutuan yang diterima juga merupakan faktor utama yang mempengaruhi jadual penyelenggaraan.

Disebabkan oleh faktor-faktor ini, kebiasaannya penyelenggaraan sungai dibuat setahun hingga ketiga tahun sekali. Malah sekiranya tiada masalah halangan kepada pengaliran sungai, tempoh setiap kali penyelenggaraan boleh lebih lama dari tempoh tersebut.

Manakala bagi parit, ia juga dibuat antara setahun hingga tiga tahun sekali. Bagi parit-parit utama, ada yang dibuat lebih kerap sehingga tiga atau empat kali setahun. Peruntukan yang diguna adalah kebanyakannya dari Peruntukan Belanja Mengurus Negeri. Purata peruntukan yang diguna untuk kerja ini ialah dalam lingkungan RM25 juta setahun; iaitu antara RM2 juta hingga RM4 juta bagi setiap daerah.

Skop kerja penyelenggaraan yang biasa adalah membuang halangan permukaan sungai (pokok tumbang, hidupan air, rumput dan sebagainya), membuang halangan pada tebing sungai, membaiki keruntuhan atau hakisan sungai, dan mendalamkan sungai di lokasi-lokasi tertentu sekiranya memerlukan. Kerja mendalamkan sungai tidak akan dilakukan sekiranya ia boleh menyumbang kepada kejadian runtuh tebing atau sungai melalui tanah bermilik.

Bagi penyelenggaraan yang melibatkan kualiti air sungai, ia dijalankan atau dipantau oleh Jabatan Alam Sekitar (JAS), Badan Kawal selia Air Johor (BAKAJ) atau pihak berkuasa tempatan (PBT) yang berkaitan.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN TAN HONG PIN (SKUDAI)
SOALAN B51**

Nyatakan statistik permintaan dan bekalan rumah mampu milik mengikut kategori rumah dengan menyatakan dengan jelas jantina, umur, keturunan dan pendapatan pemohon mengikut mukim bagi statistik seluruh negeri Johor.

JAWAPAN YB TUAN SR. DZULKEFLY BIN AHMAD

Bilangan unit Rumah Mampu Biaya Johor yang telah siap daripada tahun 2014 hingga 2018 berjumlah 18,045 unit manakala permohonan berdaftar melalui *erumah.johor.gov.my* sehingga Disember 2018 berjumlah 68,824 pemohon.

Berikut adalah pecahan mengikut daerah dan kategori bagi perincian maklumat permohonan dan stok yang telah dinyatakan di atas.

DAERAH	PERMOHONAN			STOK		
	RMBJ A	RMBJ B	RMBJ C	RMBJ A	RMBJ B	RMBJ C
JOHOR BAHRU	5,529	16,673	25,415	3,793	2,463	5,847
KULAI	540	1,786	1,670	0	215	116
MUAR	1,153	849	725	121	14	3
BATU PAHAT	1,098	2,044	1,795	669	294	637
KLUANG	848	947	1,332	400	512	376
SEGAMAT	560	730	518	495	208	35
TANGKAK	554	649	285	278	41	0
KOTA TINGGI	301	573	708	276	0	610
MERSING	269	187	97	167	50	0
PONTIAN	254	422	313	342	83	0
JUMLAH	11,106	24,860	32,858	6,541	3,880	7,624
	68,824			18,045		

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN TAN HONG PIN (SKUDAI)
SOALAN B52**

Senaraikan bilangan populasi bagi setiap mukim mengikut kategori jantina, umur, pendapatan dan keturunan bagi tahun 2015, 2019, dan unjuran 2025, 2030.

JAWAPAN YAB MENTERI BESAR

Kaedah bagi mengukur bilangan populasi setiap mukim mengikut kategori tertentu akan dijalankan dengan cara yang khusus dan teliti dengan menitikberatkan pelbagai aspek sampingannya seperti jantina, umur, pendapatan dan keturunan.

Untuk makluman, bagi statistik pendapatan ianya diperoleh melalui *Survey Pendapatan Isi Rumah (HIS)* yang dilaksanakan oleh Jabatan Perangkaan Malaysia (DOSM), Kementerian Hal Ehwal Ekonomi. *Survey HIS* ini dilaksanakan secara berkala dengan kekerapan dua kali bagi setiap lima tahun. *HIS* merupakan penyiasatan secara sampel yang meliputi negeri, daerah pentadbiran dan strata (bandar dan luar bandar). *Survey* terkini sedang dijalankan adalah pada tahun 2019.

HIS ini merupakan penyiasatan berkala yang dijalankan oleh Jabatan Perangkaan Malaysia dengan kekerapan dua kali bagi setiap lima tahun. Tujuan utama penyiasatan ini adalah untuk mengumpul pola taburan pendapatan isi rumah dan juga bagi mengenal pasti golongan isi rumah miskin. *HIS* merupakan penyiasatan secara sampel yang meliputi negeri serta kawasan bandar dan luar bandar. Penemuan *survey* yang terkini adalah pada tahun 2016.

Konsep dan definisi pendapatan yang diguna pakai adalah berdasarkan saranan Pertubuhan Bangsa-Bangsa Bersatu (***United Nation***). Pendapatan isi rumah yang dimaksudkan mestilah pendapatan yang pasti diterima (terakru) oleh isi rumah sama ada dalam bentuk wang tunai atau barangan dalam tempoh setahun dan berlaku secara berkala atau berulang kali (sekurang-kurangnya sekali dalam setahun).

Maklumat pendapatan diperoleh daripada ahli isi rumah yang menerima pendapatan. Punca-punca pendapatan isi rumah adalah merangkumi punca daripada pekerjaan bergaji, bekerja sendiri, harta & pelaburan, dan pindahan semasa yang diterima seperti contoh di bawah:

- **PEKERJAAN BERGAJI** – contoh: gaji yang dibayar oleh majikan, bonus & elaun, makanan percuma atau konsesi; dan terimaan lain daripada majikan.
- **BEKERJA SENDIRI** – contoh: aktiviti pertanian dan aktiviti bukan pertanian. Kedua-duanya termasuk kegunaan sendiri.
- **HARTA DAN PELABURAN** – contoh: sewaan daripada harta, royalti, faedah simpanan dan pinjaman yang diberi serta dividen daripada pemilikan saham.
- **PINDAHAN SEMASA DITERIMA** – contoh: pemberian daripada isi rumah lain, pencen, dan pembayaran berkala lain.

Pendapatan isi rumah juga adalah termasuk dalam bentuk tunai dan juga mata benda (***in-kind***). Sebagai penambahan, pendapatan isi rumah adalah untuk warganegara sahaja.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

Berdasarkan penemuan *survey* HIS, pendapatan isi rumah kasar bulanan penengah untuk negeri Johor meningkat daripada RM5,197 pada 2014 kepada RM5,652 pada 2016. Manakala pendapatan isi rumah kasar bulanan purata turut mencatatkan peningkatan dari RM6,207 pada 2014 kepada RM6,928 pada 2016 seperti di jadual 1.

Jadual 1: Pendapatan isi rumah kasar bulanan penengah dan purata mengikut daerah pentadbiran, Johor, 2014 dan 2016

Daerah Pentadbiran	Penengah (RM)		Purata (RM)	
	2014	2016	2014	2016
Johor	5,197	5,652	6,207	6,928
Batu Pahat	5,142	5,516	5,747	6,377
Johor Bahru	6,121	6,518	7,473	8,193
Kluang	3,833	3,935	4,485	5,121
Kota Tinggi	4,814	4,852	5,295	5,692
Mersing	3,253	3,542	3,995	4,332
Muar	4,779	5,371	5,528	6,178
Pontian	4,658	4,810	5,244	5,637
Segamat	4,249	4,609	4,828	5,391
Kulai	5,066	6,114	5,414	6,901
Tangkak	4,398	4,859	4,957	5,560

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN TAN HONG PIN (SKUDAI)
SOALAN B53**

Senaraikan bilangan tempat letak kereta dalam kawasan setiap Pihak Berkuasa Tempatan dengan menyatakan sama ada berbayar atau tidak berbayar, pihak pengendali berserta kadar bayaran yang dikenakan dan jumlah bayaran letak kereta yang dikutip bagi tahun 2014 hingga sekarang.

JAWAPAN YB TUAN TAN CHEN CHOON

Untuk makluman, pihak Majlis Bandaraya Iskandar Puteri (MBIP) telah menyediakan sebanyak 33,400 petak letak kereta dalam kawasan pentadbirannya untuk kemudahan warga bandar raya. Dari jumlah tersebut, sebanyak 27,382 lot petak kereta yang telah dikuatkuasakan sebagai tempat letak kereta berbayar. Manakala, sebanyak 6,018 petak letak kereta tidak dikenakan bayaran.

Kadar bayaran yang dikenakan adalah mengikut masa dan bayaran boleh dibuat menggunakan kupon letak kereta, sistem pesanan ringkas (SMS) atau pas bulanan. Kadar bayaran menggunakan kupon letak kereta dan sistem pesanan ringkas:

- 1/2 jam = RM 0.40
- 1 jam = RM 0.60

Kadar bayaran yang dikenakan bagi pas bulanan :

- 3 Bulan X 100 = RM300
- 6 Bulan X 100 = RM600
- 9 Bulan X 100 = RM900
- 12 Bulan X 100 = RM1200

Untuk makluman, pada tahun 2014 hingga 2015 tiada data yang diperolehi bagi kutipan hasil letak kereta kerana Unit Letak Kereta di bawah jagaan syarikat swasta (Fajar Able). Namun begitu, selaras dengan keputusan Kerajaan Negeri pada 2 September 2015 supaya pengurusan tempat letak kereta dilaksanakan sendiri oleh PBT, jumlah hasil kutipan bayaran letak kereta bagi tahun 2016 hingga 2018 adalah seperti berikut yang dilampirkan.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN TAN HONG PIN (SKUDAI)
SOALAN B54**

Senaraikan semua projek naik taraf jalan dan parit yang dirancang, sedang dijalankan, dan dijangkakan siap bagi tahun 2018, 2019, 2020 dan 2021 dengan menyatakan dengan jelas lokasi, butiran projek, kontraktor dan perbelanjaan yang terlibat berserta sumber kewangan.

JAWAPAN YB TUAN HAJI MOHD SOLIHAN BIN BADRI

Projek-projek menaik taraf jalan dan parit di peringkat perancangan, pelaksanaan dan siap di bawah pemantauan Jabatan Kerja Raya Johor adalah merujuk kepada **Lampiran B54** yang mengandungi butiran projek, nama kontraktor dan perbelanjaan.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN YEO TUNG SIONG (PEKAN NANAS)
SOALAN B55**

Apakah bantuan dan program kerajaan Johor untuk membantu golongan usahawan pemuda serta cara permohonannya?

JAWAPAN YB TUAN HAJI SHEIKH 'UMAR BAGHARIB BIN ALI

1. Geran Orang Lokal atau G.O.L merupakan inisiatif kerajaan negeri Johor menerusi Perbadanan Usahawan Johor Sdn Bhd (PUJB) yang bertujuan memberi bantuan geran sehingga nilai maksimum RM 20,000.00. Bantuan ini telah dibuka bermula 3 September 2019 sehingga 23 September 2019.
 - 1.1. Bantuan ini meliputi ;
 - 1.1.1 Mesin atau peralatan
 - 1.1.2 Bantuan reka bentuk, pelabelan, pembungkusan atau pendaftaran harta intelek
 - 1.1.3 Membangunkan *website*/e-dagang dan lain-lain berkaitan pendigitalan.
2. Cara permohonan adalah dengan memuat turun borang dan mencetak dari laman sosial rasmi Perbadanan Usahawan Johor dan melengkapkan maklumat serta dokumen diperlukan serta menghantar terus melalui serahan tangan atau pos kepada Perbadanan Usahawan Johor.
3. Kita semua maklum bahawa ada kalanya usahawan tidak mempunyai kefahaman mengenai ilmu keusahawanan yang betul. Justeru, PUJB bertindak untuk membantu usahawan-usahawan ini mengembangkan potensi perniagaan mereka dengan membawa bersama agensi-agensi keusahawanan yang boleh membantu. Sehingga kini lebih daripada 200 orang usahawan PKS telah mendapat manfaat dari segi khidmat nasihat terus daripada pelbagai agensi. Di sini kita dapat melihat peranan PUJB yang bertindak secara jelas untuk membimbing dan memberi tunjuk ajar bagi meningkatkan produktiviti usahawan Bumiputera, khususnya.
4. Pelan perancangan pada masa akan datang, saya difahamkan PUJB mahu menasaskan lebih dari sekitar 1000 usahawan untuk terus bersaing pada masa akan datang dengan penyusunan program yang bermutu tinggi pada masa akan hadapan.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN YEO TUNG SIONG (PEKAN NANAS)
SOALAN B56**

Memohon pencerahan mengenai butir-butir perjanjian syarikat Faspadu dengan kerajaan Johor. Apakah pulangan kewangan ataupun bentuk *in-kind* kerajaan dalam perjanjian tersebut dan adakah pulangan tersebut telah ditunaikan?

JAWAPAN YAB MENTERI BESAR

Perjanjian Penswastan projek telah ditandatangani pada Mei 2015 di antara kerajaan negeri Johor, Perbadanan Setiausaha Kerajaan Johor (SSI) dan Faspadu Sdn. Bhd. (Faspadu). Tapak projek melibatkan tanah-tanah kerajaan yang terbiar di sekitar Pekan Nanas, Pontian dianggarkan seluas 64.78 ekar, mukim Jeram Batu, daerah Pontian. Manakala komponen pembangunan terdiri daripada Kedai Pejabat, Rumah Sesebuah dan Rumah Teres dengan jumlah keseluruhan sebanyak 533 unit.

Jumlah pulangan tunai kerajaan keseluruhan adalah RM21 juta. Pulangan tunai kepada kerajaan negeri adalah RM15.9 juta. Walau bagaimanapun, bagi pulangan tunai kerajaan negeri hanya menerima RM3.25 juta sahaja.

Bagi pulangan *in-kind*, terdapat 4 kerja iaitu kerja pembaikan dan tambahan kepada Pejabat Daerah Pontian, kerja menaik taraf Kediaman Rasmi Pegawai Daerah Pontian, menaik taraf Pusat Informasi Harapan Rakyat Mukim Sg. Karang dan pembinaan semula gelanggang Bola Keranjang bernilai RM5.1 juta masih dalam tindakan Faspadu.

Selain itu, Faspadu perlu memperuntukkan bayaran sebanyak RM1,000,000.00 bagi pampasan untuk menggantikan kuarters Jabatan Kerja Raya Daerah Pontian yang terletak di atas tapak pembangunannya. Pihak Faspadu telah membuat bayaran pampasan tersebut kepada BPENJ dan wang tersebut telah diletakkan dalam satu akaun amanah.

Faspadu ada mengemukakan cadangan untuk menstrukturkan semula nilai dan tempoh bayaran tunai kepada kerajaan negeri dan BPENJ mengesyorkan agar cadangan tersebut di bawa kepada mesyuarat kerajaan negeri untuk pertimbangan dan kelulusan.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN YEO TUNG SIONG (PEKAN NANAS)
SOALAN B57**

Apakah sebab operator Terminal Ferry Kukup ditamatkan perjanjian dan langkah-langkah kerajaan untuk menyelesaikan keadaan Terminal Ferry Kukup yang telah ditutup sementara?

JAWAPAN YB TUAN HAJI MOHD SOLIHAN BIN BADRI

Kerajaan Negeri Johor, Perbadanan Setiausaha Kerajaan Johor (SSI) dan Penaga Timur (M) Sdn. Bhd. (PTSB) telah menandatangani satu Perjanjian Konsesi pada 3 September 2004 bagi tujuan membangun dan menguruskan terminal feri di Kukup, Mukim Ayer Masin, Pontian.

Walau bagaimanapun, Perjanjian Konsesi tersebut telah ditamatkan pada 29 Julai 2019 disebabkan oleh pihak syarikat telah melanggar syarat-syarat dan terma-terma di dalam perjanjian tersebut. Justeru, syarikat PTSB telah dikehendaki untuk mengosongkan dan menyerahkan bangunan terminal feri tersebut kepada Kerajaan Negeri berkuat kuasa pada 31 Ogos 2019.

Seterusnya, Kerajaan Negeri juga telah bersetuju agar pengurusan Terminal Feri Antarabangsa Kukup (TFAK) diambil alih dan diserahkan kepada Perbadanan Pengangkutan Awam Johor (PAJ) bermula pada 01 September 2019. PAJ kini sedang dan telah mengenal pasti keperluan untuk membaik pulih keadaan terminal tersebut dan membuat persiapan untuk pengoperasian semula TFAK. Beberapa pelan tindakan sedang dilaksanakan oleh PAJ sebelum pengoperasian terminal bermula sepenuhnya. Antaranya menambah baik fasiliti-fasiliti yang sedia ada dan menaik taraf infrastruktur bangunan terminal tersebut.

Di samping itu, bagi memastikan kepentingan awam tidak terjejas, Kerajaan Negeri telah menyelaraskan slot-slot perjalanan feri di TFAK dialihkan secara sementara ke Terminal Feri Antarabangsa Puteri Harbour (TFAPH) bermula pada 01 September 2019 sehingga pihak PAJ bersedia untuk memulakan operasinya dalam tempoh yang bersesuaian, dan slot perjalanan feri yang dialihkan sementara ke TFAPH akan ditempatkan semula di TFAK.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN YEO TUNG SIONG (PEKAN NANAS)
SOALAN B58**

Memohon pencerahan tentang perkembangan projek pembinaan *transfer station* di Pekan Nanas?

JAWAPAN YB TUAN TAN CHEN CHOON

Menurut Perancangan Fasilitas Pengurusan Sisa Pepejal bagi tahun 2016-2020 oleh Jabatan Pengurusan Sisa Pepejal Negara (JPSPN), terdapat 6 tapak pelupusan sedia ada di Negeri Johor akan di naik taraf menjadi pusat pemindahan sisa pepejal (*Transfer station*) di antaranya adalah Tapak pelupusan Ladang CEP, Simpang Renggam, Tapak Pelupusan Bukit Bakri, Muar dan Tapak Pelupusan Pekan Nenas, Pontian. Walau bagaimanapun, perancangan tersebut tertakluk kepada proses pengambilan tanah membabitkan pihak PBT kepada Kerajaan Persekutuan sebelum proses pembinaan boleh dimulakan.

Bagi Stesen Pemindahan Pekan Nenas, proses pengambilan tanah bagi tujuan tersebut telah selesai pada tahun lepas malah lantikan pihak perunding telah dilaksanakan dan seterusnya akan melalui fasa reka bentuk serta perancangan projek.

Untuk makluman, Laporan Penilaian Impak Persekitaran (EIA) telah dikemukakan oleh pihak perunding kepada Jabatan Alam Sekitar (JAS) Putrajaya. Orang awam telah diberi ruang dan peluang untuk memberi maklum balas dan pandangan mereka bermula 16 Julai lalu dan pihak perunding kini sedang mengambil tindakan ke atas pandangan dan maklum balas tersebut.

Laporan akhir bagi Kajian Impak Alam Sekitar (EIA) telah dikemukakan semula 27 Ogos 2019. Setelah mendapat kelulusan dari Pihak Jabatan Alam Sekitar projek ini dijangka akan dibuat perolehan secara terbuka bermula Disember 2019.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN YEO TUNG SIONG (PEKAN NANAS)
SOALAN B59**

Apakah program dan inisiatif kerajaan negeri Johor untuk menyambut Tahun Melawat Malaysia 2020?

JAWAPAN YB CIK LIOW CAI TUNG

Kerajaan Negeri Johor melalui Tourism Johor amat komited dalam mempromosikan dan memperhebatkan kempen publisiti Tahun Melawat Johor 2020 yang bakal menjelmakan negeri Johor sebagai Negeri pelancongan yang dinamik. Seperti yang sedia maklum, sektor industri pelancongan mempunyai potensi yang sangat besar, sedang dipacu untuk menjadi salah satu penjana utama ekonomi dan rakyat Negeri Johor selain menjadi penampan kepada tempias ekonomi dunia yang tidak menentu.

Selaras dengan kempen Tahun Melawat Johor 2020 yang sedang giat dijalankan dengan kerjasama Pejabat Kementerian Pelancongan & Kebudayaan Malaysia Negeri Johor, Tourism Malaysia Johor serta pemain-pemain industri sektor pelancongan, berikut merupakan inisiatif serta pelan tindakan yang telah dirangka :-

1. Majlis Pra Pelancaran logo & maskot Tahun Melawat Johor 2020 telah dilancarkan kepada umum bagi memperlihatkan dan mewawarkan kepada orang ramai akan kempen promosi dan publisiti Visit Johor 2020 yang telah dilancarkan oleh YAB Menteri Besar di Paradigm Mall, Johor Bahru
2. Manakala di peringkat kebangsaan juga telah berlaku Majlis Pelancaran 2020 yang telah disempurnakan oleh YAB Perdana Menteri Malaysia yang telah dilaksanakan oleh YAB Perdana Malaysia Tun Dr Mahatir di KLIA
3. Program "Road Show"(dengan izin) yang akan dilaksanakan di setiap daerah negeri Johor, "Road Show"(dengan izin) di negeri Pulau Pinang, Sabah, dan sekitar Lembah Klang serta negara-negara Asia terpilih melalui kaedah pendekatan sepertimana menyertai pameran pelancongan dan Travel Mart

3.1 Menganjurkan Majlis Pra Pelancaran logo dan maskot yang diberi nama JOH pada 16- 18 Ogos yang lalu.

3.2 Menyertai Pameran-pameran pelancongan anjuran MATTA dengan menjadi DESTINASI PILIHAN MALAYSIA yang telah disempurnakan oleh YAB Menteri Besar Johor di Putra World Trade Centre pada 6hb – 8hb September 2019 didalam mewujudkan kempen kesedaran akan kedatangan VISIT JOHOR 2020 Kepada rakyat Malaysia khususnya di Lembah Kelang kerana pameran MATTA Kuala Lumpur ni merupakan platform pameran pelancongan yang terbesar di rantau Asean.

3.3 Mengiatkan usaha dalam penglibatan program- program Travel Mart yang mengurus niaga secara terus melibatkan agensi-agensi pelancongan dari dalam dan luar negara.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

4. Memperkasakan *digital presence* (dengan izin) merangkumi hebahan promosi dan publisiti melalui media-media terutamanya di medium media sosial bagi mewujudkan *awareness* (dengan izin) terhadap Tahun Melawat Johor 2020.
5. Kempen Tahun Melawat Johor 2020 merangkumi aspek pengurusan prasarana iaitu menambahbaik dan memperkasakan aspek-aspek berkaitan pembangunan produk, infrastruktur, kemudahan sokongan pelancongan dan pengurusan destinasi.
6. Penganjuran 20 Acara & 20 Destinasi, festival, acara dan ekspo yang bertaraf nasional dan antarabangsa sebagai contoh, Kejohanan “E-Sports”, Festival Layang-Layang Sedunia Kali Ke-25, Festival Perarakan Chingay dan sebagainya.
7. Mengatur siri lawatan Fam-trip yang merangkumi pengamal-pengamal media (antarabangsa/ nasional), blogger-blogger dan *social influencer* (antarabangsa/ nasional) dan agensi-agensi pelancongan (antarabangsa /nasional.).
8. Memperhebatkan pengiklanan melalui penyampaian maklumat kepada media elektronik dan media massa di lokasi-lokasi strategik seperti “Billboard” (dengan izin), LED skrin, Televisyen, radio dan sebagainya. Selain itu, penyediaan aplikasi telefon pintar iaitu “Destinasi Johor” bagi merencanakan kempen publisiti sempena Tahun Melawat Johor 2020.
9. Menjalinkan hubungan strategik dan pintar dengan syarikat penerbangan yang mempunyai laluan penerbangan terus dari dalam dan luar negara ke negeri Johor seperti Air Asia , JIN Air, Malindo dan Malaysia Airline System.
10. Memandangkan negeri Johor mempunyai 14 pintu masuk utama yang melibatkan darat, udara dan laut kerjasama erat dengan agensi-agensi Kerajaan seperti Jabatan Imigresen Malaysia, Jabatan Kastam Di Raja Malaysia , Iskandar Regional Development Authority (IRDA) dan Senai Airport Berhad akan diperkukuhkan dengan memastikan kemudahan serta kelancaran kemasukan pelancong ke di setiap pintu masuk menjadi keutamaan dan dipertingkatkan.

Perancangan publisiti dan inisiatif-inisiatif yang mampan ini akan menjadi penanda aras bagi memperkasakan dan memacu industri pelancongan negeri Johor secara menyeluruh dan dimanfaatkan sebaik- baiknya bagi persediaan dan kejayaan Tahun Melawat Johor 2020 nanti.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN HAHASRIN BIN HASHIM (PANTI)
SOALAN B60**

Minta perincian perkembangan pencapaian semua titik fokus yang terdapat dalam Belanjawan Johor 2019, serta peruntukan dan inisiatif yang tidak mampu dilaksanakan (jika ada) berserta alasan?

JAWAPAN YAB MENTERI BESAR

Kerajaan negeri sedang giat memantau pencapaian titik fokus dalam pelaksanaan peruntukan perbelanjaan yang telah disediakan sebagaimana Belanjawan Johor 2019. Sebanyak 207 titik-titik fokus yang telah dibentangkan oleh YAB Menteri Besar sebelum ini akan dapat menyumbangkan manfaat yang besar kepada seluruh rakyat negeri Johor. Dari jumlah ini, sebahagian daripadanya **sejumlah 149 titik- titik fokus sedang dan telah siap dilaksanakan** manakala baki **58 lagi titik fokus di dalam fasa akhir perancangan** di peringkat jabatan-jabatan untuk di laksana.

Setiap titik fokus mempunyai kaedah dan prosedur yang tersendiri dan perlu dilalui bagi mencapai keputusan akhir yang lebih memberangsangkan, terutamanya yang melibatkan golongan-golongan sasar. Setiap inisiatif yang dijana melalui titik-titik fokus tersebut telah dilaksanakan memberi kesan DNA manfaat kepada semua. Titik fokus yang sedang dilaksanakan akan melalui pelbagai fasa sebelum berjaya direalisasikan.

Sehubungan dengan itu, kerajaan negeri melalui Timbalan Setiausaha Kerajaan (Pembangunan) dan Timbalan Setiausaha Kerajaan (Pemantauan dan Kesejahteraan Rakyat) akan sentiasa memantau pelaksanaan bagi titik fokus dalam Belanjawan Johor 2019.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN HAHASRIN BIN HASHIM (PANTI)
SOALAN B61**

Minta perincikan butiran kerja-kerja pembangunan fizikal dan kerja-kerja membaik pulih (sama ada peruntukan kerajaan persekutuan dan kerajaan negeri) yang sedang dan akan dilaksanakan di bawah seliaan Pejabat Daerah Kota Tinggi yang melibatkan kawasan DUN Panti?

JAWAPAN YAB MENTERI BESAR

BUTIRAN KERJA-KERJA PEMBANGUNAN FIZIKAL DI KAWASAN DUN PANTI DAERAH KOTA TINGGI TAHUN 2019 (KERAJAAN NEGERI)			
BIL	PERUNTUKAN	NAMA PROJEK	JUMLAH
1	MARRIS	KERJA-KERJA MEMBARU MUKA JALAN DI KG. DESA MAKMOR	50,000.00
2	MARRIS	KERJA-KERJA MEMBARU MUKA JALAN DI KG TEMENIN LAMA	50,000.00
3	MARRIS	KERJA-KERJA MENURAP SEMULA JALAN, PENYELENGGARAAN PERABOT JALAN DAN MENGECAT GARISAN JALAN DI KG JAWA KOTA TINGGI	350,000.00
4	SUKJ	KERJA-KERJA MENAIKTARAF JALAN HANAFI DI KG. LUKUT, KOTA TINGGI	45,000.00
5	SUKJ	KERJA-KERJA MEMBINA PEMBENTUNG DI KG. LIPAT KAJANG	50,000.00
		JUMLAH KESELURUHAN	545,000.00

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN HAHASRIN BIN HASHIM (PANTI)
SOALAN B62**

Minta perincian mekanisme permohonan dan kelayakan bagi pendaftaran e-Kasih, serta perincian statistik jumlah peserta e-Kasih (sehingga Julai 2019) mengikut pecahan kaum dan daerah di Johor?

JAWAPAN YB CIK LIOW CAI TUNG

Untuk makluman, permohonan pendaftaran eKasih boleh dibuat melalui Pejabat Daerah, Pihak Berkuasa Tempatan atau di SDO Johor ICU JPM sendiri.

Golongan yang layak memohon adalah golongan yang berpendapatan rendah atau keluarga miskin dengan mengikut Pendapatan Garis Kemiskinan (PGK) 2016 yang ditetapkan bagi menentukan status kemiskinan keluarga tersebut seperti di **Lampiran 1 (B62)**.

Permohonan pendaftaran eKasih dilaksanakan melalui saringan di peringkat daerah dan di bawa ke Mesyuarat *Focus Group* Daerah untuk menentukan keluarga yang layak seterusnya keluarga yang layak tersebut akan dibuat verifikasi atau bancian oleh Pembanci SDO Johor yang ditempatkan di setiap daerah. Mesyuarat *Focus Group* Daerah dipengerusikan oleh Pegawai Daerah sendiri dan ahli jawatankuasa terdiri daripada YB Parlimen, YB ADUN, Penghulu Mukim dan semua Ketua Jabatan Pemberi Bantuan. Statistik peserta eKasih sehingga Julai mengikut pecahan kaum dan daerah adalah seperti di **Lampiran 2 (B62)**.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN HAHASRIN BIN HASHIM (PANTI)
SOALAN B63**

Minta senaraikan nama persatuan belia berdaftar termasuk butiran nama pengerusi, nombor telefon dan alamat pentadbiran yang terdapat di daerah Kota Tinggi?

JAWAPAN YB TUAN HAJI SHEIKH 'UMAR BAGHARIB BIN ALI

Sehingga 4 September 2019, sebanyak 101 pertubuhan belia di daerah Kota Tinggi telah didaftarkan di bawah Akta Pertubuhan Belia Dan Pembangunan Belia 2007 [Akta 668].

Untuk butiran nama, alamat dan no. telefon, ia termasuk di bawah bidang kuasa Pendaftar Pertubuhan, bukan kerajaan negeri. Segala maklumat berkaitan butiran tersebut adalah di bawah PERSONAL DATA PROTECTION. ACT 2010, yang mana butiran peribadi mana-mana ahli dalam mana-mana persatuan atau syarikat tidak boleh didedahkan secara umum tanpa merujuk kepada pihak berwajib.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN HAHASRIN BIN HASHIM (PANTI)
SOALAN B64**

Minta perincian jumlah perbelanjaan, jumlah penerima serta pecahan kategori ijazah pertama dan diploma bagi Insentif Harapan Siswa Johor (tempoh Jun 2018 hingga Julai 2019) yang melibatkan kawasan DUN Panti?

JAWAPAN YB TUAN HAJI AMINOLHUDA BIN HAJI HASSAN

Untuk makluman, pihak YPJ telah membelanjakan sebanyak RM2.494 juta bagi tujuan pemberian Insentif Harapan Siswa (IHS) pada tahun 2018. Jumlah penerima manfaat adalah seramai 3,129 orang pelajar yang terdiri dari pelajar IPTA dan IPTS terpilih di peringkat diploma dan ijazah sarjana muda.

Bagi tahun 2019, pihak YPJ masih lagi memproses pemberian IHS bagi kemasukan pelajar sesi Julai/Ogos 2019 (Diploma) dan Ogos/September 2019 (Ijazah).

Walaupun bagaimanapun, dalam menguruskan pemberian IHS, pihak YPJ tidak mengelaskan permohonan mengikut jenis DUN. Justeru itu, permohonan yang direkodkan di dalam sistem pengurusan IHS, pecahan permohonan dan kelulusan antaranya adalah berdasarkan taraf pengajian.

Pecahan pemberian IHS mengikut taraf pengajian adalah sepertimana berikut :

Perkara	Diploma	Ijazah	Jumlah	RM
Jun hingga Disember 2018	1212	1815	3027	RM2,421,000.00
Januari hingga Julai 2019	223	352	575	RM397,000.00
Jumlah	1435	2167	3602	RM2,818,000.00

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB PUAN GAN PECK CHENG (PENGKARAM)
SOALAN B65**

Apakah rancangan kerajaan untuk mengatasi masalah ketiadaan perkhidmatan pengangkutan awam di kawasan luar bandar seperti di Sri Medan, Sungai Suluh dan Minyak Beku?

JAWAPAN YB TUAN HAJI MOHD SOLIHAN BIN BADRI

Kajian akan dibuat sekiranya ada permintaan untuk perkhidmatan Bas Muafakat Johor melalui kawasan tersebut jika bersesuaian dengan melihat faktor kependudukan dan kawasan tersebut memenuhi kriteria-kriteria bagi perkhidmatan bas percuma bagi warganegara Malaysia. Pihak Perbadanan Pengangkutan Awam Johor juga akan meminta operator-operator bas awam sedia ada atau yang berminat untuk menjalankan operasi bas henti-henti di kawasan tersebut.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB PUAN GAN PECK CHENG (PENGKARAM)
SOALAN B66**

Bilakah kerajaan tempatan akan melaksanakan penguatkuasaan untuk kereta terbiar yang ditinggalkan di tempat awam, dan apakah garisan panduannya.

JAWAPAN YB TUAN TAN CHEN CHOON

Definisi bagi kenderaan terbiar/buruk adalah kenderaan yang tidak bergerak dan tersadai di tempat awam ataupun di kawasan perumahan sama ada terlibat dengan kemalangan atau tidak cukup sifat. Selain itu juga kenderaan terbiar/buruk juga boleh diambil sekiranya kenderaan tersebut :

- i. Kenderaan yang tiada cukai jalan / cukai telah tamat tempoh
- ii. Kerosakan akibat vandalisme
- iii. Kenderaan tidak bergerak lama (tayar pancit, berhabuk dan lain-lain)

Pihak Berkuasa Tempatan (PBT) telah pun melaksanakan penguatkuasaan bagi kenderaan terbiar/buruk yang ditinggalkan di tempat awam mengguna pakai Akta Jalan Parit dan Bangunan 1974 (Akta 133) seperti berikut :

- i. Seksyen 46 (1)(e) – Kesalahan
- ii. Seksyen 46 (3) (a) – Kuasa memindahkan halangan
- iii. Seksyen 116 – Pelupusan

Sebelum sesebuah kenderaan ditunda atau dipindahkan, satu notis amaran akan dikeluarkan terlebih dahulu kepada kenderaan tersebut mengikut tempoh yang telah ditetapkan. Sekiranya notis tidak dipatuhi tindakan penguatkuasaan akan diambil dengan menunda kenderaan tersebut.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB PUAN GAN PECK CHENG (PENGKARAM)
SOALAN B67**

Mohon senaraikan penerima dan jumlah peruntukan yang diterima dan status terkini peruntukan bagi masyarakat Cina dan India seperti yang dinyatakan di dalam Bajet 2019.

JAWAPAN YAB MENTERI BESAR

Sebagai sebuah kerajaan yang adil dan bertanggungjawab. Johor sentiasa prihatin akan nasib dan masa depan rakyatnya. Dalam hal ini, kerajaan negeri Johor berpandangan untuk mencapainya, kita memerlukan jaminan kesaksamaan sosial dalam kalangan rakyat perlu dicapai khususnya dalam mendepani pembangunan rakyat yang berbilang kaum di Malaysia dan amnya di Johor.

Justeru itu, bangsa Johor terkenal dengan sifatnya yang keterangkumannya. Semuanya memerlukan pembelaan daripada pihak kerajaan terutamanya berkaitan dengan peruntukan bagi masyarakat Cina dan India.

Bagi mengupayakan tahap kehidupan anak-anak bangsa daripada kalangan masyarakat Cina dan India berikut adalah perincian status terkini peruntukan yang telah disalurkan selaras dengan Bajet Johor 2019:

**LAPORAN PERBELANJAAN PERUNTUKAN MASYARAKAT CINA
TAHUN 2019 (PADA 5 SEPTEMBER 2019)**

BIL	KATEGORI PERUNTUKAN	AMAUN (RM)	BELANJA	BAKI PERUNTUKAN
1.	Bantuan Kebajikan	1,500,000.00	40,000.00	1,460,000.00
2.	Bantuan Baik pulih SJKC dan Sekolah Persendirian Cina	1,500,000.00	516,000.00	984,000.00
3.	Bantuan Kolej Universiti Selatan	500,000.00	-	500,000.00
JUMLAH		3,500,000.00	556,000.00	2,944,000.00

**LAPORAN PERBELANJAAN PERUNTUKAN MASYARAKAT INDIA
TAHUN 2019 (PADA 5 SEPTEMBER 2019)**

BIL	KATEGORI PERUNTUKAN	AMAUN (RM)	BELANJA	BAKI PERUNTUKAN
1.	Bantuan Kebajikan	1,000,000.00	500,000.00	500,000.00
2.	Bantuan Baikpulihan SJKT	1,500,000.00	923,650.00	576,350.00
3.	Bantuan Keusahawanan	500,000.00	250,000.00	250,000.00
JUMLAH		3,000,000.00	1,673,650.00	1,326,350.00

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB PUAN GAN PECK CHENG (PENGKARAM)
SOALAN B68**

Apakah status terkini tentang pemasangan stesen pengesanan PM2.5 di Batu Pahat, Segamat, Pontian dan Pengerang.

JAWAPAN YB TUAN TAN CHEN CHOON

Dimaklumkan bahawa stesen pengawasan kualiti udara automatik (*Continuous Air Quality Monitoring, CAQM*) di Batu Pahat, Segamat dan Pengerang telah sedia dipasang dan beroperasi sepenuhnya bermula pada 5 Julai 2017.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB PUAN GAN PECK CHENG (PENGKARAM)
SOALAN B69**

Sila senaraikan jumlah pesakit di negeri Johor yang menghidapi kanser pada 2018 hingga 2019, mengikut jenis-jenis kanser.

JAWAPAN YB TUAN MOHD. KHUZZAN BIN ABU BAKAR

Registri Kanser Johor (JCR) bermula pada tahun 1999. Ia adalah Registri kanser berasaskan populasi (Population Base) bagi negeri Johor iaitu kes baru kanser didiagnos yang mana pesakit adalah penduduk di negeri Johor (pendaftaran kes adalah mengikut alamat kediaman dalam tempoh enam bulan sebelum diagnosis dibuat). Pengumpulan notifikasi didaftarkan dalam sistem CANREG 5 dan kualiti data dipantau oleh pihak Institut Kanser Negara. Sumber notifikasi meliputi dari hospital kerajaan dan hospital swasta sama ada dalam Johor atau pun luar Johor.

Proses notifikasi kanser adalah secara pasif dan aktif. Notifikasi pasif dilakukan secara terus oleh pihak hospital. Namun bagi memastikan semua kes kanser didaftarkan, pencarian aktif melalui semakan data patologi dan data kematian dari Jabatan Pendaftaran Negara dijalankan secara berterusan dan registri masih dikemaskini setelah semua notifikasi pasif selesai dibuat. Notifikasi kanser adalah secara sukarela dan tidak terikat kepada mana-mana akta yang mewajibkan notifikasi dibuat.

Pada pertengahan tahun 2018, telah berlaku peralihan sistem pengumpulan data notifikasi kanser. 'Patient Registry Information System (PRIS) adalah sistem secara atas talian yang dibangunkan oleh Pusat Informatik Kesihatan. Bagi memastikan kelancaran peralihan sistem notifikasi, pengumpulan data secara manual melalui CANREG 5 masih diteruskan.

Sehubungan dengan itu, statistik kanser negeri Johor bagi insiden diagnosis tahun 2018 dan 2019 masih dalam proses pengumpulan dan kemas kini iaitu fasa notifikasi pasif. Data yang ditunjukkan adalah data preliminari dan masih belum lengkap.

**Jadual 1: Bilangan kes kanser negeri Johor berdasarkan 10 jenis kanser yang utama bagi insiden diagnosis tahun 2018 dan 2019
(Sumber: Sistem CANREG 5)**

ICD 10	Jenis Kanser	Bilangan Kes Mengikut Tahun Diagnosis	
		2018	2019
C50	BREAST	298	2
C34	LUNG	156	1
C42	BLOOD	142	-
C18	COLON	110	-
C77	LYMPH NODES	109	-
C11	NASOPHARYNX	81	-
C44	SKIN	54	-

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

C20	RECTUM	51	-
C53	CERVIX	50	-
-	OTHERS	468	1
JUMLAH		1519	4

- Data tahun 2018 – 2019 masih dalam proses pengumpulan notifikasi secara pasif.

Jumlah kemasukan disebabkan kanser ke wad di hospital-hospital KKM di Negeri Johor mengikut 20 jenis kanser utama bagi tahun 2018 adalah seperti di **Jadual 1** (Data diektrak dari pangkalan data MyHDW SMRP V2.0 PER_PD 206, Pusat Informatik Kesihatan, Bahagian Perancangan KKM pada 3 September 2019)

JADUAL 1: 20 JENIS KANSER UTAMA PENYEBAB KEMASUKKAN KE WAD HOSPITAL KKM JABATAN KESIHATAN NEGERI JOHOR TAHUN 2018

BIL	JENIS KANSER	JUMLAH KEMASUKKAN KE WAD		JUMLAH
		LELAKI	PEREMPUAN	
1	Kolorektal	2,053	1,157	3,210
2	Payudara	10	1,350	1,360
3	Leukaemia	645	565	1,210
4	Peparu, trakea dan bronkus	644	253	897
5	Bibir, Oral Kaviti dan Farink	657	198	855
6	Limfoma Non-Hodgkin	400	244	644
7	Organ genital wanita (Ovari, Vulva, Vagina, Plasenta)	0	475	475
8	Servix Uterus	2	453	455
9	Hati dan duktus biliari intrahepatik	317	97	414
10	Uterus	0	393	393
11	Perut	217	104	321
12	Mesothelial dan Soft Tissue	104	178	282
13	Trek Urinari dan genital organ (Renal, Testes, Ureter)	198	53	251
14	Pundi kencing	184	45	229
15	Pankreas	110	74	184

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

16	Tiroid dan kelenjar endokrin	73	99	172
17	Tulang dan artikular cartilage	113	58	171
18	Otak, Mata dan Sistem Saraf Sentral	79	84	163
19	Kelenjar Prostat	160	0	160
20	Limfoma Hodgkin	84	73	157
21	Lain-lain	1,446	1,671	3,117
JUMLAH KESELURUHAN		7,496	7,624	15,120

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN GOPALAKRISHNAN A/L SUBRAMANIAM (TIRAM)
SOALAN B70**

Apakah tindakan tetap telah diambil untuk menangani masalah pencemaran udara dan air di Pasir Gudang?

JAWAPAN YB TUAN TAN CHEN CHOON

Keadaan di Pasir Gudang kini dalam pemerhatian ketat oleh Kerajaan Negeri Johor. Sehubungan dengan itu, agensi-agensi yang berkaitan telah diarah untuk mengambil tindakan sewajarnya mengikut tanggungjawab dan peranan masing-masing.

Untuk makluman, **Jawatankuasa Tetap Alam Sekitar Negeri Johor** telah ditubuhkan bagi menangani isu-isu pencemaran di negeri Johor melalui tindakan pemantauan dan penguatkuasaan punca-punca pencemaran alam sekitar serta penyelarasan tindakan bersepadu antara agensi mengikut bidang kuasa dan peranan masing-masing.

Dalam konteks pengawalan kualiti udara dan air di Pasir Gudang, Kerajaan Negeri Johor menerusi Jabatan Alam Sekitar (JAS) Negeri Johor telah mengambil tindakan proaktif seperti berikut:

1. Sebagai langkah bersiap sedia, pihak JAS telah membuka Pejabat JAS Cawangan Pasir Gudang bagi memastikan tindakan penguatkuasaan dilaksanakan dengan segera dan berkesan.
2. Gerak kerja **penguatkuasaan ditingkatkan** terhadap pengusaha-pengusaha industri bagi memastikan setiap aspek dan perkara termaktub di bawah Akta Kualiti Alam Sekeliling 1974 dipatuhi. Tindakan berbentuk pemeriksaan secara berkala, penyiasatan berdasarkan aduan dan penguatkuasaan dilaksanakan berpandukan kaedah *Guided Self Regulation* (GSR), pemberitahuan (*notification*) dan pelaporan alam sekitar secara atas talian (OER).
3. **Pemantauan pembuangan sisa terjadual** melalui sistem *Electronic Schedule Waste Information System* (E-SWIS) yang akan mengesan pergerakan buangan terjadual oleh pengilang kepada operator kemudahan pelupusan yang dilesenkan oleh JAS. Setiap pengilang yang menghasilkan sisa buangan terjadual bertanggungjawab untuk memaklumkan melalui sistem tersebut.
4. **Pemasangan stesen pengukuran gas automatik** secara berterusan di Pasir Gudang.
5. **Pemantauan kualiti air** melalui stesen pemantauan di sungai-sungai negeri Johor.

Sebagaimana yang dinyatakan, tindakan bersepadu antara agensi amat penting dalam memelihara Pasir Gudang. Justeru itu, jalinan kerjasama antara JAS, Polis Diraja Malaysia (PDRM), Pasukan Unit Bahan Berbahaya (HAZMAT), Jabatan Kimia Malaysia dan agensi akan ditingkatkan menerusi perkongsian maklumat dan kepakaran.

Agensi-agensi yang terlibat juga akan memperkemas prosedur pengurusan bencana agar lebih komprehensif dengan meliputi aspek mengenal pasti bahan tercemar, pensampelan dan ujian makmal serta pemantauan kualiti alam sekitar secara berterusan.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN GOPALAKRISHNAN A/L SUBRAMANIAM (TIRAM)
SOALAN B71**

Difahamkan kontrak-kontrak daripada kerajaan adalah hanya untuk Bumiputera, sekiranya betul, apakah nasib kontraktor bukan Bumiputera, adakah rancangan tawaran kontrak ini akan diberi kepada kontraktor bukan Bumiputera pada masa akan datang?

JAWAPAN YB TUAN HAJI MOHD SOLIHAN BIN BADRI

Perolehan Kerajaan terbahagi kepada 2 iaitu Perolehan Bekalan dan Perkhidmatan dan Perolehan Kerja.

1. Perolehan Bekalan dan Perkhidmatan

- i) Nilai setahun atau sesuatu kontrak sehingga RM20,000.00
 - Dilaksanakan secara pembelian terus
 - Pembekal sama ada berdaftar atau tidak dengan Kementerian Kewangan.
 - **Bumiputera atau Bukan Bumiputera.**
- ii) Nilai RM20,000.00 hingga RM50,000.00
 - Dilaksanakan secara Sebut harga.
 - Pelawaan kepada Pembekal berdaftar dengan Kementerian Kewangan.
 - **Bumiputera atau Bukan Bumiputera.**
- iii) Nilai RM50,000.00-RM100,000.00
 - Secara Sebut harga
 - Pelawaan kepada pembekal berdaftar dengan Kementerian Kewangan.
 - **Bumiputera sahaja.**
- iv) Nilai RM100,000.00-RM500,000.00
 - Secara Sebut harga
 - Pelawaan kepada pembekal berdaftar dengan Kementerian Kewangan.
 - **Bumiputera dan Bukan Bumiputera**

2. Perolehan Kerja

- i) Nilai sehingga RM20,000.00
 - Lantikan Terus kepada kontraktor Gred G1
 - Berdaftar dengan CIDB
 - **Bumiputera sahaja.**
- ii) Nilai sehingga RM20,000.00-RM200,000.00
 - Dipelawa kepada kontraktor G1
 - Berdaftar dengan CIDB
 - **Bumiputera sahaja.**
- iii) Nilai sehingga RM200,000.00-RM500,000.00
 - Dipelawa kepada kontraktor G2
 - Berdaftar dengan CIDB

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

Bumiputera dan Bukan Bumiputera.

- iv) Nilai sehingga RM500,000.00 dan ke atas.(Bagi Kontraktor G3-G7)
- Berdaftar dengan CIDB
 - **Bumiputera dan Bukan Bumiputera.**
 - Permohonan untuk perolehan secara Bumiputera dipohon terus kepada BPKU bagi projek Persekutuan dan EXCO Kerja Raya bagi projek-projek Negeri.

Oleh yang demikian, kontraktor bukan Bumiputera masih berpeluang untuk menyertai perolehan kerajaan. Proses mempelawa tender adalah berdasarkan dasar-dasar kerajaan dan pekeliling semasa yang dikeluarkan oleh Kementerian Kewangan. Pekeliling Perbendaharaan PK2.1 adalah dirujuk.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN GOPALAKRISHNAN A/L SUBRAMANIAM (TIRAM)
SOALAN B72**

Berapakah jawatan-jawatan pelantikan politik di kerajaan Pakatan Harapan dan apakah kadar atau jumlah pengagihan antara parti dan pecahan kaum terutamanya "Ketua Masyarakat"?

JAWAPAN YAB MENTERI BESAR

Mesyuarat Majlis Mesyuarat Kerajaan pada 16 Januari 2019 di bawah Perkara-perkara Lain telah mengambil keputusan supaya urusan Ketua Masyarakat diletakkan di bawah portfolio YB Pengerusi Jawatankuasa Kerajaan Tempatan, Sains dan Teknologi.

Untuk makluman, seramai **130 orang Ketua Masyarakat** bagi Kampung-Kampung Baru seluruh negeri telah dilantik iaitu 121 orang Ketua Masyarakat Cina dan 9 orang Ketua Masyarakat mewakili kaum India.

Secara asasnya tiada kadar atau pengagihan khusus antara parti. Ketua Masyarakat dipilih melalui kelayakan dan merit.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN GOPALAKRISHNAN A/L SUBRAMANIAM (TIRAM)
SOALAN B73**

Adakah kaum India diberi peluang untuk mengisi jawatan kosong kerajaan negeri Johor dan pusat? Apakah data selepas bulan Mei 2018 hingga bulan Mei 2019?

JAWAPAN YB TUAN HAJI AMINOLHUDA BIN HAJI HASSAN

Adalah dimaklumkan bahawa kerajaan negeri melalui Suruhanjaya Perkhidmatan Awam Johor (SPAJ) sentiasa komited dalam memilih calon-calon yang berkualiti untuk berkhidmat dalam Perkhidmatan Awam Negeri Johor bagi memastikan profesionalisme sesuai dengan jawatan untuk perkhidmatan awam Johor.

Untuk makluman, permohonan jawatan di SPAJ adalah merupakan permohonan untuk pelbagai jawatan yang telah diiklankan melalui surat khabar Berita Harian, Sin Chew Daily dan Tamil Nesan dan di halaman JohorCareer. SPAJ juga mempunyai akaun media sosial Facebook dan Twitter bagi memberikan kemudahan kepada semua pemohon untuk mendapat maklumat kekosongan jawatan dan maklumat berkenaan SPAJ. Pemohon hanya perlu like FB SPAJ dan Follow Twitter SPAJ.

Mulai bulan Mei 2018 hingga bulan Mei 2019 sebanyak 12 jawatan yang telah diiklankan melibatkan 121 kekosongan.

Sebanyak 42,223 permohonan telah diterima bagi mengisi jawatan yang diiklankan dan daripada jumlah tersebut seramai 359 kaum India telah memohon jawatan berkenaan. Lima (5) orang telah melepasi tapisan semasa yang ditetapkan oleh Suruhanjaya Perkhidmatan Awam Johor untuk dipanggil menghadiri temu duga. Seorang telah berjaya dilantik ke jawatan Penolong Juruukur Bahan Gred JA29 manakala seorang ke jawatan Pembantu Tadbir (Kewangan) Gred W19.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN IR. HAJI KHAIRUDDIN BIN A RAHIM (SENGGARANG)
SOALAN B74**

Beberapa rumah penduduk di Kampung Petani Kecil, Batu 2 1/2 Jalan Minyak Beku, Batu Pahat terjejas retak akibat aktiviti letupan di kuari KCC, Hup Seng dan Hanson yang berdekatan. Tidakkah kerajaan sedar bahawa aktiviti-aktiviti kuari inimembahayakan penduduk dan wajar ditutup?

JAWAPAN YAB MENTERI BESAR

Berdasarkan Kaedah-Kaedah Kuari Negeri Johor, pengusaha kuari hendaklah mendapatkan kelulusan secara bertulis daripada Inspektor Kuari iaitu daripada pihak JMG dan PDRM bagi saringan keselamatan dan kesesuaian kapasiti bahan letupan sebelum aktiviti letupan kuari dijalankan. Namun sebelum kelulusan tersebut dikeluarkan perlu dimaklumkan kepada Pejabat Tanah Daerah terlebih dahulu bagi mendapatkan ulasan dan status terkini kuari.

Semakan Pentadbiran Tanah mendapati kuari-kuari yang diluluskan oleh pihak berkuasa adalah tertakluk kepada syarat-syarat daripada jabatan teknikal berkaitan. Mana-mana pengusaha yang melanggar syarat kelulusan akan diambil tindakan termasuk pembatalan permit serta kelulusan berkaitan.

Merujuk kepada aduan YB Senggarang bahawa terdapat aduan keretakan rumah akibat daripada aktiviti kuari di kawasan berkenaan, Kerajaan Negeri akan meminta jabatan dan agensi yang berkenaan untuk membuat siasatan dan mengambil tindakan lanjut.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN IR. HAJI KHAIRUDDIN BIN A RAHIM (SENGGARANG)
SOALAN B75**

Bilakah kerajaan akan menaik taraf Jalan Persekutuan FT005 dari Simpang Parit Botak hingga Taman Banang, Batu Pahat yang merupakan "*hotspot*" kadar kemalangan tertinggi kedua di Malaysia?

JAWAPAN YB TUAN HAJI MOHD SOLIHAN BIN BADRI

Jalan Persekutuan FT005 dari Simpang Parit Botak hingga Taman Banang, Batu Pahat yang merupakan "*hotspot*" kadar kemalangan tertinggi kedua di Malaysia adalah disebabkan ketidaksempurnaan reka bentuk jalan terutamanya disebabkan ketiadaan pembahagi jalan. Anggaran bagi melaksanakan kerja-kerja pemasangan median pembahagi jalan sepanjang jajaran 2.5 KM. Cadangan bagi pembinaan median ini adalah berjumlah RM 10juta dimasukkan di dalam senarai RMK12.

Bagi mengurangkan kadar kemalangan ini, untuk jangka masa pendek pihak JKR akan memastikan kerja-kerja penyelenggaraan dilaksanakan dengan sempurna terutama dari aspek keselamatan seperti penyelenggaraan papan tanda, garisan jalan dan pembaikan kerosakan lampu jalan.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN IR. HAJI KHAIRUDDIN BIN A RAHIM (SENGGARANG)
SOALAN B76**

Apakah status terkini Lapangan Terbang Tanjung Laboh yang mana antara tertua di negeri Johor? Adakah kerajaan bercadang untuk mewartakan lapangan terbang ini sebagai tapak warisan sebagaimana Lapangan Terbang Tekah di Perak?

JAWAPAN YB TUAN MOHD. KHUZZAN BIN ABU BAKAR

Status terkini Lapangan Terbang Tanjung Laboh merupakan kawasan seliaan Jabatan Kejuruteraan Aeronautik Fakulti Kejuruteraan, Mekanikal Dan Pembuatan UTHM yang telah dipajak daripada Kementerian Pengangkutan semenjak 2014. Lapangan terbang ini mempunyai landasan sepanjang 1000 meter di atas tanah seluas 22 hektar. Ia telah dibina pada 1942 dan telah digunakan oleh tentera Jepun sehingga 1945.

Walau bagaimanapun, pihak Yayasan Warisan Johor akan mencadangkan kepada Kerajaan Persekutuan selaku pemilik Lapangan Terbang Tanjung Laboh melalui Jabatan Warisan Negara bagi mencalonkan Lapangan Terbang Tanjung Laboh ini diwartakan di bawah Akta Warisan Kebangsaan 2005 sebagai tapak warisan kebangsaan.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN IR. HAJI KHAIRUDDIN BIN A RAHIM (SENGGARANG)
SOALAN B77**

Ramai siswazah rakyat Johor yang menganggur atau bekerja dengan pendapatan yang kurang munasabah. Apakah usaha-usaha yang telah dibuat oleh kerajaan negeri untuk meringankan masalah tersebut?

JAWAPAN YB TUAN HAJI AMINOLHUDA BIN HAJI HASSAN

Terdapat beberapa usaha yang telah dibuat oleh kerajaan negeri untuk membantu siswazah rakyat Johor dengan melalui program-program seperti:

1. Program Johor *Upskilling and Reskilling*

lanya merupakan program yang berbentuk latihan kemahiran yang berteraskan keperluan industri kepada peserta khususnya golongan belia yang dijalankan dalam tempoh 1 bulan sehingga 3 bulan di pusat-pusat latihan yang bertauliah. Setelah peserta tamat mengikuti program ini, peserta akan ditawarkan penempatan pekerjaan dalam industri yang berkaitan.

Program ini dirancang berdasarkan kehendak dan keperluan semasa industri yang seterusnya akan membolehkan peserta ditempatkan bekerja sebaik sahaja tamat latihan dan meningkatkan peluang pekerjaan seterusnya mengurangkan kadar pengangguran di Negeri Johor.

Program ini juga mendapat kerjasama antara kerajaan negeri melalui Unit Strategik Modal Insan Johor bersama Jabatan Pembangunan Kemahiran dan Badan-badan Profesional dari segi penyelarasan modul dan pensijilan dan Jabatan Tenaga Kerja melalui JobsMalaysia dari segi peluang-peluang pekerjaan dan keperluan industri.

Latihan Kemahiran yang akan dilaksanakan di bawah *Johor Upskilling and Reskilling* ini menumpukan industri daripada sektor-sektor tumpuan Negeri Johor seperti Sektor Pembuatan, Minyak dan Gas, Hospitaliti dan Pelancongan serta Sektor Kesihatan di mana program ini akan bermula pada bulan Ogos sehingga Oktober tahun ini yang mensasarkan latihan dalam tempoh 1 bulan hingga 3 bulan dan seterusnya mendapat penempatan pekerjaan.

2. Program Insan Johor

lanya merupakan program yang berbentuk bantuan bagi membantu golongan sasar meningkatkan pendapatan. Melalui program ini, peserta akan menerima latihan kemahiran jangka pendek dan seterusnya bantuan peralatan asas bagi mengembangkan perniagaan serta meningkatkan pendapatan.

Membantu peserta yang tergolong daripada kumpulan sasar di bawah kategori kumpulan B40 terutamanya dari kumpulan miskin dan miskin tegar agar dapat menjana pendapatan tambahan dan seterusnya terkeluar daripada golongan tersebut dan seterusnya dapat meningkatkan ekonomi bukan sahaja kepada individu, malahan kepada keluarga dan ekonomi negeri Johor khususnya. Memberikan kemahiran *softskills* dan motivasi kepada kumpulan sasar supaya dapat memajukan diri dan meningkatkan taraf hidup ke arah yang lebih baik dan mengoptimumkan modal insan yang produktif dan positif untuk berada di dalam pasaran bagi memberi impak kepada individu, komuniti dan seterusnya negeri Johor.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

Selain itu, program ini memberi motivasi dan membuka peluang kepada kumpulan sasar yang terpinggir supaya dapat memajukan diri dan mengambil peluang untuk meningkatkan taraf hidup melalui perniagaan.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN IR. HAJI KHAIRUDDIN BIN A RAHIM (SENGGARANG)
SOALAN B78**

Indonesia telah membangunkan program pertanian sehingga dapat mengurangkan masalah pengangguran dan pergantungan mengimport sumber makanan. Sekarang mereka mengeksport hasil pertanian seperti ternakan, rempah ratus dan sebagainya. Adakah kerajaan negeri mempunyai rancangan pembangunan pertanian bagi mengurangkan pengangguran dan meningkatkan sumber hasil pertanian?

JAWAPAN YB TUAN HAJI TOSRIN BIN JARVANTHI

Negeri Johor merupakan salah satu penyumbang terbesar bagi pengeluaran tanaman makanan di Malaysia. Berdasarkan Buku Perangkaan Agro-Makanan 2017 (Kementerian Pertanian dan Industri Asas Tani), Johor mengeluarkan 592,075.51 metrik tan buah-buahan iaitu 41% daripada keseluruhan Malaysia; 203,846 metrik tan sayur-sayuran (19% daripada Malaysia); 42,424 metrik tan tanaman kontan (20% daripada Malaysia); 107,731 metrik tan tanaman kelapa (21% daripada Malaysia); 13,690.10 metrik tan tanaman rempah-ratus (24% daripada Malaysia); serta 274,284.36 metrik tan nanas (81% daripada Malaysia).

Walau bagaimanapun, kerajaan negeri sentiasa berusaha untuk meningkatkan lagi sumber hasil pertanian dan mengurangkan pengangguran serta mengurangkan import sumber makanan. Selain daripada itu, bersesuaian untuk menampung keperluan dalam negeri dan untuk menjamin keselamatan bekalan makanan yang mencukupi dan berterusan serta membendung kenaikan harga, Kerajaan Negeri merangka program dan tindakan yang positif ke arah usaha-usaha untuk meningkatkan pengeluaran bahan-bahan tanaman makanan yang mencukupi melalui program seperti berikut :

- a. Tanaman Selingan(*Intercropping*)
- b. Kebun Integrasi
- c. Pembukaan kawasan baru
- d. Penambahbaikan kawasan sedia ada

Negeri Johor sebenarnya telah melaksanakan usaha-usaha yang berterusan untuk memastikan peningkatan sumber hasil pertanian dan mengurangkan pengangguran serta mengurangkan import sumber makanan, khususnya untuk keperluan dalam negeri semenjak beberapa dekad yang lalu melalui program berskala besar seperti Zon Pengeluaran Makanan (ZPM) oleh PPK, Taman Kekal Pengeluaran Makanan (TKPM) oleh Jabatan Pertanian dan JPV, Pembukaan Ladang Pertanian Moden oleh MOA dan Pembangunan Ladang Bio Desaru oleh Perbadanan Bioteknologi dan Biodiversiti Negeri Johor (J-Biotech).

Penglibatan para petani, usahawan tani dan golongan belia juga tidak dipinggirkan, malah terus diberi bimbingan dan bantuan agar mereka terus dapat bergiat secara aktif dan berterusan untuk mengeluarkan hasil-hasil pertanian seperti buah-buahan, tanaman kontan dan sayur-sayuran dengan memaksimumkan penggunaan tanah di kawasan kebun mereka yang sedia ada.

Produk-produk berasaskan pertanian meningkat harganya disebabkan antara lainnya, daripada harga baja yang melambung tinggi. Kerajaan negeri menyedari kebimbangan terhadap kenaikan harga baja dan lain-lain input telah meningkat, kesan daripada kejatuhan

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

nilai ringgit dan kenaikan harga minyak akhir-akhir ini di peringkat global dan juga di dalam negara.

Jabatan Pertanian sedang mempergiatkan promosi dan penyampaian maklumat mengenai teknologi *Effective Microorganism* atau Mikrob Berfaedah kepada para pekebun sedia ada (menggunakan baja kimia) agar beralih kepada pembangunan pertanian secara organik. Penggunaan teknologi Mikrob Berfaedah merupakan salah satu aspek penting dalam mengurangkan penggunaan baja dan racun kimia dalam aktiviti pertanian, sekali gus dapat memelihara alam sekitar. Pada masa kini, pengamalan pertanian organik masih rendah dan penggunaan baja dan racun kimia terus meningkat.

Di masa hadapan, bagi pembangunan pertanian organik, tumpuan akan diberikan kepada proses-proses pembuatan baja organik, pembuatan *bio-pest repellent* menggunakan bahan semula jadi yang terdapat di persekitaran melalui *hands on* di ladang pengusaha yang terpilih dalam usaha untuk menjadikan ladang tersebut sebagai ladang contoh yang mengamalkan pertanian organik.

Di negeri Johor, pembangunan pertanian organik adalah melalui penggunaan mikrob berfaedah di ladang-ladang petani. Fungsinya sebagaimana sedia maklum ialah untuk membangunkan industri pertanian organik secara komersial dan berdaya saing. Pada masa yang sama, ianya juga akan mewujudkan pembangunan dan promosi teknologi bagi menggalakkan pengusaha mengamalkan teknologi terkini untuk meningkatkan produktiviti dan pengeluaran hasil yang bermutu tinggi.

Para belia merupakan generasi muda yang menyumbang satu per lima daripada jumlah populasi ekonomi negara membangun. Mereka juga berdepan kadar pengangguran antara 10 hingga 28 peratus. Jumlah belia yang produktif semakin bertambah tetapi golongan ini kurang berminat menceburi sektor 3D (*dirty, difficult & dangerous*) kotor, sukar dan bahaya; termasuklah sektor / bidang pertanian.

Banyak faktor yang menyumbang kepada kurangnya minat golongan muda terhadap bidang pertanian antaranya stigma masyarakat umum yang masih melihat imej pertanian sebagai satu bidang yang kotor dan tidak memberikan pulangan tinggi, ketiadaan modal sama ada dari segi kewangan, mahupun tanah pertanian dan pelbagai lagi.

Bagi mengubah persepsi masyarakat terhadap bidang pertanian ini di era teknologi maklumat ini, kerjasama rapat antara kerajaan dengan pihak media dalam melaporkan penglibatan dan kejayaan belia dalam sektor ini pada skala yang besar ditonjolkan supaya kerjaya dalam pertanian boleh dipaparkan dengan cara yang menarik. Selain itu, banyak aspek strategi latihan pertanian serta kejayaan melahirkan usahawan serta tenaga kerja pertanian telah diberi liputan meluas oleh media.

Bagi Jabatan Pertanian sendiri, antara langkah yang diambil ialah melalui kursus-kursus yang dijalankan di Pusat Pertanian dan Institut Pertanian. Pada setiap tahun Pusat Pertanian menyediakan program latihan pertanian yang melibatkan pengambilan seramai 100 peserta (belia/beliawanis) untuk mengikuti latihan di Pusat Pertanian Ayer Hitam dan 150 orang di Institut Pertanian Air Hitam. Semua belia yang berminat dan mempunyai kelayakan asas adalah dijemput untuk mengemukakan permohonan untuk mengikuti kursus di institusi yang berkenaan.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

Kerajaan juga turut mengoptimumkan penggunaan teknologi maklumat dan komunikasi (ICT) serta laman sosial dalam mencapai kumpulan sasaran.

Bagi menangani faktor kekurangan tanah pertanian, kerajaan negeri dengan kerjasama kerajaan pusat sering berusaha bagi mengenal pasti tanah-tanah terbiar dan merangka penggunaannya sebagai tanah pertanian dalam usaha untuk meningkatkan hasil tanaman seperti buah-buahan, sayur-sayuran, perikanan dan ternakan melalui pembukaan Taman Kekal Pengeluaran Makanan (TKPM).

Di samping itu, golongan belia juga adalah digalakkan untuk mengusahakan tanah milik ahli keluarga atau pun menyewa tanah-tanah pertanian yang terdapat berdekatan dengan tempat tinggal mereka untuk diusahakan dengan tanaman secara komersial.

Pada tahun 2019, bagi menggalakkan penyertaan para belia, Jabatan Pertanian telah memperuntukkan melalui Program / Projek Belia Tani sebanyak RM500,000 dengan agihan kepada semua daerah iaitu Batu Pahat (RM70,800), Johor Bahru (RM40,000), Kluang (RM58,600), Kota Tinggi (RM50,000), Kulai (RM40,000), Mersing (RM45,000), Muar (RM50,000), Pontian (RM50,000), Segamat (RM40,000) dan Tangkak (RM55,600).

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB PUAN NOR RASHIDAH BINTI RAMLI (PARIT RAJA)
SOALAN B79**

Mohon dinyatakan langkah-langkah kerajaan menangani harga rumah?

JAWAPAN YB TUAN SR. DZULKEFLY BIN AHMAD

Untuk makluman Yang Berhormat, pada 1 April 2019, kerajaan telah menambah baik Dasar Perumahan Rakyat Johor dengan memperkenalkan Dasar Rumah Mampu Biaya Johor. Dasar ini merupakan satu mekanisme bagi mengimbangi harga rumah di pasaran terbuka. Kerajaan telah menetapkan bahawa mana-mana tanah yang dibangunkan dari 3 hingga ke 5 ekar, pembangunan Rumah Mampu Biaya Johor perlu dibangunkan sebanyak 20%, manakala bagi tanah yang dibangunkan bersaiz 5 ekar ke atas, pihak pemaju diwajibkan untuk membangunkan 40% Rumah Mampu Biaya Johor.

Selain itu, dasar ini juga telah menetapkan harga jualan rumah yang kompetitif dan mampu dimiliki oleh golongan sasar. Senarai harga rumah yang telah ditetapkan adalah RMBJ A RM42,000.00, RMBJ B RM80,000.00, RMBJ C RM150,000.00, RMBJ D RM300,000.00 dan Kedai Kos Sederhana berharga RM200,000.00.

Kerajaan juga telah memutuskan untuk mengenakan bayaran caj gantian terhadap pemaju yang gagal menyediakan komponen Rumah Mampu Biaya Johor. Bagi setiap kekurangan komponen Rumah Mampu Biaya Johor, pihak pemaju akan dikenakan caj gantian sebanyak RM40,000.00 bagi setiap unit yang tidak dibina. Namun begitu pihak pemaju diberi kelonggaran terhadap kaedah bayaran. Jika pihak pemaju membayar secara "*lump sum*" caj yang akan dikenakan adalah sebanyak RM40,000.00 bagi setiap unit manakala bayaran secara ansuran, caj yang akan dikenakan adalah sebanyak RM 60,000.00 setiap unit rumah yang tidak dibina.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB PUAN NOR RASHIDAH BINTI RAMLI (PARIT RAJA)
SOALAN B80**

Mohon dinyatakan langkah-langkah kerajaan bagi membantu golongan muda memiliki rumah pertama?

JAWAPAN YB TUAN SR. DZULKEFLY BIN AHMAD

Kerajaan sentiasa mengutamakan golongan muda bagi memastikan pemilikan perumahan kepada golongan belia. Pelbagai inisiatif dilaksanakan bagi memastikan golongan belia tidak ketinggalan bagi isu ini.

Berikut merupakan inisiatif yang telah dilaksanakan:

1. Kuota Pembahagian Rumah Mampu Biaya Johor

Sebagaimana ketetapan kerajaan di dalam Majlis Mesyuarat Kerajaan Johor bertarikh 12/6/2018 telah memutuskan untuk memperuntukkan sebanyak 5% kuota pembahagian khusus untuk golongan belia. Kuota ini adalah untuk membantu golongan belia bagi memiliki kediaman sendiri.

2. Skim Sewa Beli

Seterusnya, kerajaan juga memberi alternatif lain untuk membantu golongan belia di negeri Johor untuk memiliki rumah. Kerajaan telah memperuntukkan dana sebanyak RM30 juta khusus untuk skim sewa beli. Sepertimana yang diketahui, golongan belia sukar mendapat pembiayaan perumahan adalah disebabkan faktor pendapatan bulanan. Kerajaan menyediakan platform ini bagi membantu golongan belia untuk memiliki rumah.

Bakal pembeli akan diberi tempoh percubaan menyewa selama 2 hingga 5 tahun sebelum tawaran pembelian akan diberi. Dari jumlah bayaran sewaan yang dikenakan, 50% dari jumlah itu akan dijadikan sebagai tabungan kepada bakal pembeli untuk dijadikan sebagai wang pendahuluan bagi memiliki rumah tersebut. Skim ini diuruskan oleh syarikat Generasi Takzim Sdn. Bhd. Syarikat ini merupakan anak syarikat kepada Kumpulan Prasarana Rakyat Johor (KPRJ) yang merupakan GLC bagi negeri Johor.

3. Program Rumah Transit Belia

Selain pemilikan rumah, kerajaan juga telah menyediakan platform khusus untuk belia bagi membantu mengurangkan kos sara hidup belia yang tinggal di bandar. Program Rumah Transit Belia diperkenalkan dengan kadar sewaan serendah RM250 sebulan. Kadar sewaan ini adalah berpatutan di kawasan bandar jika dibandingkan dengan kadar sewaan bagi pasaran sewa terbuka.

Belia yang berumur 18 hingga 30 tahun dan telah mendirikan rumah tangga adalah layak untuk memohon. Projek perintis bagi program ini adalah di PPR Melana Indah. Sebanyak 390 unit rumah disediakan bagi tujuan program ini.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB PUAN NOR RASHIDAH BINTI RAMLI (PARIT RAJA)
SOALAN B81**

Mohon dinyatakan apakah langkah pihak kerajaan bagi memastikan jalan-jalan kampung mendapat perkhidmatan lampu jalan.

JAWAPAN YB TUAN HAJI TOSRIN BIN JARVANTHI

Pihak Kementerian Pembangunan Luar Bandar telah meluluskan kuota sebanyak 6,625 unit lampu jalan kampung bagi negeri johor untuk pemasangan bagi tempoh tahun 2019/2020 yang akan dibahagikan sama rata mengikut Parlimen luar bandar dan Parlimen pinggir bandar. Hanya Parlimen bandar iaitu Parlimen Johor Bahru tidak akan menerima kuota lampu jalan kampung ini.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB PUAN NOR RASHIDAH BINTI RAMLI (PARIT RAJA)
SOALAN B82**

Mohon dinyatakan secara terperinci jumlah pelancong dari China, Hong Kong, dan India yang masuk ke negeri Johor tahun 2017, 2018 dan 2019, apakah status kemasukan mereka?

JAWAPAN YAB MENTERI BESAR

Jumlah pelancong dari China, Hong Kong, dan India yang masuk ke negeri Johor tahun **2017, 2018 dan sehingga Ogos 2019** adalah seperti berikut :

Warganegara	Tahun			Jumlah
	2017	2018	2019 (Sehingga Ogos)	
China	900,845	705,004	379,496	1,985,345
Hong Kong	401	95	20	516
India	193,966	205,503	127,564	527,033
Jumlah Keseluruhan	1,095,212	910,602	507,080	2,512,894

Status kemasukan pelancong dari China, Hong Kong dan India adalah sebagai pelancong dengan Pas Lawatan Sosial (PLS) mengikut kelayakan berada di negara ini.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB PUAN NOR RASHIDAH BINTI RAMLI (PARIT RAJA)
SOALAN B83**

Mohon dinyatakan langkah-langkah pihak kerajaan memastikan Jalan Kluang selamat dari kemalangan jalan raya.

JAWAPAN YB TUAN HAJI MOHD SOLIHAN BIN BADRI

Pihak JKR sedang melaksanakan kerja – kerja pembasmi kemalangan di kawasan yang kerap berlakunya kemalangan (*black spot*) dengan anggaran kos sebanyak RM310,019.50 di FT050 Jalan Batu Pahat – Ayer Hitam – Mersing Sek 49.60 – 51.00 dan FT050 Jalan Batu Pahat – Ayer Hitam Sek 38 – 38.5 dengan peruntukan sebanyak RM 324,535.00.

Selain itu juga, kerja-kerja penyenggaraan secara rutin dan berkala juga dilaksanakan sepanjang tahun sebagai langkah-langkah mengurangkan kadar kemalangan.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN HAJI AYUB BIN HAJI JAMIL (RENGIT)
SOALAN B84**

Minta penjelasan jumlah hasil kutipan kerajaan negeri Johor sepanjang tahun 2018 dan jumlah perbelanjaan kerajaan negeri Johor sepanjang tahun 2018?

JAWAPAN YAB MENTERI BESAR

Saban tahun jumlah kutipan bagi negeri Johor menunjukkan paras pertumbuhan yang positif dengan mencatatkan pelbagai penerimaan hasil yang dicatat baik di antara negeri-negeri yang lain. Keadaan ekonomi negeri Johor yang terus berkembang ini adalah faktor yang memungkinkan kepada peningkatan nilai kutipan kerajaan negeri sekali gus meletakkan Johor sebagai salah sebuah negeri terbaik dalam konteks pengurusan hasil, ekonomi dan pelaburan.

Berhubungan dengan persoalan jumlah hasil kutipan kerajaan negeri Johor sepanjang tahun 2018. Johor berjaya kekal positif dan kolektif kerana melepasi tahap anggaran awal bagi tahun tersebut.

Keseluruhan kutipan hasil berakhir 31 Disember 2018 adalah sebanyak RM1,543.03 juta atau 102.57% dari anggaran hasil keseluruhan. Di mana Anggaran Hasil bagi tahun 2018 adalah sebanyak RM1,504.33 juta. Ini menunjukkan terimaan hasil sebenar adalah amat baik dan positif kerana melebihi anggaran hasil tahun 2018.

Manakala Perbelanjaan Mengurus sehingga 31 Disember 2018 adalah sebanyak RM1,537.77 juta iaitu sebanyak 99.66% daripada jumlah kutipan hasil tahun 2018. Secara keseluruhannya, kerajaan negeri mempunyai lebih ataupun surplus sebanyak RM5.26 juta bagi tahun kewangan 2018.

Justeru itu, kerajaan negeri Johor kini akan terus berusaha dan komited bagi meningkatkan jumlah kutipan hasil sekali gus mentadbir urus perbelanjaan negeri dengan baik demi menjamin kemampuan dan kemampanan Johor untuk tahun-tahun mendatang dalam segenap bidang khususnya yang boleh memberikan pulangan dan manfaat terbaik kepada negeri dan seluruh rakyat Johor amnya.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN HAJI AYUB BIN HAJI JAMIL (RENGIT)
SOALAN B86**

Minta penjelasan apakah punca Dewan Orang Ramai Rengit yang dalam proses pembinaan sekarang ini terbengkalai sejak begitu lama? Bilakah kerajaan negeri dan Majlis Perbandaran Batu Pahat (MPBP) boleh membantu menyelesaikan projek tersebut?

JAWAPAN YB TUAN TAN CHEN CHOON

Bagi makluman, kontraktor telah dilantik bagi pembinaan Dewan Orang Ramai Rengit pada 12 April 2018 dan dijadualkan siap pada 5 Jun 2019. Kos kontrak adalah sebanyak RM2,608,406.33 termasuk GST di mana pecahan peruntukan adalah RM1.5 juta daripada Pejabat Menteri Besar Johor, RM1 juta dari Pejabat SUK Johor (Bahagian Kerajaan Tempatan), manakala selebihnya dari peruntukan MPBP.

Projek ini tertangguh sebelum ini adalah kerana ketidakpastian mengenai peruntukan dari Pejabat Menteri Besar Johor berjumlah RM1.5 juta. Pihak MPBP sebelum ini pernah memajukan surat bagi mendapatkan maklum balas dari Pejabat Menteri Besar pada bulan November 2018 berkenaan status peruntukan tersebut.

Bagi makluman, pada bulan April 2019, pihak Pejabat Menteri Besar Johor telah memanggil mesyuarat berkaitan perkara ini dan menyatakan bahawa peruntukan RM1.5 juta masih ada lagi dan akan disalurkan secara berperingkat kepada MPBP mengikut jadual tuntutan interim telah kontraktor. Tuntutan interim telah dikemukakan kepada pihak Pejabat Menteri Besar Johor pada bulan Jun 2019 bagi kerja-kerja yang telah dilaksanakan.

Lanjutan masa juga telah diberikan kepada kontraktor sehingga 11 September 2019 akibat dari penangguhan peruntukan ini. Sehingga ini kerja-kerja masih lagi belum disambung oleh kontraktor di tapak kerana pihak kontraktor menunggu tuntutan interim tersebut dibayar terlebih dahulu. Pihak kontraktor juga dalam proses untuk memajukan permohonan lanjutan masa kedua kerana dijangkakan kerja-kerja tidak boleh disiapkan sebelum tarikh lanjutan masa pertama tamat.

Status kerja di tapak:

Jadual	: 90%
Sebenar di tapak	: 45%
*Lewat	: 45%

Status bayaran untuk kerja-kerja yang telah dilaksanakan di tapak:

Jadual	45% @ RM1,173,782.85
Bayaran telah dibuat kepada kontraktor Interim No. 1	17.5% @ RM457,596.00 (15.11.18 – tarikh dibuat pada dibayar)
Interim No. 2 & Interim No. 3	RM680,711.63 (masih menunggu bayaran @ daripada pihak PMBJ melalui ≈ 26 % SUKJ)

MPBP telah menghantar perakuan bayaran interim No. 2 & 3 kepada PMBJ pada 26.06.2019.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN HAJI AYUB BIN HAJI JAMIL (RENGIT)
SOALAN B87**

Minta penjelasan apakah pelan tindakan Jabatan Pengairan dan Saliran (JPS) untuk menyelamatkan benteng yang kerap pecah dan akan pecah di kawasan pantai Sungai Rengit hingga ke Sungai Merlong?

JAWAPAN YB TUAN JIMMY PUAH WEE TSE

Sepertimana YB Rengit sedia maklum, masalah benteng pantai yang pecah atau terhakis melibatkan benteng luar (yang dibina oleh penduduk kampung sejak sekian lama) dan benteng dalam (yang dibina semasa projek Pembangunan Pertanian Bersepadu Johor Barat).

Struktur benteng luar lebih senang pecah kerana semasa pembinaan yang dilakukan sendiri oleh penduduk, tiada jentera berat diguna untuk memadatkan struktur binaan benteng. Manakala bagi benteng dalam, ia lebih kukuh berbanding benteng luar kerana semasa pembinaan jentera berat diguna untuk memadatkan benteng.

Memandangkan kedua-dua benteng telah lama dibina, benteng ini akibat pelbagai sebab seperti resapan air, proses pemendakan tanah (*consolidation process*), dikorek oleh haiwan, akar-akar atau tumbuhan yang tumbuh pada benteng mereput dan sebagainya.

Pihak JPS Johor telah memanjangkan permasalahan ini ke JPS Malaysia dan difahamkan peruntukan akan dipertimbang di bawah butiran peruntukan Fenomena Air Pasang Besar yang dijangka kerja akan bermula pada akhir tahun 2020 nanti. Peruntukan akan disalurkan bagi membaiki benteng dalam di Daerah Batu Pahat dan Pontian, yang meliputi pantai Sg Rengit, Sg Merlong dan lainnya.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN CHEO YEE HOW (PERLING)
SOALAN B88**

Nyatakan bilangan kebakaran liar yang berlaku di tanah lapang hasil dari musim panas untuk setiap bulan yang diterima dalam Daerah Johor Bahru untuk tahun ini?

JAWAPAN YB TUAN TAN CHEN CHOON

Perangkaan kebakaran bagi daerah Johor Bahru sepanjang tahun ini adalah seperti jadual di bawah berdasarkan sumber daripada Jabatan Bomba dan Penyelamat Malaysia (JBPM).

**PERANGKAAN KEBAKARAN MENGIKUT KEBAKARAN DI MALAYSIA
UNTUK DAERAH DI ZALAM ZON 1 JOHOR
01 JANUARI – 09 SEPTEMBER 2019**

DAERAH / JENIS	SAMPAH	KEBUN LADANG	/ BELUKAR LALANG	JUMLAH
ZON 1	386	245	1497	2122
<ul style="list-style-type: none"> • Johor Bahru • Kulai • Pontian 				

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN CHEO YEE HOW (PERLING)
SOALAN B89**

Apakah usaha yang telah dijalankan untuk memastikan kualiti air sungai yang merupakan sumber air di Johor bertambah baik?

JAWAPAN YB TUAN JIMMY PUAH WEE TSE

Sebagaimana maklum, aktiviti yang tidak terkawal di kawasan tadahan sungai merupakan penyumbang utama kepada pencemaran sumber air, seperti tumpahan minyak diesel, pelepasan efluen kilang kelapa sawit atau pelepasan tinja ternakan ayam, khususnya ayam penelur. Pentadbiran ini akan menyediakan garis panduan bagi aktiviti-aktiviti dalam kawasan tadahan serta menguatkuasakan undang-undang sebagaimana telah dalam Enakmen Air 1921 (Pindaan 2014).

Selain daripada itu, juga telah memasang 3 alat Pemantauan Kualiti Air di Sungai Johor. Selain itu, pentadbiran ini juga melakukan pemantauan dan penguatkuasaan secara berkala dalam kawasan tadahan sumber air mentah serta telah mengenakan tindakan undang-undang kepada premis yang telah mencemarkan sumber air mentah.

Pihak BAKAJ juga menjalankan program kesedaran penjagaan sumber air mentah kepada premis-premis berisiko untuk mencemarkan sumber air mentah di seluruh Johor. Terdapat juga projek menggunakan *Unmanned Aerial Vehicle* (UAV) di Empangan Congok, Empangan Linggiu, Sungai Johor, Sungai Mersing dan Sungai Ulu Sedili Besar bagi mengenal pasti aktiviti di dalam kawasan tadahan.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN CHEO YEE HOW (PERLING)
SOALAN B90**

Apakah langkah-langkah yang telah diambil untuk menangani jangkaan impak pengangguran hasil dari jangkaan pertumbuhan ekonomi Singapura yang tidak memberangsangkan?

JAWAPAN YB TUAN HAJI AMINOLHUDA BIN HAJI HASSAN

Merujuk kepada Data Statistik Utama Tenaga Buruh Johor yang dikeluarkan oleh Jabatan Perangkaan Malaysia, kadar pengangguran di Johor pada tahun 2018 bertambah baik daripada 3.4 peratus (2017) kepada 3.0 peratus (2018). Ini menunjukkan ekonomi negara masih dapat dikekalkan dalam keadaan guna tenaga penuh iaitu kadar pengangguran di bawah 4.0 peratus.

Namun begitu, langkah-langkah proaktif juga telah diambil oleh Unit Strategik Modal Insan Johor dengan mengadakan inisiatif untuk menangani isu ini iaitu:

3. Karnival Kerjaya Johor Bestari

Menerusi Unit Strategik Modal Insan Melalui Program Karnival Kerjaya Johor Bestari peringkat negeri yang telah diadakan pada 20 & 21 April 2019 di Galleria@ Kotaraya yang lalu, lebih dari 5,000 peluang pekerjaan telah ditawarkan dengan penglibatan majikan sebanyak 80. Manakala pada 3 Ogos 2019 juga telah diadakan Karnival Kerjaya Johor Bestari di Tangkak dengan menawarkan lebih daripada 1,000 kekosongan jawatan. Seterusnya pada 20 Oktober 2019 ini, Karnival Kerjaya ini akan berlangsung di Batu Pahat dengan sasaran lebih daripada 1,000 kekosongan yang terbuka kepada semua pencari kerja. Jumlah keseluruhan kekosongan jawatan menerusi karnival kerjaya ialah lebih daripada 7,000.

Tambahan lagi, Jabatan Tenaga Kerja Negeri Johor menerusi Pusat JobsMalaysia Johor turut mengadakan karnival kerjaya di pelbagai lokasi yang antaranya di Pasir Gudang, Kulai dan akan datang di Kluang.

4. Inisiatif Pensijilan Tenaga Mahir Johor melalui Program Pengiktirafan Pencapaian Terdahulu (PPT)

Program ini menyasarkan penglibatan di kalangan pekerja yang mempunyai pengalaman melebihi dua tahun dan tidak mempunyai kelulusan formal mendapat Sijil Kemahiran Malaysia (SKM) bagi tujuan pembangunan kerjaya dan mengelakkan pengangguran dalam tempoh masa yang lama sekiranya diberhentikan kerja oleh majikan. Pekerja-pekerja mahir ini perlu membuktikan keterampilan yang boleh dimiliki atau diperolehi untuk dinilai dan disahkan di samping syarat-syarat lain yang telah ditetapkan. Sehubungan itu, Unit SMI mensasarkan sekurang-kurangnya 200 orang pekerja mendapat pensijilan kemahiran pada tahun 2019 melalui program ini.

**SOALAN-SOALAN BERTULIS BAGI MESYUARAT KEDUA
PENGGAJAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN CHEO YEE HOW (PERLING)
SOALAN B91**

Bagaimana dengan gejala gengsterisme dalam sekolah untuk daerah Johor Bahru untuk masa kini?

JAWAPAN YB TUAN HAJI AMINOLHUDA BIN HAJI HASSAN

Merujuk data statistik dan laporan Sistem Sahsiah Diri Murid (SSDM) dari 01 Januari hingga 31 Ogos 2019, Sekolah-sekolah di bawah pentadbiran Pejabat Pendidikan Daerah Johor Bahru, murid yang melakukan salah laku gengsterisme adalah sebanyak 09 orang murid (0.01%) daripada jumlah murid Johor Bahru sebanyak 129,372 orang.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN CHEW CHONG SIN (MENGKIBOL)
SOALAN B92**

ADUN yang paling mengetahui isu tempatan terutamanya keperluan pembangunan. Apakah langkah untuk memastikan rancangan dan belanjawan peringkat tempatan dan negeri perlu mendapatkan pandangan ADUN?

JAWAPAN YAB MENTERI BESAR

Bagi mendepani cabaran membangunkan negeri ini berdasarkan pergerakan pantas kemajuan global. Kerajaan negeri Johor akan sentiasa bersedia dalam pelbagai aspek terutamanya menyediakan sebuah perancangan daripada pelbagai sudut dan fokus pembangunan dan pengurusan yang lebih inklusif. Selaras dengan itu, pelbagai aspek juga perlu dititikberatkan antaranya kesaksamaan sosial, keperluan kemajuan semasa, pembangunan ekonomi dan pelaburan serta sosiobudaya. Perancangan tersebut akan disusuli dengan perbincangan yang lebih memberi fokus kepada isu bajet untuk melaksanakan pelbagai inisiatif di peringkat tempatan yang telah dan bakal dirancang untuk dilaksanakan kelak dapat direalisasikan dengan jayanya.

Dalam konteks membangunkan setiap daerah mengikut keupayaan masing-masing. Ianya, merupakan antara salah satu misi yang dititikberatkan kerajaan Johor dalam membina negeri yang lebih berdaya saing terutamanya melalui pembangunan yang lebih lestari, mampan dan dinamik. Semua YB ADUN terlibat secara langsung dalam perancangan dan perbelanjaan peringkat tempatan dan negeri melalui 4 saluran utama seperti berikut:-

1. Rancangan Tempatan Daerah (RTD):

Dokumen rancangan pemajuan yang mengandungi dasar dan cadangan yang lebih terperinci mengenai aktiviti pemajuan dan penggunaan tanah bagi sesebuah daerah. Kajian rancangan ini di bawah penyelarasan **Pihak Berkuasa Tempatan (PBT)** yang mengambil kira input dan maklum balas dari pemimpin dan masyarakat setempat.

2. Mesyuarat Jawatankuasa Tindakan Daerah:

ADUN merupakan ahli jawatankuasa tetap dalam mesyuarat Jawatankuasa Tindakan Daerah. Segala permasalahan berkaitan projek pembangunan di daerah akan dibincangkan bagi mendapatkan solusi penyelesaian. ADUN juga disediakan platform bagi mengutarakan pendapat dan perancangan bagi pembangunan setempat.

3. Mesyuarat Fokus Group Pembasmian Kemiskinan Daerah:

Mesyuarat *focus group* juga dianggotai oleh ADUN bagi membincangkan isu pembasmian kemiskinan seperti:

- Pemutihan e-Kasih
- Projek Perumahan Rakyat (PPR)
- **Mobile Team** dan skim serta bantuan yang berkaitan.

Keterlibatan ADUN dalam pelaksanaan amat penting agar kadar kemiskinan daerah dapat dikurangkan. Pihak Bahagian Perancang Ekonomi Negeri telah mengadakan bengkel penyediaan bajet yang melibatkan semua pihak. Sekiranya ada cadangan di peringkat YB ADUN sendiri, cadangan tersebut boleh dimajukan kepada Pejabat Daerah ataupun terus kepada Bahagian Perancang Ekonomi Negeri Johor.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN CHEW CHONG SIN (MENGKIBOL)
SOALAN B93**

Memandangkan banyak kontraktor untuk projek kerja kerajaan yang mempunyai masalah mutu atau memulangkan kerja sebab tidak puas hati dengan keuntungan, apakah peranan Johor Centre for Construction Development (JCCD) untuk memantau dan senarai hitamkan kontraktor?

JAWAPAN YB TUAN HAJI MOHD SOLIHAN BIN BADRI

Cadangan pembinaan pangkalan data 'Johor Contractor Big Data' (JCBD) merupakan salah satu inisiatif pihak Kerajaan Negeri dalam usaha memacu ekonomi dan penggunaan digital dalam kalangan rakyat, perniagaan dan pentadbiran kerajaan di Johor.

Berdasarkan statistik yang direkodkan oleh CIDB Malaysia, Johor mencatatkan sebanyak 15,294 orang kontraktor yang telah berdaftar bersama CIDB Malaysia terdiri daripada Kejuruteraan Bangunan, Kejuruteraan Awam, Kejuruteraan Mekanikal & Elektrikal dan Pengurusan Fasilitas.

Antara peranan JCCD di dalam pembinaan JCBD adalah bagi tujuan mengurus pembahagian kerja kontrak oleh pihak kerajaan negeri. Dengan adanya pangkalan data ini, secara tidak langsung pembahagian kerja dapat diagihkan secara saksama dan menyeluruh. Selain itu, dengan adanya pangkalan data JCBD, segala maklumat para kontraktor di negeri Johor dapat di kumpul, malah setiap syarikat yang berdaftar dapat diberi penarafan mengikut gred dan pengkhususan.

Pada 9 April 2019, satu perjanjian persefahaman berkaitan Cadangan Pembangunan Kapasiti Kontraktor Negeri Johor telah ditandatangani di antara *Johor Centre For Construction Development* (JCCD) & Universiti Teknologi Malaysia (UTM).

Antara kandungan MoU tersebut adalah sepertimana berikut:

Teras 1 - Penyediaan terma rujukan bagi pembangunan sistem *Johor Contractor Big Data* (JCBD) melalui teknologi maklumat.

Teras 2 - Penganjuran pelbagai kursus berkaitan Teknologi Kejuruteraan (*Engineering Technology*) terkini dan amalan terbaik berkenaan pengurusan dan pelaksanaan projek pembangunan.

Teras 3 - Pemerkasaan pengurusan kejuruteraan (*Engineering Management*) dan projek pembangunan di Johor termasuk menyediakan garis panduan dan instrumen penilaian yang berkesan bagi kontraktor.

Terdapat pelbagai kriteria dan kategori yang akan dimasukkan ke dalam pangkalan data kontraktor JCBD. Sebagai contoh; gred kontraktor, pengkhususan, latar belakang syarikat, maklumat pensijilan dari badan diiktiraf, pengalaman syarikat, kewangan dan maklumat teknikal boleh diakses melalui pangkalan data tersebut.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

Dengan adanya pangkalan data tersebut, data akan disimpan dalam bentuk yang mudah untuk difahami, di analisa dan di proses mengikut kehendak pihak pengurusan dan pemberi tender.

Pembangunan sistem tersebut juga akan menghubungkan pangkalan data daripada Jabatan Kerja Raya (JKR) Negeri Johor dan Lembaga Pembangunan Industri Pembinaan Malaysia (CIDB) bagi tujuan mengintegrasikan sistem-sistem sedia ada di dalam satu platform.

Justeru itu, platform tersebut akan diguna pakai oleh seluruh Pihak Berkuasa Tempatan (PBT), Syarikat Berkaitan Kerajaan Negeri (GLC) dan agensi-agensi negeri Johor bagi sumber rujukan terhadap prestasi dan rekod kualiti kerja kontraktor-kontraktor negeri Johor. Pada masa yang sama, penarafan kontraktor di akan dilaksanakan dan diselaraskan berpandukan sistem tersebut.

Penarafan kontraktor Johor adalah satu program pemantauan prestasi kontraktor berdasarkan rekod kualiti kerja yang telah dilaksanakan. Kontraktor akan dikelaskan mengikut kelas bintang mengikut markah Merit dan demerit distrukturkan oleh bahagian penyelidikan UTM.

Bagi kontraktor yang tidak melakukan kerja dengan baik, atau rekod kerja yang bermasalah, pembaharuan Sijil Kontraktor Johor (SKJ) akan digantung bagi kontraktor tersebut dan sokongan bantuan latihan akan diberikan mengikut *skill* dan keperluan yang diperlukan bagi peningkatan prestasi. Latihan ini wajib dihadiri oleh kontraktor sebelum kontraktor tersebut layak untuk memperbaharui semula SKJ. Jika kontraktor tidak menghadiri latihan tersebut atau rekod kerja bermasalah direkodkan lebih dari 2 kali, kontraktor tersebut akan disenaraihitamkan bagi menyertai mana-mana projek berkaitan yang mengguna pakai bajet pembangunan Kerajaan Negeri dan tidak layak untuk memperbaharui SKJ.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN CHEW CHONG SIN (MENGKIBOL)
SOALAN B94**

Masih ramai petani kecil dan sederhana menjalankan aktiviti pertanian dengan memajak atau menyewa tanah pertanian pada kadar yang agak tinggi dan tempoh yang pendek. Apakah usaha dan pelan kerajaan dalam membantu petani kecil dan sederhana ini untuk mendapatkan tanah?

JAWAPAN YB TUAN HAJI TOSRIN BIN JARVANTHI

Secara dasarnya Jabatan Pertanian tidak menyediakan tanah kepada petani untuk menjalankan projek pertanian. Namun begitu, petani boleh membuat permohonan sewaan tanah rizab di bawah Jabatan Pertanian.

Kadar sewaan adalah berdasarkan kepada penilaian yang akan dijalankan oleh pihak Jabatan Penilaian & Perkhidmatan Harta (JPPH) ke atas tanah yang dimohon.

Setiap permohonan sewaan akan diangkat ke dalam mesyuarat terlebih dahulu untuk mendapatkan sokongan dan kelulusan.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN CHEW CHONG SIN (MENGKIBOL)
SOALAN B95**

Tempat ibadat bukan Islam selalu menghadapi masalah tanah dan kekurangan bantuan kewangan. Apakah rancangan atau polisi kerajaan mengenai tempat ibadat bukan Islam?

JAWAPAN YAB MENTERI BESAR

Kerajaan negeri Johor sentiasa memberikan komitmen penuh kepada nasib rakyatnya terutamanya mana-mana masyarakat yang menghadapi masalah bantuan kewangan dalam konteks pembangunan rumah atau tempat ibadat. Justeru itu, sebarang permohonan bantuan kewangan boleh dimajukan terus kepada Pejabat Menteri Besar Johor dengan mengikut langkah serta prosedur yang ditetapkan.

Bagi permasalahan tanah, YB boleh berbincang bersama-sama Pegawai Daerah selaku Pengerusi Keselamatan Daerah bersama-sama ketua jabatan daerah seperti Pentadbir Tanah dan Yang Dipertua Pihak Berkuasa tempatan bagi melihat kesesuaian tapak tanah bagi dibangunkan rumah ibadat bukan Islam.

**SOALAN-SOALAN BERTULIS BAGI MESYUARAT KEDUA
PENGAL PERSIDANGAN KEDUA DEWAN NEGERI JOHOR YANG KE-14
PADA HARI KHAMIS, 12 SEPTEMBER 2019**

**YB TUAN CHEW CHONG SIN (MENGKIBOL)
SOALAN B96**

Berdasarkan TITIK FOKUS #155, terdapat RM1.5 juta peruntukan untuk kebajikan Masyarakat Cina. Apakah status kegunaan peruntukan tersebut?

JAWAPAN YAB MENTERI BESAR

Masa depan Johor bukan sahaja terletak hanya kepada kemajuan dan kebolehan ekonominya semata-mata malahan ianya memerlukan daya saing dalam pelbagai fokus antaranya ialah melalui demokrasi yang dinamik dan kesaksamaan sosial yang terus dibela. Justeru itu, setiap lapisan masyarakat daripada pelbagai bangsa juga diupayakan dan diberikan suntikan dana bagi menjamin Johor kekal relevan dalam isu melimpahkan keadilan dan manfaat secara mampan kepada semua lapisan masyarakat.

Berikut adalah status peruntukan Masyarakat Cina sehingga 5 September 2019

BIL	KATEGORI PERUNTUKAN	AMAUN (RM)	BELANJA	BAKI PERUNTUKAN
1.	Bantuan Kebajikan	1,500,000.00	40,000.00	1,460,000.00
		1,500,000.00	40,000.00	1,460,000.00